

Gk. lit.  
Hist.

DE GIGANTIBUS FABULARUM  
GRÆCARUM

DISPUTATIO.

SCRIPSIT

JOHANNES VICTORINUS PINGEL.

—  
HAUNIAE.

TYPIS I. COHENII.



Digitized by the Internet Archive  
in 2010 with funding from  
University of Toronto

DE GIGANTIBUS FABULARUM  
GRÆCARUM

DISPUTATIO,

QUAM AD JURA DOCTORIS PHILOSOPHÆ MORE  
MAJORUM ASSEQUENDA

SCRIPSIT

ET DIE IX MENSIS MAJI HORA LOCOQUE SOLITO

PUBLICE DEFENDERE STUDEBIT

**JOHANNES VICTORINUS PINGEL,**  
PHILOLOGIÆ CANDIDATUS.

---

HAUNIÆ.

TYPIS I. COHENII.

MCCCCCLXIV.

Dissertationem, quæ inscribitur „De Gigantibus fabularum  
Græcarum,“ Facultas philosophica Universitatis Hauniensis dig-  
nam censet. quæ pro summo gradu philosophiæ rite assequendo  
publico examini subjiciatur.


Hauniæ d. IV. Aprilis MDCCCLXIV.

**F. A. Mehren,**

h. a. Decanus Facultatis philosophicæ.

# INDEX RERUM.

	Pag.
Præfatio . . . . .	1
<b>I. Quæ scriptores liberæ Græciæ de Gigantibus tradant.</b>	
§ 1. De Gigantum nomine . . . . .	4
§ 2. Narratio Apollodori . . . . .	8
§ 3. Testimonia poetarum epicorum antiquiorum . . . . .	10
§ 4. Testimonia poetarum lyricorum . . . . .	18
§ 5. Testimonia poetarum dramaticorum . . . . .	22
§ 6. Testimonia scriptorum prosæ orationis et poetarum Alexandrinorum . . . . .	29
§ 7. Fabulæ per hoc temporis spatium mutationes . . . . .	36
<b>II. Quæ scriptores temporum Romanorum de Gigantibus tradant.</b>	
§ 1. Testimonia poetarum Latinorum . . . . .	50
§ 2. Testimonia poetarum Græcorum . . . . .	58
§ 3. Testimonia scriptorum prosæ orationis . . . . .	62
<b>III. De Gigantibus fabularum topicarum.</b>	
§ 1. Quæ loca in Gigantum fabula commemorentur. De Gigantibus Argolicis Wieseleri, Atticis C. O. Mülleri.	73
§ 2. De Gigantibus Arcadicis et de Lycaonis fabula . .	79
§ 3. De Phlegyis . . . . .	84
<b>IV. De Gigantum fabula universa et de significatione ejus.</b>	
§ 1. Fabulæ historia breviter repetita. Welckeri et Wieseleri opiniones non probabiles . . . . .	89
§ 2. Utrum Gigantes hominibus an diis propiores sint .	92
§ 3. Quid Gigantum fabula significet . . . . .	96



## PRÆFATIO.

---

Quicunque de rebus ad mythologiam Graecam pertinentibus scribendi consilium cepit, si quidem ei persuasum est, quod plerique libenter concesserint, illam studii antiquitatis partem etiamnunc præ cæteris dubiam et incertam esse, et divinationes levissimas illic, ut vix alibi, et proponi et tolerari, vanarum conjecturarum legiones augere verens eam sibi legem imponere debet, ut, quantum possit, elaboret, ut in illa quoque scientiæ antiquitatis disciplina firmum fundamentum, quo studia carere omnino non possunt, jaciatur. Fundamentum autem, quo omnis scientia historica nititur, constat ex iis, quæ tradita sunt. Prima igitur in qualibet fabula tractanda quæstio est, quid traditum sit. Deinde vero quum fabulæ non constantes sint et stabiles, sed, ut humana omnia, fluant et mutentur, opus est, testimoniis, quorum prima a postremis plus quam decem sæculorum intervallo sæpe distant, secundum ordinem temporum dispositis, investigare, quas vicissitudines et mutationes fabula per longum temporis spatium subierit. Sequitur quæstio de fabulæ mutatæ causis, difficilis sane et dubia; sed quia de rebus ad tempora nobis nota pertinentibus etiamnunc agitur, et quia fabularum vicissitudines et casus inter se sæpe illustrant, multa tamen etiam hic aut vera aut ad-

modum verisimilia, quæ fabularum naturæ et rationibus lucem afferant, inveniri possunt. Mutationibus fabularum consideratis et causis earum, quantum fieri possit, explicatis ultima et difficillima quæstio oritur de sensu et significacionibus fabularum. Ad quam, quo quisque diligentius mutationes illas intra spatum temporis nobis notum factas animadverterit, eo cautius et circumspectius accedet. Facile enim perspicitur, fabulas ne per illud quidem spatum plurimorum sæculorum, quod ante Homerum fuit, non mutatas mansisse. Quam difficile est igitur primas et genuinas formas earum assequi ! Ad quas tamen ascendat necesse est, qui sensum et significationes eruere velit. Alia quoque consideratio maximam cautionem suadere videtur. Nam licet dii Græci initio imagines et adumbrationes rerum naturalium fuerint, sine dubio tamen jam perantiquis temporibus animantes vivi et veri, immortales illi quidem et beati, sed natura prorsus humana, crediti sunt; e notione autem deorum humanorum velut e fecundo semine ingens numerus fabularum de vita et moribus, de amore et odio, de possessionibus et certaminibus deorum, quæ sensu recondito et symbolico prorsus carerent, ortus sit necesse est. Quibus rebus permoti in dissertatione nostra de Gigantibus hoc potissimum spectavimus, ut fabula ipsa et historia ejus quam accuratissime cognosceretur. In loco dubio de significatione ejus hoc tenuimus, fieri posse, ut Gigantum bellum rerum naturæ violentas vicissitudines significet, verum ex altera parte non minus verisimile esse, totam illam fabulam libero fingendi et creandi studio quum omnibus populis tum præcipue Græcis innato deberi.

Gigantum fabula celeberrima, ne nostri quidem temporis hominibus non plane indoctis ignota, a nullo scriptore

qui de universa mythologia Græca egerit, prorsus negligi potuit. Diligentius tamen et copiosius de Gigantibus solus Wieselerus egit in Erschii et Gruberi Encyclopædia disciplinarum et artium.<sup>1)</sup> De qua dissertatione pauca nobis dicenda erunt.<sup>2)</sup> Wieselerus omnia fere, quæ apud scriptores et in monumentis artis de Gigantibus inveniuntur, admirabili doctrina et egregia cura collegit. Itaque etsi multis scriptores antiquos hoc consilio perlegeram, ut, quicquid ad Gigantum fabulam pertineret, excerptorem, tamen, quum Wieseleri dissertationem cognovissem, vidi, perpanca esse, quæ mihi ab illo viro doctissimo non prærepta essent, et permulta ex angulis remotissimis litterarum Græcarum et Romanarum cognovi, quæ mihi prorsus ignota erant, et quæ vix ipse invenire potuissem. Nihilo minus ab incepto opere non desistendum esse duxi. Mox enim perspexi, virum in rebus minoribus admirabilem neque locupletissima subsidia, quæ paraverat, ordine historico, qui solus probari potest, disposuisse, neque de fabulæ motu et incremento recte judicasse neque conjunctionem ejus cum aliis fabulis satis intellexisse neque de sensu ejus cum prudentia statuisse. Qua de causa dissertationem, quam doctorum examini nunc subjicio, non prorsus inutilem fore putavi.

---

<sup>1)</sup> Sect. I. Vol. 67 (1858), p. 141—184. — <sup>2)</sup> Ryckii Oratio de Gigantibus (Lugd. Bat. 1681) hoc querit, num antiquissimis temporibus in variis terris Gigantes fuerint. Zwergii Dissertatio de Gigantibus (Kilon. 1715) Sacræ Scripturæ Gigantes tractat. K. Schwenckii Dissertatio de Gigantibus (in Philologo Vol. XVII p. 673—682) tanta levitate scripta est, ut rationem ejus habendam esse non putaverim.

Hauniae die vicesimo primo mensis Novembris 1863.

## QUÆ SCRIPTORES LIBERÆ GRÆCIAE DE GIGANTIBUS TRADANT.

### § 1.

**A**ntequam ad ipsam fabulam, quam tractaturi sumus, accedimus, de nomine Gigantum dicendum erit. Nam quamquam permulti viri docti nominibus mythicis abutentes explicationes etymologicas partim incertissimas, partim manifesto falsas quasi egregia fundamenta ad disceptationes mythologicas stabiliendas adhibuerunt, quam levitatem nuper G. Curtius<sup>1)</sup> optimo jure reprehendit, nonnunquam tamen nomina mythica recte explicata et sic non sperneendum testimonium de fabulæ alicuius forma prima et sensu inventum esse, negari non potest. Videamus igitur, quæ ab ipsis antiquis et a recentioribus ad Gigantum nomen explicandum tentata sint. Aliis compositum, aliis simplex derivatum videtur. Illam sententiam secutus est Eustathius, qui ad Odyss. p. 1490. 19 scribit: *Γίγας παρὰ τὸ γένεσθαι καὶ τὴν γῆν*, et, ut videtur, etiam auctor carminis Orphici, cuius in Etymologico Magno<sup>2)</sup> hi versus afferuntur:

*Οὓς καλέουσι Γύγαντας ἐπώνυμον ἐν μακάρεσσιν.*

*Οὐνεκα Γῆς ἐγένοντο καὶ αἷματος Οὐρανίου.*

Quam etymologiam falsissimam esse, neminem fugiet; nam

<sup>1)</sup> Grundzüge d. griechischen Etymologie I. p. 93 sqq. —

<sup>2)</sup> s. v. *Γίγας*.

*γι-* est syllaba præfixa præsentis neque in compositis locum radicis tenere potest. Improbanda est etiam Lobeckii sententia <sup>1)</sup>, *Γίγας* a *γίς*, quod secundum Hesychium terram significat, compositum esse. Nam ut de verbo illo nusquam alibi neque usurpato neque commemorato taceamus, composita verbi *γέγνομαι* satis multa sunt, sed nullum in *-γας* exiens. Nihilo minus Prellerus <sup>2)</sup> sententiam Lobeckii sequitur, addens *Γίγας* a *γίς* derivatum esse, ut *γέγειος* a *γέα*. Mirum est, virum doctum composita et derivata non melius distinguere.

Multo sine dubio rectius fecerunt, qui, præeunte auctore Etymologici Magni, *Γίγας* formam reduplicatam a radice *ΓΑ* derivatam putaverunt. Constat enim reduplicationem in lingua Graeca latissime patere, neque solum tempora quædam, sed etiam nova verba, ut *παππαίνω*, *δαιδάλλω*, *μαμάω*, *βιβάζω*, *διδυμός* hac ratione formata esse. Sed oritur hic difficultas; nam tres occurrunt radices, forma pares, significatione diversæ, ad quas nomen *Γίγας* referri posse videtur et re vera a mythologis relatum est. Primam, quæ saepius *TEN* sonat <sup>3)</sup> et in formis quibusdam verbi *γέγνομαι* invenitur, prætulit G. Hermannus <sup>4)</sup>, qui *Γίγαντας* Genitales vertit utpote gentis humanæ procreatores et omnis fecunditatis auctores. Quæ sententia cum fabulis non congruit; nam homines e sanguine cæsorum Gigantum nati, non a Gigantibus procreati esse narrantur. Schwenckius eandem derivationem sequens Gigantum nomine significari putat, eos primigenios fuisse. Sed verbum in *-ας* exiens passivæ significationis esse, parum probabile est, et quomodo eos primos natos esse significari

---

<sup>1)</sup> Paralip. p. 83. — <sup>2)</sup> Griechische Mythol. I. p. 57 edit. alt. — <sup>3)</sup> Curtius Grundzüge d. gr. Etym. I p. 144. — <sup>4)</sup> Opusc. II. p. 177 sqq.

potest voce non composita, a verbo nascendi derivata? Alii statuerunt, *Γύας* derivatum esse a *γῆ*, *γαῖα* et idem significare atque *γηγενής*. Quam sententiam sequens Welckerus<sup>1)</sup> magnopere errat suspicans, syllabam *-γας* esse adjectivum *γάϊος* propter reduplicationem contractum; neque enim verba aperte derivata reduplicationem patiuntur, ut primitiva, neque *γάϊος* illo modo contrahi potuit. Deinde voces Græcas reduplicando formatas perscrutanti apparebit, satis magnum numerum verborum sic a verbis derivata esse, ut *διδάσκω*, *βιβάζω*, *πιπίσκω*, *λιλαΐραι*, *παπταίω*, *δαρδάπτω*, *μαρμαΐρω*, *παρφάω*, *μορμύρω*, *πιοφύσσω*, *πορφύρω*, multo pauciora nomina a verbis, ut *χειρόφαλος*, *τέτανος*, *Τάνταλος*, *τιθήνη*, *γάγγραινα*, *Μίμας*, nominum vero a nominibus reduplicatione derivatorum numerum valde exiguum esse, neque ullum continere, quod cum *Γύας* apte comparari possit. Voces, quæ hic pertinere nobis videntur, sunt *ἀκακή*, *αὔταντος*, *διδύμος*, *Κέκαλος*, *Σίσυφος*, *δένδρεον*, *σίσυμβρον* et, quæ sola grammaticorum auctoritate nituntur, *ἀγαγόρτης*, *ἀγαγή*, *τέτρομος*. De plerisque horum verborum egit Hainebachius in perutili dissertatione de Græcæ linguae reduplicatione anno MDCCCXLVII Gissæ edita. De *δένδρεον* inspiciendus est G. Curtii liber supra citatus<sup>2)</sup>, ubi demonstratur, hoc verbum formatum esse ab ea radice, quæ et in *δρῦς* et *δόρυ* et in nostro Træ apparet; Græcum enim *δ* nostro t respondet. *Κέκαλος*, nomen Megarensē apud Thucydidem IV. 119, *διδύμος*, *σίσυμβρον* nos addidimus. Priora illa, a *καλός* et *δύο* derivata, certa videntur; *σίσυμβρον* vel *σισύμβρον* a *δύμβρα*, quod apud Dorienses *σύμβρα* sonaret, derivatum esse suspicamus. Neque enim magnum discrimen inter illas

---

<sup>1)</sup> Griechische Götterlehre I. p. 787. — <sup>2)</sup> I. p. 204.

herbas fuisse videtur. Sisyphi callidissimi nomen a *συφός*, forma Aeolica adjectivi *σοφός*, derivatum esse, post Hainebachium etiam Prellerus<sup>1)</sup> judicat. Sed apparet, sententiam eorum, qui originem nominis *Γύρας* a γῆ repetunt, verbis jam commemoratis nullo modo adjuvari. Nam derivata iis, unde derivata sunt, significatione tam similia sunt, ut reduplicatio plerumque quidem intendendi vim habere, sed nonnunquam sonum tantum, non sensum verborum mutare videatur. Igitur *Γύρας* a γῆ derivare et synonymum verbi γύρενής putare analogia vetat. Restat tertium *IA*, unde γάιω, γηθέω, γάνυμαι, γάνος, γαῦρος orta sunt<sup>2)</sup>; quorum γηθέω et γάνυμαι gaudium, γάιω gaudium cum superbia mixtum, γαῦρος cum derivatis γαυριάω et γαυριώ superbiam, γάνος cum derivatis γανάω et γανώ modo fulgorem, modo gaudium significant. Hinc originem verbi *Γύρας* repetendam esse, Hainebachius<sup>3)</sup> et post Hainebachium Wieselerus<sup>4)</sup>, qui eum fortasse non norat, certe non nominavit, intellexerunt. Duæ res hanc derivationem magnopere commendant, analogia verborum βιβάς et *Mήμας*, prorsus simili modo a stirpibus verbalibus BA (βαίνω) et MA (μαψάω, μαψάκτης) derivatorum et significatio radicis illius aptissima. Nam sive Gigantes fulgentes vertimus, Hesiodum<sup>5)</sup>, qui eos τεύχεστι λαμπορένους appellat, testem locupletissimum adhibere licet, sive superbiam nomine eorum expressam esse cum Hainebachio et Wieselero statuimus, hoc cum natura eorum feroci optime congruit. Illorum verborum, quæ simili ratione derivata esse diximus, præcipue *Mήμας*, nomen Gigantis et Centauri, multum valere debet. — In Etymologico Magno<sup>6)</sup> legitur: παρὰ τὸ

<sup>1)</sup> Griechische Mythologie II. p. 52. — <sup>2)</sup> Curtius Etym. I. p. 142. — <sup>3)</sup> De reduplicatione p. 20. — <sup>4)</sup> Giganten p. 184. — <sup>5)</sup> Theog. 184. — <sup>6)</sup> s. v. *Γύρας*.

$\gamma\hat{\omega}$  τὸ χωρῶ γίνεται γάς καὶ κατ' ἀναδιπλασιασμὸν γίγας.  
Quod verbum  $\gamma\hat{\omega}$  quia suspectum est (nam fortasse a grammaticis fictum est ad quædam verba Græca explicanda), et quia significatio, quæ affertur, apta non est, derivatio illa spernenda est.

## § 2.

Quia injuria temporum factum est, ut omnia, quæ de Gigantibus ante Apollodorum copiosius scripta erant, perierint, eam rationem in hoc capite sequemur, ut ab Apollodori narratione initium faciamus, deinde antiquiorum testimonia breviora secundum ordinem temporum disponamus, denique hæc et inter se et cum iis, quæ ille tradidit, comparemus. — Expositis breviter deorum historia et stemmate a Cælo usque ad Proserpinam, in hunc modum pergit Apollodorus<sup>1)</sup>:  
*Γῆ δὲ περὶ Τιτάνων ἀγανακτοῦσα γεννᾷ Γέγαντας ἐξ Οὐρανοῦ, μεγέθει μὲν σωμάτων ἀνυπερβλήτους, δυνάμει δὲ ἀκαταγωνίστους, οἱ φοιβεροὶ μὲν ταῖς ὄψεσι κατεφαίνοντο, καθεμένοι βαθεῖαν κόμην ἐκ κεφαλῆς καὶ γενείων. εἰχον δὲ τὰς βάσεις φολιδας δρακόντων. ἐγένοντο δὲ, ὡς μὲν τινες λέγουσιν, ἐν Φλέγραις, ὡς δὲ ἄλλοι, ἐν Παλλήνῃ. ἡκύντιζον δὲ εἰς οὐρανὸν πέτρας καὶ δρῦς ἡμμένας. διέφερε δὲ πάντων Πορφυρίων καὶ Ἀλκυονεῖς, δις δὴ καὶ ἀθάνατος ἦν, ἐν ἥπερ ἐγεννήθη γῆ μαχόμενος. οὗτος δὲ καὶ τὰς Ἰλίου βύσις ἐξ Ἑρυθείας ἤλασε. τοῖς δὲ θεοῖς λόγιον ἦν, ὑπὸ θεῶν μὲν μηδένα τῶν Γιγάντων ἀπολέσθαι δύνασθαι, συμμαχοῦντος δὲ θνητοῦ τοῦδε τελευτήσειν. αἰσθομένη δὲ Γῆ τοῦτο ἐξήτει φάρμακον. ἵνα μηδὲ ὑπὸ θνητοῦ δυνηθῶσιν ἀπολέσθαι. Ζεὺς δὲ ἀπειπὼν φαίνειν Ἰοῖ τε καὶ Σελήνην καὶ Ἰλίῳ τὸ μὲν φάρμακον αὐτὸς ἔταμε φθάσας,*

<sup>1)</sup> I. 6. 1. 1. — I. 6. 3. 1.

'Πρακλέα δὲ σύμμαχον δι' Ἀθηνᾶς ἐπεκαλέσατο. κάκενος πρῶτον μὲν ἐτόξευεν Ἀλκυονέα· ὁ δὲ ἐπὶ τῆς γῆς μᾶλλον ἀνεθάλπετο. Ἀθηνᾶς δὲ ὑποθεμένης, ἔξω τῆς Παλλήνης εἴλκυσεν αὐτόν. κάκενος μὲν οὕτως ἐτελεύτα, Πορφυρίων δὲ 'Πρακλεῖ κατὰ μάχην ἐφώρμησε καὶ "Πρα. Ζεὺς δὲ αὐτῷ πόθον "Πρας ἐνέβαλεν, οἵτις καὶ καταρρηγνύντος αὐτοῦ τοὺς πέπλους καὶ βιάζεσθαι θέλοντος βυηθούς ἐπεκαλεῖτο· καὶ Διὸς κεραυνώσαντος αὐτὸν 'Πρακλῆς τοξεύσας ἀπέκτεινε. τῶν δὲ λοιπῶν Ἀπόλλων μὲν 'Εφιάλτου τὸν ἀριστερὸν ἐτόξευσεν ὀφθαλμόν, 'Πρακλῆς δὲ τὸν δεξιόν. Εὔρυτον δέ θυρσῷ Διόνυσος ἔκτεινε, Κλυτίον δέ, φασιν, 'Εκάτη, μᾶλλον δὲ "Ηφαιστος βαλὼν μύδροις· Ἀθηνᾶ δὲ 'Εγκελάδῳ φεύγοντι Σικελίαν ἐπέρριψε τὴν νῆσον, Πάλλαντος δὲ τὴν δορὰν ἐκτεμοῦσα ταύτη κατὰ τὴν μάχην τὸ ἴδιον ἐπέσκεπε σῶμα. Πολυβάτης δὲ διὰ τῆς δαλάσσος διωχθεὶς ὑπὸ τοῦ Ποσειδῶνος ἤκεν εἰς Κῶ. Ποσειδῶν δὲ τῆς νῆσου μέρος ἀπορρήσας ἐπέρριψεν αὐτῷ, τὸ λεγόμενον Νίσυρον. 'Ερμῆς δὲ τὴν "Αἰδος κυνέην ἔχων κατὰ τὴν μάχην Ιππόλυτον ἀπέκτεινεν, "Ἄρτεμις δὲ Γρατίωνα, Μοῖραί δὲ "Ἄγριον καὶ Θώωνα χαλκέοις ῥοπάλοις μαχόμεναι. τοὺς δὲ ἄλλους κεραυνοῖς Ζεὺς βαλὼν διέφθειρε, πάντας δὲ 'Πρακλῆς ἀπολλυμένους ἐτόξευσεν. ὡς δὲ ἐκράτησαν οἱ θεοὶ τῶν Γιγάντων, Γῇ μᾶλλον χυλωθεῖσα μήνυται Ταρτάρῳ καὶ γεννᾷ Τυφῶνα κ. τ. ἐ. In rebus Herculis Apollodorus Gigantum bellum, quia jam in historia deorum narratum est, paucis verbis absolvens scribit, post Trojam captam et Con insulam devastatam Herculem a Minerva arcessitum in Phlegram venisse et cum diis Gigantas debellasse<sup>1)</sup>). Quos auctores Apollodorus in hac fabula potissimum secutus sit, non dicit; sed constat, eum antiquos et bonos, Hesiodum, Acusilaum, ante omnes Pherecydem

<sup>1)</sup> II. 7. 1. 2.

prætulisse, interdum tamen etiam e scriptis recentiorum, Asclepiadæ, Demarati, Apollonii Rhodii, quædam hausisse.

In verbis Apollodori, quæ attulimus, Dianae adversarii nomen suspectum est; nam *Γρατίων* Græcum non sonat. Itaque viri docti varia tentaverunt, *Αἰγαίωνα*, *Ροιτίωνα*, *Ἐλατίωνα* vel *Ἐρατίωνα*, *Κρατίωνα*<sup>1)</sup>). Pro *Εὔρυτον* δὲ θυρσῷ Bentleius propter Hor. Od. II. 19. 23 *Ροῖτον* δὲ θυρσῷ legere maluit. In verbis *χαλκέοις ροπάλοις μαχόμεναι* hæc participii forma pro *μαχομένους* conjecturæ Heynii debetur. Quam etsi Heynius ipse recipere ausus non est et I. Bekkerus neglexit, certissimam putamus; nam duo codices *μαχομένας* habent, et commemoratis armis cæterorum deorum, qui pugnæ participes fuerunt, fere omnium, de Parcarum pugnandi ratione tacere non potuit Apollodorus.

### § 3.

Gigantes in Iliade nusquam, in Odyssea ter commemo-  
rantur. In libro septimo<sup>2)</sup> hujus carminis Minerva Ulix  
originem regum Phœacum exponens dicit:

*Ναυσίδοον μὲν πρῶτα Ποσειδάων ἐνοσίχθων  
γείνατο καὶ Περίβοια, γοναικῶν εἶδος ἀρίστη,  
ὄπλοτάτη θυγάτηρο μεγαλήτορος Εὐρυμέδοντος,  
δε ποθ' ὑπερθύμοισι Γιγάντεσσιν βασίλευεν.  
ἀλλ' ο μὲν ὥλεσε λαὸν ἀτάσθαλον, ὥλετο δ' αὐτός,  
τῇ δὲ Ποσειδάων ἐμίγη καὶ ἐγείνατο παῖδα  
Ναυσίδοον μεγάθυμον, δε ἐν Φαιῆν ἄνασσεν.*

Ex quibus versibus apparet, Homerum Gigantes populum hominum superborum et violentorum Ulixis tempore jam pridem extinctum credidisse. De sedibus eorum nihil dicit;

<sup>1)</sup> cfr. Heynii notam et Wieseler. Gigant. p. 142. — <sup>2)</sup> v. 56 sqq.

fortasse eas ad Hyperiam, pristinam terram Phœacum<sup>1)</sup>, retulit. Apparet præterea, Gigantum fabulam Homeri aequalibus satis notam fuisse; alioquin interitum eorum et causam ejus narrasset. In eodem libro Odysseæ<sup>2)</sup> Alcinous, postquam deos Phœacum sacrificia manifestos adire narravit, sic pergit:

εἰ δὲ ἄρα τις καὶ μοῦνος ἡνὸν ξύμβληται ὀδίτης,  
οὐ τι καταχρύπτουσιν, ἐπεὶ σφισιν ἐγγύθεν εἰμέν,  
ῶσπερ Κύκλωπές τε καὶ ἄγρια φῦλα Γηάντων.

Igitur Gigantes Homerici, ut Phœaces<sup>3)</sup> ἀγγίθεοι sunt. Quod verbum, etsi in hymno Homericō in Venerem<sup>4)</sup> aliter usurpatum est (ἀγγίθεοι δὲ μάλιστα καταθυητῶν ἀνθρώπων αἱεὶ ἀφ' ὑμετέρης γενεῆς εἰδός τε φυήν τε), Nitschius<sup>5)</sup> recte sine dubio de cognatione illorum populorum cum diis interpretatus est; nam et Plato<sup>6)</sup> θεῶν ἐγγύς, Ζηνὸς ἐγγύς hoc modo dixit et Homerus ipse<sup>7)</sup> σχεδόν de propinquitate generis usurpavit. Quod vero Schoemannus<sup>8)</sup> suspicatur, originem, quae ab Hesiodo Gigantibus tribuitur, etiam Homero notam fuisse, propter discrepantiam theogoniæ Homericæ ab Hesiodea valde dubium est. In libro decimo Odysseæ<sup>9)</sup> Læstrygones sic cum Gigantibus comparantur:

οἱ δὲ ἀνότες  
φοίτων ἵψημοι Λαμστρυγόνες ἄλλοθεν ἄλλος,  
μυρίοι, οὐκ ἄνδρεσσιν ἐνικότες, ἀλλὰ Γύρασιν.

Qua comparatione discimus, Gigantes ingenti statura fuisse. Nam regina Læstrygonum montis cacumini confertur, et Læstrygones ἀνδραχθέσι: χερμαδίοισι naves Ulixis confregisse narrantur.

In altero procœmio theogoniæ Hesiodeæ<sup>10)</sup> Musæ in

<sup>1)</sup> Od. VI. 4. — <sup>2)</sup> v. 204 sqq. — <sup>3)</sup> ib. V. 35, XIX. 279. — <sup>4)</sup> v. 200 — <sup>5)</sup> ad. Od. V. 35. — <sup>6)</sup> Rep. III. 388 B, 391 E. — <sup>7)</sup> Od. X. 441. — <sup>8)</sup> Opusc. II. p. 41. — <sup>9)</sup> v. 118 sqq. — <sup>10)</sup> v. 44 sqq.

cœtu deorum primum deos inde a Cælo et Tellure, deinde Jovem,

*αῦτις ὁ ἀνθρώπων τε γένος κρατερῶν τε Γιγάντων*  
 canere dicuntur. Auctorem hujus proœmii Gigantes generis humani procreatores credidisse, non est, cur cum G. Hermanno<sup>1)</sup> et aliis statuamus. Nam etiam ea de causa, quod terram habitaverunt, Gigantes cum hominibus conjuncti cælestibus numinibus contrarii poni possunt. Majoris momenti est locus ille Theogoniæ<sup>2)</sup>, ubi narrato facinore a Saturno in Cælum perpetrato poeta sic pergit:

*ὅσσαι γὰρ ράθαμγγες ἀπέσσυθεν αἴματύεσσαι,  
 πάσας δέξατο Γαῖα· περιπλομένων ὁ ἐνιαυτῶν  
 γείνατ' Ἔριννος τε κρατερὰς μεγάλους τε Γίγαντας,  
 τεύχεσι λαμπομένους, δολέτ' ἔγκεα χερσὶν ἔχοντας,  
 Νύμφας δὲ Μελίας καλέουσοι ἐπ' ἀπείρονα Γαῖαν.*

Prellerus<sup>3)</sup> putat, dæmones ultores, deos feræ violentiæ, faciunoris sanguinarii consulto hic conjunctos esse. Sed neque Meliae usquam deæ cædis sunt, et in versibus sequentibus Veneris ortus ab eodem Saturni scelere repetitur. Itaque cum Schœmanno<sup>4)</sup> arbitramur, fabulas physicas ethicæ illi de poena una cum scelere orta adjunctas esse ab auctore Theogoniæ. De integritate loci citati suspicionem movit Mützellius<sup>5)</sup> propter locum Gregorii Nazianzeni<sup>6)</sup>, ubi, quæ Hesiodus in Theogonia de bellis et prœliis, de Titanibus, de Gigantibus, de Cotto, Briareo, Gyge, Encelado, diis serpentipedibus, de insulis iis injectis narraverit, quasi absurdâ deridentur. Verum Schœmannus, qui in dissertatione de

---

<sup>1)</sup> Opusc. II. p. 177. — <sup>2)</sup> v. 183 sqq. — <sup>3)</sup> Griechische Mythologie I. p. 43. — <sup>4)</sup> Opusc. II. p. 125 sqq. — <sup>5)</sup> De emendatione Theogoniæ Hesiodi p. 418. — <sup>6)</sup> or. III. adv. Julian. p. 103 D. ed. Bill.

falsis indiciis lacunarum Theogoniæ cæteras suspiciones Mützellii egregie refutavit, etiam de nostro loco verissime statuit<sup>1)</sup>. Gregorio nihil præter confusam quandam memoriam rerum a poetis passim narratarum obversatam esse; quarum quum singulos auctores nominare nihil attineret, vetustissimum et maxime nobilem pro omnibus positum esse. Argumento Mützellii levissimo levius est, quod Wieselerus excogitavit<sup>2)</sup>, propterea quod Johannes Tzetzes in Theogonia versibus politicis scripta, quam I. Bekkerus edidit, nomina Gigantum quatuor et triginta affert<sup>3)</sup>, verba Hesiodi lacunosa esse. Nam quamquam Tzetzes in Theogonia sua Hesiódum præcipue secutus est, neminem, qui illud carmen perlegerit, fugiet, non pauca aliunde sumpta Hesiodeis inserta esse; quin Tzetzes ipse tribus versibus ante, ubi de Telchinibus narrat, Bacchylidem citat. — Titanum cum diis bellum Tzetzes Hesiodi modo narrat<sup>4)</sup>: decem annos dubio eventu pugnatum esse; tum Jovem, hortante Tellure, Centimanos sibi adjunxisse. Deinde pergit:

*καὶ συναράξας πόλεμον μετὰ μεγάλου κρότου  
τροποῦται καὶ τὸν Ἰγαντας, τροποῦται καὶ Τιτᾶνας.*

Propter hos versus, quibus Gigantes Titanibus socii adjungi videntur, Wieselerus<sup>5)</sup> narrationem Hesiodi de Titanum bello ita intelligendam esse censem, ut Titanes et Gigantes coniuncti, illi duces, hi milites, fuerint. Etiam hæc opinio refellitur iis, quæ de fontibus Tzetzae diximus; neque Wieselerus eam probabiliorem reddidit iis, quæ de versu Hesiodi 676: *Τιτῆνες δὲ ἐτέρωθεν ἐκαρτύναντο φάλαγγας* disputavit, verbum *φάλαγγας* totum exercitum significare, neque de solis Titanibus dici potuisse. Nam etsi concedendum est,

---

<sup>1)</sup> Opusc. II. p. 401. — <sup>2)</sup> Gigant. p. 168. — <sup>3)</sup> v. 87 sqq. — <sup>4)</sup> v. 261 sqq. — <sup>5)</sup> Gigant. p. 168.

illam vocem durius et contra consuetudinem cæterorum scriptorum usurpatam esse, in poemate neque eleganti neque concinno hoc magnopere offendere non debet.

In carminibus Hesiodeis nunc desperditis Gigantum mentionem factam fuisse, Lobeckius<sup>1)</sup> et Wieselerus<sup>2)</sup> e verbis Scholiastæ<sup>3)</sup> ad locum Gregorii supra commemoratum collegerunt. Scholiastes scribit: *Οὐτος (Hesiodus) ἐκ τῶν Μουσῶν ἐμπνευσθῆναι λέγεται τρία δέ τούτου ποιήματα πράττεται, Θεογονία, Ἕργα, Ἡμέραι. Ἐν τῇ οὖν Θεογονίᾳ καταριθμεῖται τὰς τῶν θεῶν γενέσεις ἐν ἀρχῇ θέμενος Ἑρεβός καὶ Χάος· ὅθεν Οὐρανὸν καὶ Γῆν· ὅθεν Κρόνον, Δία, Ποσειδῶνα, Ἀιδην καὶ σεφὰς θεῶν· ὅθεν Κόπτον, Βριαρέωνα, τὸν ἐκατόγχειρας ὅθεν τὴν Γιγαντομαχίαν καὶ τὰ ἐκ τῶν αἰμάτων αὐτῶν ὡβύλα θηρία, τὴν Ὑδραν, ἣν Ἡρακλῆς περὶ τὴν Λέρυν ἀπέκτεινεν, τὴν Χύμαραν, ἣν ἀνείλες Βελλεροφόντης, τὴν Γοργόνην, ἣν ὁ Περσεὺς ἐκαρατόμησε, καὶ μορία ἐμπαιγμῶν καὶ γέλωτος ἄξια, καὶ τὸν Τρικέρβερον κύνα, δν Ἡρακλῆς περὶ τὰς πύλας ἀπέκτεινε τοῦ Ἀιδου κατελθὼν συναρπάσαι τῷ Πειριθόῳ τὴν Περσεφόνην.* Apparet. Scholiasten, a Gregorio in errorem inductum, Titanes et Gigantes confundisse et oblitum esse, monstrâ illa apud Hesiodum Phorcynis et Cetus, Typhoei et Echidnæ progeniem esse; cætera, quæ narrat, si errorem de Cerbero imperfecto excipias, cum Theogonia Hesiodi fere congruere. Itaque Lobeckius, vir egregius, de carminibns olim Theogoniæ subjunctis non recte cogitat. Huc accedit, quod Scholiastes ea tantum carmina, quæ nos quoque habemus,

---

<sup>1)</sup> Aglaoph. p. 567 [h]. — <sup>2)</sup> Gigant. p. 141. — <sup>3)</sup> quem Gaisfordius in Catalogo manuscriptorum, qui a Clarkio comparati in Bibliotheca Bodleiana adservantur [Oxonii 1812 4º] edidit. v. p. 46.

suo tempore in manibus fuisse affirmat. Alterum Scholia-  
sten Gregorii<sup>1)</sup>, qui in nonnullis ab illo dissentit (Titanes et  
Gigantes distinguit, Gigantes serpentipedes in Theogonia  
Hesiodi commemorari contendit), pleraque illius modo, sed  
copiosius exponit, eodem modo aut invitum in errorem in-  
ductum esse aut eo, quod sanctum patrem ecclesiae negligen-  
tiæ et erroris accusare non ausus est, mentiri coactum esse,  
certissimum nobis videtur. — Restat locus ex Scholiis in  
Iliadem Leydensibus ineditis a Valckenario in Opusculis<sup>2)</sup>  
allatus, unde Wieselerus et alii, Gigantum bellum ab Hesiodo  
narratum esse, collegerunt. Sribit Scholiastes<sup>3)</sup>: ‘Ιστορία.  
Οἱ περὶ Κρόνου θύρανοῦ παιδες ἀρχαῖοι Τιτᾶνες τοῖς  
ἀμφὶ τὸν Δία νεωτέροις θεοῖς πόλεμον ἔργαντο, καὶ τοῦτο  
πράττειν δὶ’ ἐπιβουλῆς ἐγνώκασι, καὶ δηλοῦσι τοῦτο Δία καὶ  
ἀξιοῦσιν αὐτοῖς συγκροτῆσαι τῷ τοῦ πολέμου καιρῷ καὶ τι-  
μῆσαι τὴν Στύγα καὶ τὸ τῆς Στυγὸς ὄδωρον θεῶν ποῆσαι.  
ἡ ιστορία παρὰ Ησώδῳ καὶ Θεογόνῳ. Quæ verba non modo  
mendoza, ut Valckenarius dicit, sed etiam lacunosa esse,  
facile intelligitur. Nam qui sunt illi, qui Titanum insidias  
Jovi produnt? Verisimile est, mentionem Stygis liberorum  
excidisse, alia depravata esse, veram formam narrationis eam  
esse, quam Hesiodus Theog. 383 sqq. habet. Itaque Mütt-  
zelliūs παρὰ Ησώδῳ ἐν Θεογονίᾳ recte correxisse videtur.  
Sed utcunque se res habet, id quidem certum est, de Gi-  
gantum bello illum locum non esse. Nihilo minus hic error  
late serpsit<sup>4)</sup>.

<sup>1)</sup> quem Montacutius cum duabus Gregorii in Julianum in-  
vectivis Etonæ 1610 edidit. v. p. 153. — <sup>2)</sup> II. p. 127. —  
<sup>3)</sup> ad II. XIX. 127. — <sup>4)</sup> C. Müller Fragm. Hist. Græc. II. p.  
12, Schœmann. Opusc. II. p. 140 annot. 23. Preller. Gr. Myth.  
I. p. 57 annot. 3.

Nescimus igitur, num Hesiodus plura quam illos paucos versus, quos e Theogonia attulimus, de Gigantibus scripserit. De cæteris poetis epicis antiquioribus fere in eadem ignorantia versamur. Etsi admodum verisimile est, qui pæne totam mythologiam complexi sunt, etiam illam fabulam narrasse, testimonia tamen, de quibus dubitari non possit, desunt. Nam verba Herennii Philonis<sup>1)</sup> de Hesiodi et Cyclorum Theogoniis, Gigantomachiis, Titanomachiis tam universe de omni historia deorum ab antiquioribus scriptoribus tradita dicta sunt, ut in illa quæstione nullius momenti sint, et Scholiasten Apollonii Rhodii<sup>2)</sup>, ubi scribit: Ὁ δὲ τὴν Γιγαντομαχίαν ποίσας φησίν, ὅτι ὁ Κρόνος μεταμορφωθεὶς εἰς ἵππον συνεγένετο Φιλύρῳ τῇ Ὄκεανοῦ καὶ διὰ τοῦτο γέγονεν ὁ Χείρων ἵπποκένταυρος. frequenti Scholiastarum errore Gigantes et Titanes confudisse, viri docti, quos enumerat Wieselerus<sup>3)</sup>, suspiciati sunt. Quam suspicionem commendat, quod carmen antiquius illius tituli nusquam alibi, Titanomachia autem incerti auctoris saepius commemoratur<sup>4)</sup>, et quod scimus, in hac Chirouis mentionem factam esse<sup>5)</sup>; neque magnopere obest. quod in iisdem Scholiis, in quibus Gigantomachia tamquam carmen incerti auctoris citatur, postea Titanomachia Eumelo tribuitur<sup>6)</sup>. Neque enim Scholia e commentariis unius viri collecta sunt. — Multo incertior

<sup>1)</sup> ap. Euseb. Præp. evang. I. 10 p. 39 Viger, cfr. Welcker. D. ep. Cycl. I. 95. — <sup>2)</sup> ad. I. 554. — <sup>3)</sup> Gigant. p. 141 annot. 1. — <sup>4)</sup> ὁ τὴν Τιτανομαχίαν γράψας Schol. II. XXIII. 285, Clem. Al. Strom. I. 15. 73, Cram. Anecd. Oxon. I. p. 75. ὁ τὴν Τιτανομαχίαν ποίσας, εἰς Εὔμηλός ἐστιν ὁ Κορίνθιος ἡ Ἀρκτῖνος ἡ ὅστις δήποτε χαίρει δνομαζόμενος Athen. VII. p. 277 D. — <sup>5)</sup> Clem Al. l. c. — <sup>6)</sup> ad. I. 1165.

est suspicio I. H. Vossii <sup>1)</sup>, versum, quem sine nomine affert Scholiastes Pindari Nem. III. 38:

*\*Στῆλαι τ' Ἀγαίων ἀλλοι μεδέοντες Γίγαντος*

ad Titanomachiam illam referendum esse. Neque enim quemquam ante Callimachum <sup>2)</sup> Αἴγαονem Gigantem appellasse, constat.

In hymnis, qui Homericis feruntur, Gigantes non commemorari, non est, cur miremur; nam plerique brevissimi sunt, et pauci, qui longiores sunt, deos in bello Gigantum aut nullam aut non magnam laudem adeptos celebrant. In Batrachomyomachia autem et initio <sup>3)</sup> poeta se narraturum esse dicit:

*πῶς μύεσ ἐν βατράχοισεν ἀριστεύσαντες ἔβησαν,  
γηγενέων ἀνδρῶν μημούμενοι ἔργα Γιγάντων,*

et murium et ranarum copias cum Centauris et Gigantibus comparat <sup>4)</sup>:

*οῶς Κενταύρων στρατὸς ἔρχεται γὰρ ἡδὲ Γιγάντων*

et Junonem ranarum victarum misericordia permotam Jovem sic alloquentem inducit <sup>5)</sup>:

*ἀλλ' ἄγε πάντες ἵωμεν ἀρηγόνετος ή τὸ σὸν ὅπλον  
κινεῖσθω μέγα Τιτανοκτόνον διβρυμοεργόν,  
ῳ ποτε καὶ Καπανῆα κατέκτανες δίβρυμον ἄνδρα  
καὶ μέγαν Ἐγκέλαδον καὶ ἄγρια φῦλα Γιγάντων.*

Si Batrachomyomachia Pigreti, Artemisiae majoris fratri, a Plutarcho jure tribuitur, aut hic aut in locis Pindari, de quibus mox dicendum est, vetustissimum testimonium de Gigantum cum diis pugna servatum est.

<sup>1)</sup> v. Welcker. D. ep. Cycl. II p. 413. — <sup>2)</sup> Hymn. in Del. 142. — <sup>3)</sup> v. 6—7. — <sup>4)</sup> v. 171. — <sup>5)</sup> v. 280 sqq.

## § 4.

In cladibus tristissimis litterarum Græcarum numerandum est, quod omnis fere poesis lyrica antiquior periiit. Etiam ad nostram fabulam penitus cognoscendam maximo sine dubio usui essent, ut exempla pauca nominemus, hymnus Alemanis in Jovem Lycaeum, Alcæi in Minervam, Pindari in Jovem, Phrynicus in Minervam. Sed egregiis illis præsidiis iniquo fato privati e carminibus lyricorum, qui ante Pindarum vixerunt, unum tantum locum de Gigantibus afferre possumus. Xenophanes in nobilissima elegia de convivio ab Athenæo<sup>1)</sup> servata eum virum laude dignum judicat, qui spretis fabulis fictis antiquiorum recte facta in convivio referat et de virtute agat. Xenophanis verba hæc sunt:

ἀνδρῶν δ’ αὐτεῖν (sc. χρῆ) τοῦτον, δες ἐσθλὰ πιὼν ἀναφαίνει,  
ὅς οἱ μνημοσύνῃ, καὶ τὸν, δες ἀμφ’ ἀρετῆς,  
οὕτι μάχας διέπει Τιτήνων οὐδὲ Γιγάντων,  
οὐδὲ τὰ Κενταύρων, πλάσματα τῶν προτέρων,  
ἢ στάσιας σφεδανάς τοῖς οὐδὲν χρηστὸν ἔνεστιν.  
θεῶν δὲ προμηθεῖν αὖτις ἔχειν ἀγαθόν.

Xenophanem fabulis vulgaribus Græcorum inimicum fuisse, satis constat; utrum scolia mythici argumenti decantata an carmina epica recitata hic significet, dijudicari non potest.

Multo majoris momenti sunt testimonia de Gigantum fabula, quæ epiniciis Pindari continentur. Initio carminis Pythici octavi tranquillitatem sive temperantiam (τὴν ἡσυχίαν) tamquam deam magnam erga moderatos benignam, superbos vero frangentem invocat. Cujus potentia demonstratur his versibus<sup>2)</sup>:

<sup>1)</sup> XII. 462 C. — <sup>2)</sup> v. 12 sqq.

τὰν οὐδὲ Πορφυρίων μάθεν  
παρ' αἰσαν ἐξερεθίζων. κέρδος δὲ φιλτατον,  
ἐκύντος εἴ τις ἐκ δόμων φέροι.

βίᾳ δὲ καὶ μεγάλων ἔσφαλεν ἐν χρόνῳ.  
Τυφώς Κῆλεξ ἑκατόγχρονος οὐ μη ἀλυτεν,  
οὐδὲ μὰν βασιλεὺς Γιγάντων δημάθεν δὲ κεραυνῷ  
τόξοισί τ' Ἀπόλλωνος.

Pindarum de duabus deorum pugnis, altera contra Gigantes, altera contra Typhoeum, dicere neque recentiorum more hunc illis annumerare, Dissenii<sup>1)</sup> causa scribentis, Typhoeum additum esse ut unum e ferocissimis et maximis, commemo-ro. Num Porphyrio idem esset, qui paulo post Gigantum rex appellaretur, Welckerus<sup>2)</sup> dubitare non debuit; neque enim Pindarus ullo modo prius aliquem e vulgo Gigantum turbas moventem, deinde regem pœnas subeuntem commemo-rare potuit. Scholiastes Pindari vult, Porphyrionis cæsi gloriam totam Apollinis fuisse, Typhoeum a Jove solo supe-ratum esse. Hoc certum putamus propter cætera testimo-nia, de illo dubitari potest. Nam verba Pindari ambigua sunt, et apud Apollodorum Porphyriionem et fulmine et Herculis sagittis confici vidimus, et potuit sane heros sagittis armatus, præsertim in Heraclea aliqua, locum dei arcite-nentis occupare. — In carmine Nemeo primo (v. 64 sqq.) Tiresias gloriam futuram Herculis infantis prædicens pugnam cum Gigantibus tamquam maximam landem ejus extollit:

καὶ τινα σὸν πλαγίω  
ἀνδρῶν κάρω στείχοντα τὸν ἐχθρότατον  
φᾶσε νεν δώσειν μάρφα.  
καὶ γὰρ ὅταν θεοὶ ἐν πεδίῳ Φλέγρας Γιγάντεσσι μάχαν

<sup>1)</sup> Pindari Carmina Vol. II p. 305. — <sup>2)</sup> Griechische Göt-terlehre I p. 793 annot. 18.

δύτικάσωσιν. βελέων ὑπὸ ῥιπαῖσι κείνοις φαιδύμαν  
γαίᾳ πεφύρσεσθαι κόμαν ἔνεπεν.

Hic primum de loco pugnae audimus. Ultimum versum sic interpretatus est Scholiastes: τὴν κόμην ἀτῆς τὴν φαιδύμην συμφυρήσεσθαι τῇ Γῇ συμβήσεται. Imaginem igitur Telluris filios lugentis Pindarum expressisse, putat. Quae interpretatio, a recentissimis editoribus, Bergkio (saltem in editione priore, ubi γαίας scribit) et Schneidewino<sup>1)</sup>, probata, ferri non potest; nam ὑπό cum dativo de causa proxima, non de remotiore usurpatur. Atqui sagittæ Herculis mortem Gigantum, hæc dolorem matris, hic demum, ut crinem fœdet, efficit. Verbum φύρειν etiam de rebus non humidis maelulantibus et verbum γῆ de pulvere usurpari, satis constat. Verba φαιδύμαν κόμαν eodem modo dicta sunt atque si τινός additum esset. — Etiam in carmine Nemeo septimo (v. 90 sqq.) Pindarus Herculem domitorem Gigantum appellat:

ἐν τῷ κ' ἐθέλοι. Γίγαντας δὲ ἐδάμασας, εὐτυχῶς  
ναίεν — Σωγέντς — — ζαθέαν ἀγνιάν.

Sequuntur duo loci de Alcyoneo ab Hercule et Telamone imperfecto, alter Nem. IV. 25 sqq:

σὸν φί ποτε Τροίαν κραταιὸς Τελαμὼν  
πύρθησε καὶ Μέροπας  
καὶ τὸν μέγαν πολεμοτὰν ἔκπαγλον Ἀλκιονῆ,  
οὐ τετραυρίας γε πρὸν δυώδεκα πέτρῳ  
ζηρωάς τ' ἐπεμβεβαῶτας ἵπποδάμους ἔλεν  
δὲ τόσους,

alter simillimus Isth. V. 31 sqq.

εἰλε δὲ Περγαμίαν, πέφνεν δὲ σὸν κείνῳ Μερόπων  
ἔθυε καὶ τὸν βουβόταν οὔρει ἵσου

<sup>1)</sup> in altera editione Pindari Dissenii Vol. I. p. 177.

*Φλεγραισιν εύρων Ἀλκυονῆ, σφετέρας δ' οὐ φείσατο  
χερσὸν βαρυφθόγγῳ νευρᾶς Ἡρακλέτης.*

Carmina, e quibus hi loci sumpti sunt, ambo in landibus Aeginetarum versantur. Igitur colligere licet, pugnam Phlegraeam hic commemoratam ab ea diversam esse, in qua Hercules diis contra Gigantes auxilium tulit; neque enim Pindarus praetermisisset, Telamonem deorum socium fuisse. Eadem de causa improbanda est narratio Scholiastæ ad locum priorem, Herculem ab Erythia, Geryonis insula, redeuntem cum Alcyoneo conflxisse; neque enim de tam præclara expeditione poeta tacuisset. Verbum *βουβόταν* explicatur eo, quod Apollodorus narrat, Alcyoneum Solis boves abegisse, et sic etiam Scholiastes Isthmii carminis scribit: *βουβόταν δὲ τὸν βουβόλον φγσί. παρ' οὖ (lege παρ' ὅ) τὰς Ἡλίου βουβὶς ἀπήλασε.* Idem isthmum Thracium (Pallenæ) pugnæ locum fuisse, narrat, quod rectius videtur<sup>1)</sup> quam, quod Scholiastes carminis Nemei habet, Alcyoneum in isthmo Corinthico imperfectum esse. Neque enim quod Wieselerus<sup>2)</sup> ad hanc narrationem commendandam affert, isthmum Corinthicum mari Alcyonio allui, magni momenti est. Scholiastes carminis Nemei addit post illos quatuor et viginti viros necatos Alcyoneum lapidem maximum in ipsum Herculem conjectisse; Herculem tam dextre clava usum esse, ut lapis repercussus Gigantem oppimeret; lapidem vero postea in isthmo monstrari. Propter locum Plinii<sup>3)</sup>, ubi Halcyone mons aut Pallenes aut Macedoniae adjacentis commemoratur, O. Jahnus<sup>4)</sup> Alcyoneum illo ipso monte pugnasse creditum

<sup>1)</sup> Bœckh. Præf. p. XXIX. — <sup>2)</sup> Gigant. p. 172. — <sup>3)</sup> Hist. nat. IV. 10. 17. 36. — <sup>4)</sup> Berichte d. sächsischen Gesellschaft d. Wissenschaften 1853 p. 136.

esse suspicatur. Sed neque codices Pliniani optimi „Halcyone“ habent, verum „Algion“, et Pindarus Scholiastesque de lapide ingenti, non de monte loquuntur. Alecyoneus etiam in fragmento ab Hippolyto servato<sup>1)</sup>, quod Pindaro recte, ut videtur, tribuitur, inter mortales, quos terra primos edidit, commemoratur. Codex habet:

χαλεπὸν δέ φησιν ἐξευρεῖν εἴτε — Ἀλαλκομενεὺς  
 — — ἀνέσχε πρῶτος ἀνθρώπων, εἴτε — — — εἴτε  
 Φελλήνη Φλεγραῖον ἐλκυονέα πρεσβύτατον Γιγάντων  
 sc. ἐτέκνωσε. Φελλήνη Schneidewinus in *Φαλλάνα*, G. Hermannus, qui etiam θρασυγύνιων ante *Γιγάντων* addit, in *Παλλάνα*. Bergkius in *Πελλάνα* correxerunt. Sed utcunque singula verba constituenda sunt, quod Alecyoneus πρεσβύτατος *Γιγάντων* appellatur, cum illo loco carminis Pythii octavi de Porphyrione rege Gigantum pugnare videtur. Verum nihil obstat, quominus Pindarum e formis discrepantibus fabularum præcipue in rebus minutioribus non semper easdem secutum esse censeamus.

## § 5.

Tragicorum Æschylus et Sophocles pauca tantum de Gigantibus habent. In Eumenidibus Æschyli<sup>2)</sup> Orestes, ut Minerva, quæ abest, sibi auxilio veniat, his verbis optat:

ἄλλ' εἴτε χώρας ἐν τόποις Αἰβυστικῆς  
 Τρίτωνος ἀμφὶ χεῦμα γενεθλίου πόρου  
 τίθησιν ὅρδον ἢ κατηρεφῆ πόδα,  
 φίλοις ἀφήγουσ', εἴτε Φλεγραίαν πλάκα  
 θρασὺς ταγοῦχος ὡς ἀνὴρ ἐπισκοπεῖ. ἔλθοι.

<sup>1)</sup> v. Schneidewin in Philologo I. p. 421 sqq. — <sup>2)</sup> v. 292 sqq.

Apparet, incolas Phlegræ hic ut populum nondum extinctum, deæ invisum commemorari. Quod narrationi vulgari repugnat; Orestes enim multis annis post Herculem, qui una cum diis Gigantes delevit, vixit. Sed poetas in fabulis ordinem temporum non semper servasse, satis constat. — In Septem contra Thebas<sup>1)</sup> Capaneus a nuntio, qui hostium duces describit,

*Iγας δδ' ἄλλος τοῦ πάρος λελεγμένου μεῖζων*  
appellatur (antea nominatus est Tydeus). *Iγας* hic hominem ferocem, viribus suis magis quam deorum auxilio fretum significare, e cuncta narratione nuntii facile colligitur. Simili modo in Agamemnone<sup>2)</sup>, ubi de Helena dicitur:

*ἐπλευσε ζεφύρου γέραντος αὔρᾳ,*

violentia zephyri significari videtur, et, quod in Etymologico Magno<sup>3)</sup> atque in Bekkeri Anecdota<sup>4)</sup> legitur: *Iγαντος μεγάλου, ισχυροῦ*, propter genitivum ex annotatione aliqua in hunc locum scripta fluxisse suspicamur. Longe aliam interpretationem proposuit Wieselerus<sup>5)</sup>, zephyrum ab Æschylō verum Gigantem habitum esse; Gigantes enim, ut multa alia, sic etiam procellas significare. De re universa postea videbimus; hic satis erit annotare, locum similem Euryti lyrici, quem Wieselerus apud Laurentium Lydum<sup>6)</sup> invenit: *Ἐρωτι, δν οἱ μυθικὸι Ζεφύρου Ιγαντος εἰναι παιδα δξιοῦσιν, ὃς φησιν Εὔρυτος ὁ Λακωνικὸς μελοποιός, ἀρχεται δὲ οὕτως ἀγαλματοειδές Ἐρως, admodum incertum esse.* Nam verborum *Ζεφύρου Ιγαντος* codex Caseolinus paucas tantum literas habet (*ζ ..... γα. τος*), cæteras Hasius supplevit; deinde Eurytus nusquam alibi commemoratur (Bergkius eum

---

<sup>1)</sup> v. 424. — <sup>2)</sup> v. 692. — <sup>3)</sup> s. v. *Iγαντος*. — <sup>4)</sup> I. p. 232. — <sup>5)</sup> Gigant. p. 183. — <sup>6)</sup> De Mens. p. 117 Bekker.

prorsus omisit), ut de tempore ejus nihil omnino sciamus; denique Eurytus quoque Zephyrum metaphorice Gigantem appellare potuit.

Apud Sophoclem in Trachiniis <sup>1)</sup> Hercules se mulieris dolo perire sic queritur:

κοῦ ταῦτα λόγχη πεδιάς οὐδ' ὁ γγενῆς  
στρατὸς Γιγάντων οὔτε θήρειος βίᾳ  
οὐδ' Ἑλλὰς οὔτε ἄγλωσσος οὐδὲ δσῃγ ἐγὼ  
γαῖαν καθαίρων ἵκόμην, ἔδρασέ πω.

Verba θήρειος βίᾳ de Centauris, λόγχη πεδιάς de exercitibus hastis armatis dicta videntur. Colligas fortasse ex hoc loco, Gigantes saxis et arboribus armatos Sophoclis animo obversatos esse; nam hasta sic tantum, si hominum propria est, ad homines significandos usurpari posse videtur. — In fragmendo Ἀegei Sophoclis a Strabone <sup>2)</sup> servato Ἀegeus Pandionem terras suas quatuor filiis sic divisisse narrat:

ἔμοὶ μὲν ἄριστεν πατὴρ  
ἀκτὰς ἀπελθεῖν τῆσδε γῆς ...  
πρεσβεῖα νεύματα εἰτα ... Λίκω  
τὸν ἀντίπλευρον κῆπον Εὐβοίας νέμει  
Νίσω δὲ τὴν ὄμαυλον ἐξαφεῖ χθόνα  
Σκείρωνος ἀκτῆς τῆς δὲ γῆς τὸ πρὸς νότον  
οὐ σκληρὸς οὗτος καὶ Γίγαντας ἐκτρέψων  
εἴληχε Πάλλας.

Pallantem cum quinquaginta filiis Ἀgeo, quem ut orbum senem contemnerent, insidias struxisse et post adventum Thesei apertum bellum movisse, Plutarchus <sup>3)</sup> scribit. Apparet igitur, verbum Γίγας hic non aliter accipiendum esse

<sup>1)</sup> v. 1058. — <sup>2)</sup> IX. p. 392, fragm. 19 apud Nauckium. — <sup>3)</sup> Thes. 3 et 13.

atque in *Æschyli Septem contra Thebas*, ubi de Tydeo et Capaneo usurpatum est. Quæ in verbis Sophoclis latere, C. O. Müllerus arbitratus sit, postea, quum ad fabulas singularum urbium et regionum Græcarum venerimus, videbimus.

Euripides Gigantes sæpius commemorat. In *Bacchis*<sup>1)</sup> Pentheus a choro cum Gigante comparatur:

*Πενθεύς, δὸν Ἐχίων ἐφύτευσε χθόνιος, ἀγριωπὸν τέρας, οὐ φῶτα βρότειν, φόνιον δὲ ὥστε Γίγαντ' ἀντίπαλον θεοῖς,*

et in *Phœnissis*<sup>2)</sup> Antigona de Hippomedonte:

*Ἐ εἰώς γαῦρος, ὡς φοβερὸς εἰσιδεῖν, Γίγαντι γηγενέτῳ προσόμοιος, ἀστερωπὸς ἐν γραφαῖσιν. οὐχὶ πρόσφορος ἄμεριψ γέννησ,*

ubi verba ἀστερωπὸς ἐν γραφαῖσιν de stellis in clipeo Hippomedontis dicta esse videntur. In eadem tragœdia<sup>3)</sup> nuntius de clipeo Capanei narrat:

*σιδηρονάρτοις δὲ ἀσπιδοῖς τύποις ἐπῆγε  
Γίγαντας ἐπ' ὕμοις γηγενής ὅλην πόλεν  
φέρων μοχλοῖσιν ἔξανασπάσας βάθρων,  
ὑπόνοιαν ἥμεν, οἷα πείσεται πόλις.*

Hercules Gigantum victor in fabula, quæ Hercules furens inscribitur, ter commemoratur. Amphitryo enim, ubi virtutem filii contra Lycum regem defendit, ante omnia testatur<sup>4)</sup>

*Διὸς κεραυνὸν - - τέθριππά τε  
ἐν οἷς βεβηκὼς τοῖσι γῆς βλαστήμασι  
Γίγαντας πλευροῖς πτήγῃ ἐναρμόσας βέλη,  
τὸν καλλίνικον μετὰ θεῶν ἐκώμασεν,*

<sup>1)</sup> v. 540 sqq. — <sup>2)</sup> v. 128 sqq. — <sup>3)</sup> v. 1130 sqq. — <sup>4)</sup> v. 177 sqq.

deinde Centauros, quos etiam Xenophanem et Sophoclem Gigantibus adjungere vidimus. Ab eodem Amphitryone Hercules postea appellatur<sup>1)</sup>

ἔμὸς γόνος ὁ πολύπονος, ὃς ἐπὶ δόρυ Γίγαντοφόνοι  
ἡλθεν σὺν θεοῖσι Φλεγραῖον εἰς πεδίον ἀσπιστάς.

Paulo post Hercules ipse de ingentibus laboribus suis querens<sup>2)</sup>:

ποίους ποτ' ἂ λέοντας ἢ τρισωμάτους  
Τυφῶνας ἢ Γίγαντας ἢ πετρασκελῆ  
Κενταυροπληθῆ πόλεμον οὐκ ἔξηγυσα;

Verbum *Typhōnās* Elmsleyo tantum offensionis habere visum est, ut *Γίγαντας* scripserit. Sed triplex Geryon cum exaggeratione Typhon appellari optime potuit. Welckerus<sup>3)</sup> et Wieselerus<sup>4)</sup> ipsum illum Jovis adversarium significari, vix recte putaverunt; neque enim ante Lycophronis tempora ullum testimonium de Typhone Gigantum socio occurrit. — In eadem tragœdia chorus Herculem suos occidentem sic alloquens<sup>5)</sup>:

μελάδρων τάραγμα ταρτάριον, ὃς ἐπ' Ἐγκελάδῳ  
ποτὲ Παλλὰς εἰς δόμων πέμπει,

Minervæ cæsi Enceladi gloriam tribuit; quam Silenus vana gloriacione sibi arrogat in Cyclope<sup>6)</sup>:

ὅτι ἀμφὶ γηγενῆ μάχην δορὸς  
ἐνδέξιος σῷ ποδὶ παρασπιστῆς γεγὼς  
Ἐγκέλαδον ἵτεαν μέσην θένων δορὶ ἔκτεινα.

Quia Bacchum alloquitur, apparet, jam Euripidis tempore illum deum victoriae Phlegrææ participem creditum esse. — Idem discimus loco Ionis<sup>7)</sup>, ubi mulieres Athenienses templum Delphicum admirantes sic colloquuntur:

---

<sup>1)</sup> v. 1192 sqq. — <sup>2)</sup> v. 1271 sqq. — <sup>3)</sup> Griechische Götterlehre I. p. 793. — <sup>4)</sup> Giganten p. 151. — <sup>5)</sup> v. 907 sqq. — <sup>6)</sup> v. 5 sqq. — <sup>7)</sup> v. 206 sqq.

σκέψας κλόνον ἐν τείχεσι λαῖνοισι: Γιγάντων.  
 ὥδε δερκόμεθ', ὡς φίλαι.  
 λεύσσεις οὖν ἐπ' Ἑγκελάδῳ γοργῶπιν πάλλουσσαν ἔτον;  
 λεύσσω Παλλάδ' ἐμὰν θεόν·  
 τί γάρ, κεραυνὸν ἀμφίπυρον ὅβρυμον ἐν Λιὸς  
 ἐκηβόλοισι χερσόν;  
 ὅρῶ τὸν δάκιον Μήμαντα πυρὶ καταθαλοῦ·  
 καὶ Βρόμος ἄλλον ἀπολέμοισι κισσώνοισι βάκτροις  
 ἐναέρει: Γᾶς τέκνων ὁ Βακχεύς.

De nonnullis verbis hujus loci corruptis, quia ipsam fabulam non attingunt, dicere supersedebimus; etiam de parte templi illis deorum et Gigantum imaginibus ornata quærere hac de Gigantibus disputatione alienum judicamus. — In eadem tragœdia est narratio aliunde non nota de Gorgone in ipsa deorum et Gigantum pugna a Minerva occisa. Creusa enim, quæ Ionem veneno tollere vult, se guttam mortiferam Gorgonei sanguinis habere servo narrans ita incipit <sup>1)</sup>:

- οἰσθα γῆγενῆ μάχην;
- S. οἵδ' ἦν Φλέγρᾳ Γίγαντες ἔστησαν θεοῖς.  
 C. ἐνταῦθα Γοργόν' ἔτεκε Γῆ δεινὸν τέρας.  
 S. ἢ παισὶν αὐτῆς σύρμαχον, θεῶν πόνον;  
 C. ναΐς καὶ νιν ἔκτειν' ἡ Λιὸς Παλλὰς θεά.  
 S. ποῖόν τι μωρφῆς σχῆμ' ἔχουσσαν ἀγρίας;  
 C. θώρακ' ἔχιδνης περιβόλοις ὀπλισμένον.  
 S. ἀρ' οὗτος ἐσθ' ὁ μῆθος, δν κλύω πάλαι;  
 O. ταύτης Ἀθάναν δέρος ἐπὶ στέρνοις ἔχειν.  
 S. ἦν αἰγάλ' ὄνομάζουσι, Παλλάδος στολήν;  
 C. τόδ' ἔσχειν ὄνομα, θεῶν ὅτ' ἤλθεν εἰς δύρον.

Similia tamen sunt, quæ Diodorus narrat <sup>2)</sup>. Minervam Ægida,

<sup>1)</sup> v. 987 sqq. — <sup>2)</sup> III. 70.

monstrum ignivomum Terra natum, in Libya occidisse; pellem ejus postea deae thoracem esse; Terram hac ira commotam Gigantes contra deos peperisse. — Denique quem locum in curru Jovis Herculem tenentem nuper vidimus, eundem in Ione Creusa Minervæ tribuit<sup>1)</sup>:

*μὰ τὴν παρασπίζουσαν ἄρμασύ ποτε  
Νόκηγε Ἀθάναν Ζῆνι γηγενεῖς ἔπει.*

Poetas comicos, adversus deos non nimis verecundos, ne Gigantum quidem fabulam neglexisse, facile intelligitur, neque testimonia desunt. Nam et Cratinum juniores, comediae mediæ poetam, fabulam Gigantes inscriptam docuisse, auctore Athenæo, qui hoc fragmentum servavit<sup>2)</sup>:

*'Ενθυμεῖσθε τῆς γῆς ὡς γλυκὺν  
δέξει, καπνός τ' ἐξέρχετ' εὐωδέστερος;  
οἰκεῖ τις, ὡς ἔοικεν, ἐν τῷ χάσματι  
λιβανωτοπώλης ἦ μάγειρος Σικελικός.*

scimus, et in Aristophanis Avibus<sup>3)</sup> Pisthetærus, qui urbi aeriae Nephelococcygiæ nomen dare jussit, Euelpidæ quærenti:

*ἀρ' ἐστὶν αὐτῇ Νεφελοκοκκυγία,  
ἴνα καὶ τὰ θεαγένους τὰ πολλὰ χρύματα  
τά τ' Αἰσχίνου γ' ἀπαντα; respondet:  
καὶ λῶστον μὲν οὖν  
τὸ Φλέγρας πεδίον, ὃν οἱ θεοὶ τοὺς γηγενεῖς  
ἀλαζονεύμενοι καθυπερηκόντισαν.*

Locum difficultimum Vibius, interpres Norvegicus Avium, qui solus, quantum scio, de eo accuratius egit, sic fere vertit: „et ante omnia, ubi campus Phlegræus est, ubi dii Terræ filios gloriando superarunt.“ Putat<sup>4)</sup> poetam occasione ob-

<sup>1)</sup> v. 1528 sqq. — <sup>2)</sup> XV. p. 661 E. — <sup>3)</sup> v. 823 sqq. — <sup>4)</sup> in annotationibus interpretationi adjunctis p. 201.

lata totam de Gigantum cum diis pugna narrationem irridere et cum Theagenis et Aeschinis divitiis ad fabulas fictas referre; poetarum igitur de diis mendacia perstringi. Verum Aristophanes ipsos deos, non poetas, mentientes inducit atque adeo in ipso proelio gloriosis mendaciis hostes superantes. Quod eum sumpsisse suspicamur ex aliqua Gigantomachia parodia, qualis fuit illa, quam Hegemonem Atheniensibus eodem die, quo clavis Siculae nuntius allatus sit, recitasse scribit Athenaeus<sup>1)</sup>. Sed maxima difficultas inest in verbis *καὶ λῶστον μὲν οὖν*, quae neque „quod optimum est,“ neque „ante omnia“ significare posse videntur. De sententia loci conjectura sine dubio sanandi hoc solum addam, Pisthetaeum quoque Theagenem et Aeschinem irridere videri, possessiones eorum ad campum, ubi dii tam vehementer gloriati erant, referentem. — Porphyrio Gigas propter ambiguum nomen, quod etiam fulicam significat. bis in Avibus commemoratur.

V. 1249 sqq. Pisthetaerus Jovi sic minatur:

πέμψω δὲ πορφυρίωνας ἐς τὸν οὐρανὸν  
ὅρνις ἐπ' αὐτὸν παρδαλᾶς ἐνημένους  
πλεῦ ἔξακοσίους τὸν ἀριθμόν. καὶ δῆ ποτε  
εἰς πορφυρίων αὐτῷ παρέσχε πράγματα,

et v. 553 Euelpides exclamat:

ὦ Κεβρύνα καὶ Πορφυρίων ὡς σμερδαλέον τὸ πόλισμα.

Si Scholiastæ ad hunc locum fides habenda est, Cebriones quoque nomen et avis et Gigantis a Venere superati est.

## § 6.

Fragmentorum, quæ e scriptis historicorum vetustissimorum servata sunt, nullum ad fabulam nostram pertinet. Herodotus autem locum saltem pugnæ Gigantum cum diis commemorat, ubi

<sup>1)</sup> IX. p. 407 A.

enumeratis oppidis Pallenes pergit<sup>1)</sup>: αὐται γάρ εἰσιν αἱ τὴν νῦν Παλλήνην, πρότερον δὲ Φλέγρην καλεομένην νεμόμεναι. Prosæ orationis scriptorum, qui Gigantum mentionem faciunt, Herodoto ætate proximus est Plato, qui in libro secundo de republica<sup>2)</sup> deorum cum diis inimicitias et pugnas narrari et depingi in perfecta civitate vetans etiam hæc scribit: πολλοῦ δεῖ Γίγαντομαχίας τε μυθολογητέον αὐτοῖς καὶ ποικιλτέον καὶ ἄλλας ἔχθρας πολλὰς καὶ παντοδαπὰς θεῶν τε καὶ ἥρωών πρὸς συγγενεῖς τε καὶ οἰκείους αὐτῶν. In Convivio Platonis<sup>3)</sup> dii, quid hominibus primis robustissimis facerent, dubitasse narrantur; οὕτε γάρ δημοσίεις εἰχον καὶ ὕσπερ τοὺς Γίγαντας κεραυνώσαντες τὸ γένος ἀφανίσαντεν κ. τ. ἐ. Denique in Sophista<sup>4)</sup> Plato controversiam eorum, qui corpora tantum esse affirmabant, cum iis, qui corpore carere, quæcunque re vera essent, exsistimabant, bello Gigantum contra deos facete comparat: Καὶ μὴν ἔοικέ γε ἐν αὐτοῖς οἷον Γίγαντομαχία τις εἴναι διὰ τὴν ἀμφισβήτησιν περὶ τῆς οὐσίας πρὸς ἄλλήλους. Πῶς; Οἱ μὲν εἰς γῆν ἐξ οὐρανοῦ καὶ τοῦ ἀοράτου πάντα ἔλκουσι, ταῖς χερσὶν ἀτεχνῶς ὡς πέτρας καὶ δρῦς περιλαμβάνοντες. — — Τοιγαροῦν οἱ πρὸς αὐτοὺς ἀμφισβητοῦντες μάλα εὐλαβῶς ἀναθεν ἐξ ἀοράτου ποθὲν ἀμύνονται, νοητὰ ἄττα καὶ ἀσώματα εἰδῇ βιαζόμενοι τὴν ἀληθινὴν οὐσίαν εἴναι. In locum Gigantum paulo post<sup>5)</sup> ad comparationem variandam alios Terræ filios. Spartos et Autochthonas, substituit. — Isocrates, Platonis fere æqualis, in Helena<sup>6)</sup> de diis scribit: αὐτοὶ γάρ πολὺ μεῖζω καὶ δεινοτέραν ἐποιήσαντο παράταξιν τῆς πρὸς Γίγαντας αὐτοῖς γενομένης. πρὸς μὲν γάρ ἐκείνους μετ' ἄλλήλων ἐμαχέσαντο, περὶ δὲ τῶν της

<sup>1)</sup> VII. 123. — <sup>2)</sup> 378 C. — <sup>3)</sup> 190 C. — <sup>4)</sup> 246 A sqq. Wieselerus (p. 145) τὴν οὐσίαν miro modo de possessionibus deorum interpretatur. — <sup>5)</sup> 247 C. — <sup>6)</sup> 53.

(de Helena) πρὸς σφᾶς αὐτοὺς ἐπολέμησαν. — Ephorus, illius discipulus, in libro quarto<sup>1)</sup> fabulam nostram his fere verbis explicare conatus erat: Οἱ δὲ περὶ τὴν πάλαι μὲν Φλέγραν, νῦν δὲ Παλλήνην ὀνομαζομένην κατουκοῦντες ἥσαν ἄνθρωποι ὡμοὶ καὶ ἵερόσυλοι· καὶ ἀνθρωποφάγοι, οἱ καλούμενοι Πίγαντες, οὓς Ἰηρακλῆς λέγεται χειρώσισθαι τὴν Τροίαν ἑλών, καὶ διὰ τὸ κρατῆσαι τοὺς περὶ Ἰηρακλέα ὀλέγους ὅντας τῶν Γιγάντων πολλῶν ὅντων καὶ ἀσεβῶν θεῶν ἔργον ἀπασιν ἐδύκει γεγονέναι τὸ περὶ τὴν μάχην. — Historicorum, qui post Alexandrum vixerunt, Duris Samius<sup>2)</sup> scripserat, τοὺς ὅπὸ τῶν Γιγάντων κατενεχθέντας λαθούς, τοὺς μὲν εἰς τὴν γῆν ὄρη, Phylarchus<sup>3)</sup> περὶ Παλλαδίων ἐν τῇ Γιγάντων μάχῃ κατενηγμένων narraverat, Timaeus<sup>4)</sup> pugnam Gigantum ad Campaniam retulerat; scribit enim Diodorus<sup>5)</sup>: Ὁ δὲ οὖν Ἰηρακλῆς ἀπὸ τοῦ Τιβέρεως ἀναζεύξας καὶ διεξιὼν τὴν παράλιον τῆς νῦν Ἰταλίας ὀνομαζομένης κατέγνησεν εἰς τὸ Κυμαῖον πεδίον. ἐνῷ μοδολογοῦσιν ἄνδρας γενέσθαι ταῖς τε ρώμαις προέχοντας καὶ ἐπὶ παρανομίᾳ διωνομασμένους, οὓς ὀνομάζεσθαι Πίγαντας ὀνομάσθαι δὲ καὶ τὸ πεδίον τοῦτο Φλεγραῖον ἀπὸ τοῦ λόφου τοῦ τὸ παλαιὸν ἀπλατον πῦρ ἐκψυσῶντος παραπλήσιώς τῇ κατὰ τὴν Σικελίαν λέγεται. καλεῖται δὲ νῦν ὁ λόφος Θεσσαλούντιος, ἔχων πολλὰ σημεῖα τοῦ κεκαῦσθαι κατὰ τοὺς ἀρχαίους χρόνους. τοὺς δὲ οὓς Πίγαντας πυθομένους τὴν τοῦ Ἰηρακλέους παρουσίαν ἀθροισθῆναι πάντας καὶ παρατάξασθαι τῷ προεψημένῳ. θαυμαστῆς δὲ γενομένης μάχης κατά τε τὴν ρώμην καὶ τὴν ἀλκήν τῶν Γιγάντων, φασὶ τὸν Ἰηρακλέα συμμαχοῦντων αὐτῷ τῶν θεῶν κρατῆσαι τῇ μάχῃ καὶ τοὺς πλείστους ἀνελόντα τὴν χώραν ἐξηγμερῶσαι. μυθολογοῦνται δὲ οἱ

<sup>1)</sup> fragm. 70 ap. Müllerum. — <sup>2)</sup> fragm. 39. — <sup>3)</sup> fragm. 79. — <sup>4)</sup> fragm. 10. — <sup>5)</sup> IV. 21.

Γίγαντες γηγενεῖς γεγονέναι διὰ τὴν ὑπερβολὴν τοῦ κατὰ τὸ σῶμα μεγέθους, καὶ περὶ μὲν τῶν ἐν Φλέγρᾳ φονευθέντων Γίγάντων τοιαῦτα μυθολογοῦσί τινες, οἵς καὶ Τύμαιος ὁ συγγραφεὺς ἔχοικούθησεν. — Timaeum in hac re sequitur Polybius, ubi de agro Campano scribit<sup>1)</sup>: ἐπιεικέστατος δὲ καὶ παρὰ τοῖς μυθογράφοις ὁ περὶ τούτων τῶν πεδίων λέγεται λόγος προσαγορεύεται δὲ καὶ ταῦτα Φλεγρᾶ, καθάπερ καὶ ἔτερα τῶν ἐπιφανῶν πεδίων θεούς γε μὴν μάλιστα περὶ τούτων εἰκῆς ἔρικέναι διὰ τὸ κάλλος καὶ τὴν ἀρετὴν αὐτῶν. — Quam regionem Aristoteles in Meteorologicis<sup>2)</sup> significet, scribens: ὅπου δὲ ἀν γένηται τοιωῦτος σεισμός, ἐπιπολάζει πλῆθος λίθων, ὥσπερ τῶν ἐν τοῖς λόκοις ἀναβραττομένων τοῦτον γὰρ τὸν τρόπον γενομένου σεισμοῦ τὰ περὶ Σίνουλον ἀνετράπη καὶ τὸ Φλεγρᾶν καλούμενον πεδίον, dijudicari vix potest: Wieselerus<sup>3)</sup> Campaniam intelligit, equidem haud scio an illa a Sipylo non multum distans planities, quae apud cæteros Catacecaumene<sup>4)</sup> appellatur, præferenda sit. — Restat fragmentum Pepli Aristotelis, quod num inter testimonia antiquiora locum obtinere possit, dubium est; nam Peplum illum Stagiritæ non sine causa abjudicasse vindentur viri docti<sup>5)</sup>. Scribit Scholiastes Aristidis<sup>6)</sup>: ἡ τάξις τῶν ἀγώνων κατὰ Ἀριστοτέλην γράφεται πρῶτα μὲν τὰ Ἐλευσίνια διὰ τὸν καρπὸν τῆς Μήμητρος δεύτερα δὲ τὰ Παναθήναια ἐπὶ Ἀστέρι τῷ Γίγαντι ὑπὸ Αθηνᾶς ἀναφεδένται. — — ταύτῃ τὴν τάξιν εἰς πέπλους συνθεὶς ὁ Ἀριστοτέλης ἐξέθετο τῶν ἀρχαίων καὶ παλαιῶν ἀγώνων. Pro Ἀστέρι videtur scribendum esse Ἀστέριον; nam aliis Scholiastes<sup>7)</sup> habet ἐπὶ φόνῳ τοῦ Ἀστερίου Γίγαντος.

<sup>1)</sup> III. 91, cfr. II. 17. — <sup>2)</sup> II. p. 368. — <sup>3)</sup> p. 157. —

<sup>4)</sup> Strab. XII. p. 579. — <sup>5)</sup> ut C. Müllerus Fragm. Hist. Græc. II. p. 189. — <sup>6)</sup> p. 323 Dind. — <sup>7)</sup> ibid. lin. 27.

Pervenimus denique ad poetas Alexandrinos, quorum Apollonius de Vulcano Aeteten artis suae miraculis donante narrat<sup>1)</sup>:

πρὸς δὲ καὶ αὐτόγυνον στιβαροῦ ἀδάμαντος ἄροτρον  
χλασεν Ἡελίῳ τένων χάριν, ὃς ῥά μνη ἔποις  
δέξατο Φλεγραῆ τεκμήστα δημοτῆτι.

Idem Aeteten inducit thoracem induentem<sup>2)</sup>,

τόν οἱ πόρεν ἐξεγαρίζας  
σφωτέρης Φλεγραῖν γῆρας ὑπὸ χερσὶ Μήμαντα.

Idem de Amyeo<sup>3)</sup>:

ἄλλ' ὁ μὲν ἡ δλοοῦ Τυφωέος ἡὲ καὶ αὐτῆς  
Γαῖῆς εἴναι ἔντο πέλωρ τέκος, οἷα πάρουθεν  
χωμένη Δὲ τίκτεν,

quem locum Scholiastes recte de Gigantibus interpretatur.  
Denique Spartos Colchos Gigantes nominat Apollonius<sup>4)</sup>.

Callimachus Jovem *Ηγλαγόνων ἐλατῆρα*, Gigantum vi-  
torem, appellat<sup>5)</sup>. Scripturam librorum *πηλογόνων* (limo-  
ortorum), quam sequitur Wieselerus<sup>6)</sup>, jam Salmasius et  
Bentleius correxerunt ex Etymologico Magno, quod habet:  
*Ηγλαγόνες οἱ Γγαντες. Καλλέραχος Ἡγλαγόνων ἐλατῆρα*.  
Quod additur: *εὕρηται παρὰ τοῦ ἐκ πηλοῦ γεγονέναι, τούτεστιν*  
*ἐκ γῆς*, falsum esse, et Gigantes propter vicinitatem Pallenæ  
et Pelagoniæ, partis Macedoniae superioris, Pelagones dictos  
esse, optime exposuit Meinekius, Callimachi editor novissi-  
mus. Simili modo Lycophro Gigantes Sithonios appellavit<sup>7)</sup>.  
Quæ Strabo de Titanibus Pelagonibus appellatis narrat<sup>8)</sup>,  
nihil nisi pravam hujus ipsius loci Callimachei male de Ti-  
tanibus intellecti interpretationem esse puto. — In Lavacro

<sup>1)</sup> Argon. III. 223 sqq. — <sup>2)</sup> III. 1225. — <sup>3)</sup> II. 38 sqq.  
<sup>4)</sup> III. 1053. — <sup>5)</sup> in Jov. 3. — <sup>6)</sup> p. 145 not. 24. — <sup>7)</sup> v.  
1357. — <sup>8)</sup> VII. fragm. 40, cfr. 39.

Palladis <sup>1)</sup>). Callimachus Minervam equos ad fontes Oceani lavisse narrat,

ὅκα δῆ, λόθρω πεπαλαγμένα πάντα φέροισα  
τεύχεα. τῶν ἀδίκων ἡγθ' ἀπὸ γηγενέων.

In hymno in Delum <sup>2)</sup> sonum clipei Martis fragori comparat, qui oritur,

οὐπότ' Αἰτναιών ὄρεος πυρὶ τυφομένοιο  
σείονται μωχὰ πάντα, κατουδαίοιο Γέγαντος  
εἰς ἐτέρην Βριαρῆος ἐπωμιδᾶ κανυμένοιο.

Callimachum alio loco partes Briarei Encelado tribuisse, et Scholiastes Pindari <sup>3)</sup> docet et hoc fragmentum, quod unde sumpserit Bergkius <sup>4)</sup>, non invenio :

τριγλώχιν δλοφοῦ νῆσος ἐπ' Ἐγκελάδῳ.

Denique in hymno in Cererem <sup>5)</sup> Erysichthonis servos violentos et robustos novo verbo ἀνδρογίγαντας appellat.

Euphorionis fabellam miram de Eurymedonte Gigante servavit Scholiastes Iliidis <sup>6)</sup>): "Πραν τρεφομένην παρὰ τοῖς γονεῦσιν εἰς τῶν Γιγάντων Εὑρυμέδων βιασάμενος ἔγκυον ἐποιήσεν. ἡ δὲ Προμήθεα ἐγένησεν. Ζεὺς δὲ ὑστερον γῆμας τὴν ἀδελφὴν καὶ γνοὺς τὰ γενόμενα τὸν μὲν Εὑρυμέδοντα κατεποτάφωσεν. τὸν δὲ Προμήθεα προφάσει τοῦ πυρὸς δεσμοῖς ἀνήρτησεν.

Apud Lycophronem <sup>7)</sup> Juppiter deos jurejurando obstringit

μέλλων Γιγάντας κάπι τιτᾶνας περᾶν.

In quo versu Gigantes nulla alia de causa quam propter trimetri iambici rationem ante Titanes nominati esse videntur. — Lycophronem Gigantum sedem ad Pallenem et ter-

<sup>1)</sup> v. 7 sqq. — <sup>2)</sup> v. 141 sqq. — <sup>3)</sup> ad Ol. IV. 11. —

<sup>4)</sup> Anthol. lyr. pag. 125. — <sup>5)</sup> v. 35. — <sup>6)</sup> ad. XIV. 295. —

<sup>7)</sup> v. 708.

ram adjacentem retulisse, appareat eo, quod Proteum Φλεγραίας πόσιν Τορώνης<sup>1)</sup> et Pallenēn Ἰγγενῶν τρόφον<sup>2)</sup> appellat. Nihilo minus eos Pithecussis insula una cum Typhone oppressos esse, significat his versibus de Ulike ab inferis reduce<sup>3)</sup>:

ὅδεν Ἰγάντων νῆσος ἡ μετάφρενον  
θλάσσασα καὶ Τυφῶνος ἀγρίου δέμας  
φλογμῷ ζέουσα δέξεται μονύστυλον.  
ἐν ᾧ πιθήκων πάλμων ἀφθίτων γένος  
δύσμορφον εἰς κηκασμὸν φύσεν τόσον,  
οἱ μῶλοι ωράθυναν ἐκγόνοις Κρόνου.

Herculem victoriæ participem fuisse significat, ubi Cassandra, Paridem γιγαντοραίστοις ἄρδισι vulneratum iri, vaticinatur<sup>4)</sup>. Xerxes appellat<sup>5)</sup>

Γίγαντα, τῷ θάλασσα μὲν βατὴ  
πεζῷ ποτ' ἔσται, γῇ δὲ ναυσθλωθήσεται.

Similiter ad Hectoris vim significandam eum appellat τὸν Καναστρᾶν μέγαν ἐγχώριον Γίγαντα, Canastræum a Canastræo promontorio Pallenes<sup>6)</sup>). Eodem modo fortasse intelligendum est, quod Αἴgeus quoque Gigas dicitur<sup>7)</sup>; neque enim Tzetzes audiendus est, qui ad hunc locum scribit, Αἴgeum unum e Spartis Thebanis fuisse. — Restat locus de Lydis Etruriam occupantibus<sup>8)</sup>:

Ἄγυλλαν Λίσσοντιν εἰςεκάμασαν  
δεινὴν Αἰγυστένοισι τοῖς τ' ἀφ' αἷματος  
βίζαν Γίγάντων Σιδύνων κεκτημένοις  
λόγχης ἐν ὑσμένῃσι μίξαντες πάλην.

<sup>1)</sup> v. 115. — <sup>2)</sup> v. 126, cfr. 1404—8. — <sup>3)</sup> v. 688 sqq. —

<sup>4)</sup> v. 63. — <sup>5)</sup> v. 1414 sq. — <sup>6)</sup> v. 526 sq, cfr. Anthol. XI. 63. — <sup>7)</sup> v. 494. — <sup>8)</sup> v. 1355 sqq.

Qui locus C. O. Müllerum<sup>1)</sup> et Wieselerum<sup>2)</sup> non offendisset, si meminissent, Gallos a Callimacho<sup>3)</sup> ὀψηρόνος Τετζυας, a Silio<sup>4)</sup> corpora irata Tellure sata appellari.

Nicander in Europa de Atho Gigante, qui Athoni monti nomen dederat, teste Stephano Byzantino<sup>5)</sup>, qui fragmentum ejus corruptum servavit, dixerat.

Denique afferendum est mutilum fragmentum Nævii<sup>6)</sup> de opere, ut videtur, aliquo cælato: „Inerant signa expressa, quomodo Titani, bicorpores Gigantes magnique Atlantes, Rhuncus atque Purpureus, filii Terras.“

## § 7.

Gigantum fabulam per longum temporis spatium, quod inter Homerum et Apollodorum fuit, non semper eandem mansisse, satis appareat; sed quo tempore singulæ mutationes factæ sint et a quibus scriptoribus, propter naturam testimoniiorum accurate indagari non potest. Nam, ut vidimus, excepto solo Apollodoro scriptores servati partes tantum exiguae fabulæ tradiderunt, pleraque prætermiserunt. Nihilo minus, conjunctis, quæ a scriptoribus, qui ante bella Persarum vixerunt, deinde, quæ a scriptoribus Atticæ ætatis, denique quæ ab Alexandrinis tradita sunt, fabulæ formæ, mancæ illæ quidem et obseuræ, sed tamen ejusmodi orientur, ut inter se comparatae imaginem universi motus ejus præbeant et suspiciones quasdam de Apollodori fontibus non improbabiles pariant. Hic etiam artis monumenta, quæ Wieselerus accuratissime enumeravit, nos autem, quia nihil novi

<sup>1)</sup> Etrusker I. p. 105 not. 82. — <sup>2)</sup> Giganten p. 174. —

<sup>3)</sup> in Del. 174. — <sup>4)</sup> V. 110. — <sup>5)</sup> s. v. *"Ἄθως"*, cfr. Schol. II. XIV. 229. — <sup>6)</sup> ap. Priscian. p. 679 Putsch.

addere potuimus, supra in fontibus fabulæ recensendis omisimus, magno usui erunt.

Testimoniis igitur, quæ ad primam illam ætatem litterarum Græcarum pertinent, compositis, hæc efficiuntur: Gigantes fuisse populum diis propinquum (Hom.), a Terra Cæli evirati sanguine grava genitum (Hes.), statura humana longe superante, hastis armatum. superbum; Eurymedontem, regem eorum, sibi et populo suo interitus causam fuisse; e Peribœa. filia ejus, mulierum pulcherrima, Neptunum procreasse Nausithoum, Phæacum gentis auctorem (Hom.). Paucis his Homericis et Hesiodeis nihil a cæteris poetis antiquioribus sumptum addi posse, eo molestius est, quod fabula nostra præcipue in hujus ætatis carminibus epicis et lyricis viguisse putanda est. Id solum adjici potest, in solio illo Amyckeo antiquissimo. teste Pausania<sup>1)</sup>, μάχην Ἡρακλέων πρὸς θούριων τῶν Ἱγάντων expressam fuisse.

Apud scriptores Atticæ ætatis ex Homericis illis et Hesiodeis pleraque aucta repetuntur, nonnulla omittuntur, quædam immutantur. Primum, quod ad genus Gigantum attinet, multi eos Terræ filios vocant (*γγενέες ἄνδρες Ἰγάντες* Batrach., ὁ *γγενής στρατὸς Ἱγάντων* Soph., *Ιγάς γγενής* vel *γγενέτας* Eur., τὰ *Ιγίς βλαστήματα*. *Γὰς* τέκνα id, *γγενεῖς* id. et Aristoph.). de Cæli sanguine omnes tacent. Magnitudinem corporum eorum Pindarus significat, qui Alcyoneum cum monte comparat, et Euripides, apud quem Gigas oppidum fundo revulsum humeris sustinet. Ut apud Hesiodum hastis armati sunt, ita apud Euripidem Enceladus clipeum gerit; apud Pindarum autem Alcyoneus ingentem

<sup>1)</sup> III. 18. 11.

lapidem emittit, et Platon in Sophista sine dubio Gigantes saxa et quercus in cælum torquentes obversati sunt. *Ἄτασθαλία* illa ab Homero Gigantibus tributa ab Æschylo maxime et Euripide significatur, quorum ille Tydeum, Capaneum, Zephyrum, hic Pentheum et Hippomedontem cum Gigantibus comparat. Pro Eurymedonte, quem Homerus regem Gigantum appellat, Pindarus Porphyrionem habet et alio loco, si fragmentum ab Hippolyto servatum vere Pindaricum est, Alcyoneum, si minus regem, attamen natu maximum Gigantem vocat; auctor Batrachomyomachiaæ Enceladum principem habuisse videtur. Ut de Eurymedonte, ita de filia ejus et omnino de progenie Gigantum scriptores hujus ætatis omnes tacent. At de interitu eorum ab Homero obscure significato multi narrant, eos in campo Phlegræ (*Φλέγρας πεδίον* Pind, Aristoph, *Φλέγρα* Eur, Herod, Ephor, *Φλεγραῖσσαν* Pind, *Φλεγραῖα πλάξ* Æsch, *Φλεγραῖον πεδίον* Eur, Aristot.) a diis cæsos esse. Inter deos excellunt Juppiter, qui in Batrachomyomachia Enceladum et feras gentes Gigantum fulmine interficit, in Convivio Platonis, ubi Gigantes fulmine exstincti commemorantur, aperte significatur, apud Euripidem Mimantem cædit; Minerva, quæ apud eundem Euripidem e curru Jovis pugnat, Gorgonem a Terra filiis auxilio missam interficit, interfictæ pelle pro thorace utitur, Enceladum dejicit; Apollo, qui apud Pindarum Porphyrionem sagittis conficit; denique Bacchus, qui apud Euripidem thyrso pugnat et Silenus armigerum habet. Deos in prælio magnopere adjutos esse sagittis Herculis, et Pindarus testatur et Euripides. apud quem Hercules ex ipsius Jovis curru pugnat et epularum, quibus dii victoriam celebrant, particeps est. Gigantibus jam commemoratis, Porphyrioni, quem Aristophanes quoque novit, Encelado, Mimanti, addi possunt

duo dubii, Cebriones (Aristoph.) et Asterius, quorum ille in Scholiis Aristophanis a Venere, hic in Pepli Aristotelici fragmento a Minerva superatus esse dicitur. Terram cum filiis contra deos stetisse, praeter Euripidem nemo habet. A magno prælio deorum et Herculis contra Gigantes longe diversa est pugna ejusdem Herculis cum Alcyoneo a Pindaro solo commemorata, de qua haec comperimus: Herculem et Telamonem, Troja capta et Meropibus victis, Alcyoneum, ingentem bubulum, quum jam quatuor et viginti milites eorum saxo oppressisset, in Phlegris interfecisse. Ut jam hic Gigantum patria ad aliquam terrarum, quas Ægeum mare alluit, referri posse videtur, sic in fragmento de hominibus primis Pallene Phlegræum Alcyoneum edidisse dicitur, et Herodoto atque Ephoro, fabulæ nostræ interpreti primo, Phlegra antiquum nomen Pallenes est. Campus Phlegræus, quem Aristoteles terræ motu vastatum et lapidibus opertum esse scribit, num in eadem pæninsula quærendus sit, dubium videtur.

Verba Platonis supra allata: πολλοῦ δεῖ Ἰγαντομαχίας μυθολογητέον καὶ ποικιλτέον, si cum noto loco in Euthyphrone<sup>1)</sup> conjungas: καὶ πόλεμον ἄρα ἡγεῖ σὺ εὖν τῷ ὅντι ἐν τοῖς θεοῖς πρὸς ἀλλήλους καὶ ἔχθρας γε δεσμὰς καὶ μάχας καὶ ἄλλα τοιωτα πολλά, οἷα λέγεται τε ὑπὸ τῶν ποιητῶν, καὶ ὑπὸ τῶν ἀγαθῶν γραφέων τά τε ἄλλα ἵμεν καταπεποίηται, καὶ δὴ καὶ τοῖς μεγάλοις Ηαγαδηγαῖοις ὁ πέπλος μεστὸς τῶν τοιωτῶν ποικιλμάτων ἀνάγεται εἰς τὴν ἀκρόπολιν, efficitur, quod etiam testimoniis scholiastarum<sup>2)</sup> confirmatur, fabulam nostram in peplo Panathenaico acu pingi solitam esse. Plinius<sup>3)</sup> docet, in concava

<sup>1)</sup> 6 B. — <sup>2)</sup> Bœckh. Græc. trag. princ. p. 194. — <sup>3)</sup> H. N. XXXVI. 18.

parte scuti Minervæ Phidiam deorum et Gigantum dimicationes cælavisse. Cætera monumenta ejusdem argumenti nunc amissa a Wieselero<sup>1)</sup> enumerata sunt. Nobis ad cognoscendum, quomodo Atticæ ætatis artifices Gigantum fabulam expresserint, maximi momenti sunt vasa pœta, quorum etsi vetustissima quæque fortasse sœculum sextum attingunt et recentissima, Apulæ et Lucanæ artis opera, ad tempora Alexandrina referuntur<sup>2)</sup>, maxima tamen copia sine dubio hoc pertinet, et similitudo imaginum tanta est, ut divelli non debeant. Summa igitur illius generis monumentorum utilitas ea est, ut permagno exemplorum numero ostendant, quod etiam scriptorum silentio confirmatur, per omnem Atticam ætatem figuram humanam, non mixtam et monstrosam illam ab Apollodoro commemoratam, Gigantibus tributam esse. At scribit C. O. Müllerus<sup>3)</sup>, in vasis nonnullis Vulcentibus esse Gigantes alatos, serpentipedes, corpore squameo, et statuunt Gerhardus<sup>4)</sup>, Lenormantus<sup>5)</sup>, Wieselerus<sup>6)</sup>, etsi Gigantum forma in vasis pictis fere semper humana sit, esse tamen paucas quasdam exceptiones. De qua re viri docti incautius judicasse videntur, partim barbara quædam Græcis immiscentes, partim Græca quædam non recte interpretantes. Constat, in vasis pictis longe antiquissimis præter animalia etiam viros et mulieres alatos in serpentem designentes expressos esse. Hic de Gigantibus vel de Typhoeo vel omnino de fabulis Græcis cogitare dissuadet similitudo maxima illorum monumentorum cum Babylonicis et Assy-

<sup>1)</sup> Giganten p. 158. — <sup>2)</sup> Jahn. Vasensammlung König Ludwigs p. CCXXXII. — <sup>3)</sup> Handbuch d. Archäologie. Dritte Aufl. p. 638. — <sup>4)</sup> Auserles. gr. Vasenbilder I. p. 23—24. — <sup>5)</sup> El. ceram. I. p. 6, Nouv. Gal. myth. p. 17. — <sup>6)</sup> p. 160.

ricis<sup>1)</sup>. Aliud vas<sup>2)</sup>, antiquissimum illud quoque, sed et arte et imaginibus et inscriptionibus aperte Græcum, præter certamen Atalantæ et Pelei etiam pugnam Jovis contra Typhoeum alis et duabus caudis serpentum pro pedibus instructum ostendit. Typhoeum vero Atticis temporibus a Gigantibus distingui, jam vidimus. In vasis antiquioribus cum atris figuris, quæ Gerhardus archaica appellat, primum occurunt serpentipedes illi alati, quos Müllerus Gigantes nominat; sed quia contra Jovem solum pugnant, eos Typhoeum significare, Gerhardus<sup>3)</sup> recte statuit. In vase item Vulcenti<sup>4)</sup> figura superne humana, infra quatuor anguibus colla erigentibus fulta, sex alis instructa, saxum capite sustinens, utrinque a juvēne levis armaturæ petitur. Quam figuram Wieselerus olim<sup>5)</sup> Gigantem a Marte et Apolline, postea<sup>6)</sup> Typhoeum a duobus diis oppugnatum significare putavit. Sed neque dii in monumentis artis tali modo exprimuntur et Typhoeus solius Jovis adversarius est. Miror, Wieselerum non animadvertisse, hic de opere Etruscae barbariae, non Græcae artis agi. Constat enim, inter vasa Vulcentia non pauca esse, quæ et artis inscritia et argumentis a Græcis fabulis plus minusve alienis et monstris portentosis sæpe tribus paribus alarum præditis originem barbarem præ se ferant<sup>7)</sup>. Quæ omnia quam maxime in illud vas cadere, primo aspectu cernitur. Neque aliter statuendum est de vase archaico a Gerhardo commemorato<sup>8)</sup>, ubi juvenis, cui serpentes capita erigentes pro pedibus sunt, negligentissime

---

<sup>1)</sup> Jahn. l. c. p. CXLV. — <sup>2)</sup> Gerhard l. c. tab. 237, Jahn. l. c. p. 38. — <sup>3)</sup> l. c. annot. 19. — <sup>4)</sup> C. O. Müller Denkm. d. alt. Kunst, fortges. von Wieseler II. tab. 67. 850. — <sup>5)</sup> ad illam tabulam. — <sup>6)</sup> Giganten p. 162—63. — <sup>7)</sup> Jahn l. c. p. CLXXII. — <sup>8)</sup> l. c. et Neapels ant. Bildw. I. p. 332.

pictus est, et de alio <sup>1)</sup>), ubi simile monstrum, quod juvenis gladio aggreditur, saepius repetitum est. Sejunctis igitur, quae Græca non sunt, et sejuncto Typhoeo, qui hoc tempore nondum Gigas fuit, in vasis pictis vix ullum exemplum Gigantis serpentipedis remanet. Quod eo confidentius judico, quo pluris testimonium Jahnii <sup>2)</sup>), archæologi doctissimi simul et cautissimi, aestimo, et in vasis prisci generis cum atris figuris et in vasis artis perfectæ et elegantis Gigantes semper esse milites armis æneis accinctos, neque magnopere eo moveor, quod Lenormanti libros supra citatos, ubi de exceptionibus quibusdam agitur, adire non potui. De recentissimis tamen vasis artis Apulæ et Lucanæ nonnihil dubito, partim quod unum tantum exemplum <sup>3)</sup> illius generis novi, partim quod Jahnii verba <sup>4)</sup> hic ambigua sunt („ungeheuerliche Kraft lehnt sich auf gegen göttliche Majestät“).

Tela Gigantum, ut apud Hesiodum, ita fere semper in vasis pictis hastæ sunt. Interdum tamen gladios, clavas, lapides gerunt, quercus et saxa vix unquam. In vasis antiquioribus a vertice usque ad talos ære induiti sunt, in recentioribus plerumque nudi vel seminudi, pallio aut pelle ferina humeros tegente. Terra in duobus vasis artis perfectæ juxta filios conspicitur. Inter hostes Gigantum, ut apud scriptores, Juppiter, Minerva, Hercules, Bacchus excellunt. Interdum, ut apud Euripidem, Minerva aut Hercules e Jovis curru pugnant; in vase Apulo <sup>5)</sup> Victoria equos ejus regit, Minerva juxta pedestris pugnat. Juppiter fulmen conjicit, Herenles sagittas aut, ut Minerva, hastam emittit, rarius clava armatus est, Bacchus hasta aut thyro-

---

<sup>1)</sup> Gerhard l. c. — <sup>2)</sup> l. c. p. CCI. — <sup>3)</sup> C. O. Müller. Denkmäler d. a. K. II. tab. 66. 843. — <sup>4)</sup> l. c. p. CCXXII. — <sup>5)</sup> C. O. Müller l. c.

aut hedera pugnat. Deorum a scriptoribus prætermissorum maxime conspiciuntur Neptunus, qui dextra hastam aut tridentem gerit, sinistra saxum aut insulam in adversarium jam concidentem humero demittit, et Vulcanus, qui aut malleo pugnat aut duobus forcipibus massas ardentes torquet. Prætereà Mercurius, Mars, Apollo, qui nunquam, ut apud Pindarum, primas partes agit, Diana, Juno, Sol, Mænades, Satyri a pictoribus vasorum expressi sunt<sup>1)</sup>. Tantum numerum deorum in eodem vase non inveniri, sed modo plures, modo pauciores, modo singulos tantum, consentaneum est. Præcipue Minerva in maximo numero vasorum cum atris figuris sola cum solo Encelado, cuius nomen interdum adscriptum est, pugnat. Inscriptionibus maxime memorabile est poculum Berolinense<sup>2)</sup> cum rubris figuris Vulcis reperatum, ubi Juppiter cum Porphyryone, Neptunus cum Polybota, Apollo cum Ephialta, Minerva cum Encelado, Juno, ut videtur, contra Rhoetum, Diana contra Gigantem nomine incerto pugnant. Neptuni adversario, qui etiam ab Apollodoro et a Pausania<sup>3)</sup> Polybotes vocatur, in vase artis paulo antiquioris<sup>4)</sup> Ephialtes nomen est. Utrum pictor hic aliam fabulæ formam secutus sit an, quod etiam poetis accidit, Gigantum nomina confuderit, cum Wieselero querere inutile est. Ut apud Pindarum, sic in vasis pictis<sup>5)</sup> pugna Herculis et Alcyonei longe diversa est a magno proelio deorum et Gigantum; sed discrepantia in eo est, quod in vasis Hercules, quem Minerva aut Mercurius interdum comitantur. Alcyoneum dormientem aut expergiscentem adoritur. Supra

<sup>1)</sup> Wieseler. Giganten p. 164—65. — <sup>2)</sup> Wieseler l. c. p. 166. — <sup>3)</sup> I. 2. 4. — <sup>4)</sup> C. O. Müller. Denkmäler I. tab. 44, 203. — <sup>5)</sup> O. Jahn in Berichte d. sächs. Ges. d. Wissensch. phil-hist. Cl. 1853. IV—V.

ingentem Terrigenam recubantem interdum, si Jahnii interpretatio vera est, Somnus, semel *Κῆρ τανγλεγέος θαυάτοιο* expressa est. — Cætera monumenta artis, quæ ad Gigantum fabulam referuntur, pauca sunt neque quidquam præbeunt, quod vasa picta non et pleniore et certiore modo ostendant. De nonnullis eorum, maxime de telamonibus templi Jovis Agricentini, etiam perdubium est, num revera Gigantes repræsentent.

Quæ apud scriptores ætatis Alexandrinæ inveniuntur, omnia fere nova et adhuc inaudita sunt. Pauca, quæ saltem ex parte nobis jam nota sunt, haec sunt: Gigantes, Terre filios, in Phlegra (Apollon., Lycophr.) victos esse; inter deos Jovem (Callim., Lycophr.), Minervam, Herculem, deinde, quos adhuc in vasorum picturis tantum novimus, Vulcanum, Solem, Martem in acie operam navasse; Minervam post prælium equos ad fontem Oceani lavisse (Callim.), Herculem Gigantes sagittis confecisse (Lycophr., Tim.). Vulcanum fessum a Sole in currum receptum esse (Apollon.), Martem Mimantem thorace spoliasse (id.). Denique Gigantum patriam fuisse Pallenen aut saltem vicinas regiones Macedoniae, Callimachus significat et Lycophrus et Nicander, apud quem Athos Gigas monte ejusdem nominis oppressus esse videtur. Prorsus nova sunt haec: Terram Jovi iratam Gigantes perperisse (Apollon.), prælium Gigantum in Campania factum esse (Tim.; addit Polybius, etiam alios campos Phlegræos esse), Palladia in illo prælio cælo delapsa esse (Phylarch.), montium et insularum originem eodem pertinere (Dur.), Enceladum Siciliam sustinere (Callim.). Discriben, quod inter Gigantes, Typhoeum, Titanes adhuc fuit, jam pæne evanuisse, his compositis appetet: Gigantes et Typhoeum Pitheciensis insula premi (Lycophr.), Eurymedontem Gigantem, quod Junone virgine compressa Prometheus procreasset, a

Jove in Tartarum detrusum esse (Euphor.), Jovem, quum contra Gigantes et Titanes iturus esset, deos jurejurando obstrinxisse (Lycophr.). Propterea quod verbum Gigas jam Alexanderino tempore pro Terrigena usurpatum esse videtur, dijudicari non potest, num Callimachus, apud quem Briareus Gigas sub Aethna jacet, Contimanos quoque cum Gigantibus cenjunxerit. Saltem Sparti Colchi ab Apollonio Gigantes vocantur, et fortasse Lycophro, ubi Aegeum Gigantem appellat, illo verbo non metaphorice, ut alibi de Hectore et de Xerxe, usus est, sed *αἰτοχθόνιας* Atheniensium significare voluit. Itaque dubium est, utrum verba Callimachi ita intelligenda sint, ut Briareus Gigantum, an ita, ut Titanum contra deos socius fuerit. Nævii fragmento mutilo Wieselerus ad demonstrandum, Gigantibus etiam tum figuram humanam tributam esse, utitur; nam bicorpores Gigantes ejus esse Typhones et diversos a Rhunco atque Purpureo. Prellerus ex eodem fragmento colligit, Romanos jam tum Gigantes serpentipedes novisse. Nos rem dubiam in medio relinquemus. In vase Apulæ artis supra commemo- rato hominum similes sunt, quocum congruit, quod Apollonius Mimanti thoracem tribuit.

Veninus tandem ad quæstionem maximi in hac dissertatione momenti, utrum Apollodorus Gigantum fabulam totam e fontibus antiquioribus, quos præferre solet, hauserit, an, quod etiam alibi nonnunquam fecit, a scriptoribus recentioribus et suæ ætati propioribus quædam recupererit. In Apollodori narratione cum superioribus comparanda, quia Homerum et Hesiodum prorsus neglexit, ab iis, quæ ei cum Atticæ ætatis scriptoribus et artificibus communia sunt, initium faciemus. Ut apud illos, aut in Phlegris aut in Pallena Gigantes nati esse dicuntur. Ut apud Platonem, quercubus et

saxis armati sunt. Duas inter se diversas narrationes de Alcyoneo Gigantum natu maximo ab Hercule interfecto et de Gigantum populo a diis Hercule adjuvante superato Apollodorus ita conflavit, ut Gigantibus Spartano more duo principes sint, Alcyoneus et Porphyrio; præterea, ut apud Pindarum Troja et Co captis cum Alcyoneo confligit, sic apud Apollodorum ab eadem expeditione revertens a diis auxilio vocatur; quod adjicit, Alcyoneum Solis boves ab Erythia abegisse, verbum *βουβόταν*, quo Pindarus de hoc Gigante utitur, explicat. Quæ de ipso prœlio tradit, magna ex parte apud Atticæ ætatis scriptores et in vasis pictis jam invenimus: Jovem Porphyriionem et multos alios Gigantes fulmine dejecisse, Apollinem Ephialtem, Minervam Enceladum, Neptunum insulam jaculantem Polybotem superasse, Junonem, Bacchum thyrso armatnm, Vulcanum massas torquentem, Mercurium, Dianam alios Gigantes cecidisse, Herculem plurimum ad victoriam contulisse. Magnus igitur, ut par est, Apollodoro cum antiquioribus consensus intercedit. A quibus tamen in nonnullis deflectens narratio ejus aperte cum Alexandrinis consentit. Primum quod Minerva Siciliam in Enceladum conjicit, cum fragmento Callimacheo congruit, ab eo, quod narratione Æschylea<sup>1)</sup> et Pindarica<sup>2)</sup> novimus, Typhoeum sub Ætna jacere, discrepat. Neque enim ullo modo fieri potuisse, ut egregii poetæ Apollodori modo Ætnam et Siciliam separantes hanc Enceladi, illam Typhoei onus habuerint, quisquis poetam a grammatico poetarum narrationes diversas conglutinanti dijungere potest, concedet. Accedit, quod in maximo numero vasorum, ubi Minervæ et Enceladi pugna expressa est, dea nunquam in-

---

<sup>1)</sup> Prom. 365 sqq. — <sup>2)</sup> Ol. IV. 6, Pyth. I. 18 sqq.

sulam conjicit, et quod Euripides eandem pugnam bis commemorans de insula tacet. Etiam hoc ostendit, Apollodorum e fontibus recentioribus nonnulla hausisse, quod Gigantibus formam illam mixtam et monstrosam, quam apud Atticæ ætatis scriptores et in vasis ejusdem temporis frustra quæras, tribuit. Si quis enim statuat, eum hoc apud scriptores per antiquos invenisse, statuat necesse sit, Græcos Gigantes primo monstra, postea hominum similes, deinde rursus monstra finxisse. Immo Alexandrinos, qui Gigantes tam arte cum Typhoeo coniunxerint, primos etiam speciem hujus illis tribuisse, admodum verisimile est. Utrum poetæ artificum an artifices poetarum in hac re exemplum secuti sint, scire non possumus; suspicamur tamen, egregios sculptores Pergamenos ad novam Gigantum formam litteris atque arti commendandam aliquid contulisse. Vidimus enim; Gallos a poetis Alexandrinis Gigantum posteros appellatos esse. Constat porro<sup>1)</sup>, Attalum regem in memoriam victoriæ a se de Gallis reportatae opus, ut videtur, statuarium, quo Gigantum contra deos proelium, Atheniensum cum Amazonibus pugna, Marathonicum proelium, denique Gallorum in Mysia clades expressa erant, Athenis collocasse. Præterea Ampelius in capite de miraculis mundi sic scribit: „Pergamo ara marmorea magna, alta pedes quadraginta cum maximis sculpturis, continet autem Gigantomachiam.“ Quam aram, ad tempora Pergami florentis a Wieselero<sup>2)</sup> recte relatam, ob victorias Gallicas Attali primi<sup>3)</sup> vel Eumenis secundi<sup>4)</sup> exstructam esse credimus. Apollodorus, Athenis natus, aulæ Pergamenæ conjunctus — Attalo tertio Chronica sua dedicavit<sup>5)</sup>

<sup>1)</sup> Paus. I. 25. 2. — <sup>2)</sup> Giganten p. 184\*. — <sup>3)</sup> Polyb. XVIII. 25, Paus. I. 4. 6, 8. 1, Strab. Liv. — <sup>4)</sup> Diod. fragm. XXXI. 21 Bekk. — <sup>5)</sup> Scymn. Ch. v. 16—49.

-- ambo monumenta, ni fallimur, viderat. Unde collegerim, artifices Pergamenos Gigantes serpentipedes fluxisse; aliquin iis, quæ de specie eorum narrat, addidisset. nonnullos iis formam humanam tribuere. Apollodorus scribit, Titanibus in Tartarum detrusis, Terram Jovi iratam Gigantes, Gigantibus victis, majore ira permotam Typhoeum peperisse, et Apollonius monstra a Terra Jovi irata edita novit. Apud Hesiodum autem Typhoei pugna Titanomachiam excipit. Atticæ ætatis scriptoribus de causa belli tacentibus, quo tempore ordo rerum, quem Apollodorus sequitur, inventus sit, prorsus nescimus. Crediderim tamen, Alexandrinos etiam hoc novasse; præterea, quæ de Aleyonei immortalitate et de Pallante habet, ab iisdem fontibus fluxisse. Neque enim illa eum iis, quæ Pindarus narrat et vasa ostendunt, facile conjungi possunt, et de Pallante, Gigante prorsus novo, Apollodorus ea narrat, quæ Euripides de Gorgone. Cætera, quæ Apollodorus solus habet, de Cælo Gigantium patre, de saxis et quercubus ardentibus, de oraculo diis dato, de Terra filios defendere conante, de Porphyrione Junoni vim inferente, de Hecate, de Mercurio Plutonis galea induito, de Parcis elavis æneis pugnantibus, de Nisyro a Co revulsa, de Euryto et aliis novis Gigantibus, quia locum Apollodori integrum supra attulimus, hic prætermittimus. Neque enim de fontibus, unde sumpta sunt, quidquam definiri potest. Hoc solum addimus, opinionis, quam Wieselerus<sup>1)</sup> sequitur, narrationem Apollodori, qualis nunc est, multo breviorem, quam olim fuerit, et ab eo, qui ambitum ejus contraxerit, interpolando corruptam esse, propterea quod neque ipse neque Clavierus<sup>2)</sup> et Welckerus<sup>3)</sup>, qui primi integritatem

<sup>1)</sup> p. 145. — <sup>2)</sup> In præfatione editionis Apollodori. — <sup>3)</sup> D. epische Cyclus. I. p. 88—94.

Bibliothecæ mythologicæ servatæ in dubium vocaverunt, sententiam suam idoneis argumentis fulserunt, rationem a nobis habitam nou esse. Neque enim ullius momenti est, quod liber neque multis neque bonis codicibus servatus neque a recentioribus (excepto Heynio) cum cura tractatus mendis et ineptiis non vacuus est. Neque recte statuit Wellererus, Apollodorum eleganter scripsisse necesse esse (doctis hoc grammaticis non semper cecidisse, satis constat). Neque verba poetica apud scriptorem res, quas narrat, e scriptis poetarum sæpe haurientem offendere debent.

---

## QUE SCRIPTORES TEMPORUM ROMANORUM DE GIGANTIBUS TRADANT.

### § 1.

Gigantum fabulæ incrementa persequentes ad tempora Romana pervenimus, unde testimoniorum ingens numerus ad nos redundavit. Quibus consideratis apparet, fabulam illis temporibus non magnopere mutatam esse. Quod et per se verisimile erat. Vidimus enim, jam Alexandrina ætate ita amplificatam et exaggeratam fuisse pugnam deorum et Gigantum, ut ultra progrediendi facultas posteris erepta esset. Huc accedit, quod, discriminé Gigantum et Titanum et Typhoei et fortasse etiam Centimanorum pæne sublato, etiam nova e similibus et propinquis fabulis sumpta immiscendi facultas magna ex parte sublata erat. Quæ quum ita sint, supervacaneum est omnia temporis Romani testimonia ordine historico et ipsis scriptorum verbis ennumerare. In plenioribus et luculentioribus afferendis eum ordinem sequemur, ut a poetarum Romanorum grege incipiamus, deinde ad poetas Græcos multo pauciores transeamus, postremo de testimoniis scriptorum prosæ orationis, quorum utilitas præcipua ea est, ut quæstioni de fabulis topicis sequenti capite instituendæ fundamenta jaciant, agamus.

Gigantum fabula pluribus verbis narrata est a duobus aureæ ætatis scriptoribus Latinis, Horatio et Ovidio. Hora-

tius in carmine quarto libri tertii, mente temperata et Musarum consiliis imbuta laudata, feroes et superbos funditus perire dicit: exempla esse Titanes et immanem turmam (Gigantes) a Jove fulmine deletam; illam brachiis fidentem juventutem (Gigantes) et fratres Pelion Olympo imponere co[n]nantes (Otum et Ephialtem) Jovi terrorem intulisse; sed quid Typhoeum, Mimantem, Porphyronem, Rhoetum, Enceladum evulsos truncos jaculantem contra Minervam, Vulcanum, Junonem, Apollinem potuisse. Igitur, quod prorsus novum est, Aloidae hic inter Gigantes contra deos pugnant; Typhoeum Gigantum socium jam apud Lycophronem vidimus. Cætera Horatiana cum Apollodori narratione egregie congruunt. — Ovidius in Metamorphosibus<sup>1)</sup> fabulas de Gigantibus et de quatuor ætatibus generis humani conflans narrat, Gigantes anguipedes et centenis brachiis instructos tempore ætatis ferreæ, montibus illis Thessalicis in aggerem congestis cælum aggressos, Jovis fulmine detrusos et ipsis illis montibus oppressos esse; Terram filiorum sanguine perfusam novum genus humanum, Lycaonem et æquales ejus, peperisse. In Fastis<sup>2)</sup>, ubi eandem fabulam simili modo narrat, illis de ætatibus omissis, Apollodorum sequens narrat, belli causam fuisse, quod Saturnus cælo pulsus Terræ contra Jovem iram excitavisset. Hoc loco Gigantibus etiam milennas manus tribuit. — Multo plenius Gigantum bellum descripsit, qui Lucilius nuncupatur, Ætnæ carminis auctor, ubi poetarum de illo monte mendacia exagitans etiam hæc narrari queritur<sup>3)</sup>: Gigantes Phlegraeos anguipedes, montibus Thessalicis in cælum exstructis, sidera ingenti clamore ag-

<sup>1)</sup> I. 151 sqq. et 182 sqq. — <sup>2)</sup> V. 33. sqq. — <sup>3)</sup> v.  
41—72.

gressos esse; Jovem magno ore tonantem, ventis adjuvantibus, montes fulminibus deturbasse, hostes in fugam vertisse, Enceladum *Ætna* obruisse; Martem quoque et cæteros deos pugnæ socios fuisse, Liberum propter res tum gestas in deorum numerum receptum esse. — Etiam Valerius Flaccus Gigantum bellum pluribus verbis narrat<sup>1)</sup>: Gigantes Terri-genas a diis in Pallena victos a matre casus eorum miserenti in scopulos et trabes mutatos esse; Typhoenum vero, maximum horrorem, per mare fugientem et fulminis flamas pectore exhalantem a Neptuno Sicilia obrutum esse. Illa de Gigantibus a Terra mutatis nusquam alibi inveniuntur. — Gigantum fabulam ante tempora Martialis totorum carminum materiam fuisse, non constat. Is vero Julium Cerream quendam, auctorem Gigantomachiæ et Georgicon, commemorat<sup>2)</sup>. Wieselerus errat, Gauri luteum Gigantem ejusdem argumenti fuisse, scribens. Qui epigramma<sup>3)</sup> perlegerit, bellum Trojanum longissimum et languide scriptum significari, intelliget. -- Ex ultimis denique litterarum Romanarum temporibus servata est magna pars (centum viginti octo versus primi) Gigantomachiæ Clandianeæ, carminis propter vim et vigorem describendi Ovidii ætate non indigni. Claudianus narrat, Terram invidia contra deos incitatam et ira propter Titanas punitos accensam monstra angues pro pedibus habentia in Phlegra edidisse et, quum imperio mundi promisso, tum Promethei, Atlantis, Tityi, Titanum injuriis commemoratis, ad arma contra deos vocasse. Ab altera parte Iridem deos omnes, etiam inferos, convocasse, Jovem convocatos oratione confirmasse. Signo his ab *Æthere*, illis a Terra dato, omnia misceri cœpta esse, Gigantibus

---

<sup>1)</sup> II. 16—33. — <sup>2)</sup> XI. 52. — <sup>3)</sup> IX. 50.

Oeten, Ossam, Athon, Pangæum, Rhodopen evelentibus et contra deos torquentibus. Sed Martem Pelorum et Mimanta Lemnum eruentem ense et hasta trucidasse, Minervam Pallanta, Echiōnem, Palleneum partim ense occidisse, partim Gorgonis capite in saxa vertisse. Porphyrione interea Delon e fundo maris revellere conante, nymphas Cynthicas Apollinis opem implorasse. Reliqua carminis perierunt. Nihilo minus, quæ fuerint, aliqua ex parte e fragmento Gigantomachiae Græcæ Claudiani nomine inscripto, de quo infra dicendum erit, et e carmine sexto Apollinaris Sidonii, imitatoris Claudiani, colligere possumus. Primum dubitari non potest, quin Apollo, suis auxilio lató, Porphyrionem occiderit. Quo, ut recte statuit Wieselerus<sup>1)</sup>, etiam hoc dicit, quod Terra filios hortans Porphyrionem ad Delphicam laurum Cirrhæaque templa occupanda incitat. Eadem his verbis:

Rapiat fulmen sceptrumque Typhoeus,

Enceladi jussis mare serviat,  
aperte pugnam Jovis cum Typhoeo, Neptuni cum Encelado  
prædictit. Quocum congruit fere, quod in fragmento Græco  
Typhoeus a Jove et Neptuno, Enceladus a Iove cæditur; et  
quod Apollinaris Minervam alloquens dicit<sup>2)</sup>:

Enceladus patri jacuit fratrique Typhoeus,

Euboicam hic rupem sustinet, hic Siculam,  
sine dubio sic intelligendum est, ut Typhoeus Jovis, non Mi-  
nervæ fratri occubuerit. Wieselerus contra omnia antiqui-  
tatis testimonia (quæ affert, non recte intellexit) de Hercule  
Typhoei victore cogitat<sup>3)</sup>. Verisimile est igitur, apud Clau-  
dianum summos illos Gigantes, Typhoeum et Enceladum, a  
Jove et Neptuno, summis diis, superatos esse. — Ultimæ

---

<sup>1)</sup> Giganten p. 143. — <sup>2)</sup> VI. 27—28. — <sup>3)</sup> l. c. 151.

tres Gigantomachiae adumbrationes in carminibus Apollinaris Sidonii<sup>1)</sup> inveniuntur.

Plenioribus narrationibus inter se et cum locis brevioribus eodem pertinentibus comparatis, quæ formæ Gigantum fabulae apud poetas Romanos fuerit, optime cognoscitur. Eos originem belli ab ira Terræ propter Saturnum et Titanes cælo pulsos repetere, jam vidimus. Species Gigantum a poetis Romanis semper ita describitur. ut serpentes iis pro pedibus sint<sup>2)</sup>). Ovidius solus iis modo centena, modo millena brachia tribuit. Gigantes saxis et arboribus armatos unus Horatius novit, qui Enceladum truncos jaculantem facit. Apud Senecam<sup>3)</sup>, Claudianum, Sidonium Apollinarem<sup>4)</sup> totos montes et insulas in cælum torquent. Alibi<sup>5)</sup> montibus non pro armis utuntur, sed Aloidalum modo ad viam in cælum struendam. Claudianum in carmine de raptu Proserpinæ<sup>6)</sup>, ubi Gigantum cæsorum arma ab arboribus luci Aetnæi suspensa commemorat, arma, qualibus homines utuntur, significare voluisse, eo magis credo, quod ibidem Virgilium<sup>7)</sup> imitans Aegæonem centum simul ensibus armatum fuisse, narrat. Phlegra sæpiissime commemoratur. Qui prælium ad loca non fabulosa referunt, omnes fere Pallenæ<sup>8)</sup> aut terras adjacentes<sup>9)</sup>, Macedoniam, Thessaliam, Thraciam, locum ejus fuisse significant. Silius tamen Phlegræam pugnam ad Campaniam refert<sup>10)</sup>, et Gigantes sub insulis Italicas jacentes sæpe

<sup>1)</sup> VI, IX. 73 sqq., XV. 17 sqq. — <sup>2)</sup> cfr. Wieseler l. c. annot. 11. Addo Lucan. IX. 656, Stat. Theb. V. 569, Sil. VI. 181. — <sup>3)</sup> Herc. Oet. 1139 sqq. — <sup>4)</sup> IX, 85 sqq., XV. 17 sqq. — <sup>5)</sup> Virg. Georg. I. 281 sqq., Hor. Od. II. 19. 21, cfr. Wieseler. p. 147. — <sup>6)</sup> III. 332 sqq. — <sup>7)</sup> Aen. X. 565 sqq. — <sup>8)</sup> Val. Flacc. II. 16 sqq. — <sup>9)</sup> Prop. IV. 10. 37, Sen. l. c., Stat. Theb. II. 595, Cland. Gigant. — <sup>10)</sup> VIII. 538, 655, XII. 143 sqq. cfr. Prop. I. 20. 9.

commemorantur, et Wieselerus<sup>1)</sup> fortasse recte suspicatur, Claudianum, ubi Gigantum spolia in silva Aetnæa pendentia commemorat, etiam pugnam in Sicilia factam esse significare. Typhoeum inter Gigantes contra deos pugnantem apud Horatium, Claudianum, Valerium Flaccum vidimus; addo locum ex Aeneide<sup>2)</sup> de Gigantomachia accipendum, ubi Typhoeus ipse Herculem non terruisse dicitur. E Centimanis Gyas apud Ovidium<sup>3)</sup>, Briareus apud Statium<sup>4)</sup>, ambo apud Senecam<sup>5)</sup>, Aegeon apud Claudianum<sup>6)</sup>, Briareus et Aegeon apud Apollinarem<sup>7)</sup> cum Gigantibus conjuncti sunt. E Titanibus Coeus apud Propertium<sup>8)</sup> et Iapetus apud Silium<sup>9)</sup> fortasse Gigantum socii sunt. Aloidas cum Gigantibus conjunctos Horatius solus praebet. Nomina Gigantum saepissime commemorata sunt Enceladus et Mimas; rarius occurunt Porphyrio<sup>10)</sup> et Rhoetus<sup>11)</sup>, rarissime Eurymedon<sup>12)</sup> et, quos Claudianus et Apollinaris soli praebent, Pelorus, Pallas, Damastor (vel Adamastor), Echion, Palleneus, Alcyoneus<sup>13)</sup>, Ophion<sup>14)</sup>, Ephialtes<sup>15)</sup>. Claudianus<sup>16)</sup> Enceladum summum Terrigenum regem, Valerius Flaccus Typhoeum maximum horrorem appellat. Deorum ubique celebrantur Jupiter et Minerva. Bacchi in leonem mutati cum Rhoeto pugna commemoratur ab Horatio<sup>17)</sup>, apud Valerium Flaccum<sup>18)</sup> Bacchus et Minerva deorum propugnatores sunt, apud Lucilium<sup>19)</sup> propter res contra Gigantes gestas in

<sup>1)</sup> p. 156. — <sup>2)</sup> VIII, 298. — <sup>3)</sup> Am. II. 1. 12 sqq. —

<sup>4)</sup> Theb. II. 595 sqq. — <sup>5)</sup> Herc. Oet. 167 sqq. — <sup>6)</sup> Rapt. Pros. III. 345. — <sup>7)</sup> VI. 25. — <sup>8)</sup> IV. 8. 47. — <sup>9)</sup> XII. 147 sqq.

— <sup>10)</sup> Hor. Od. III. 4. 54, Mart. XIII. 78, Cland. Gi-

gant. 35 et 115. — <sup>11)</sup> Hor. Od. II. 19 23, III. 4. 55. — <sup>12)</sup> Prop. IV. 8. 48. — <sup>13)</sup> Cland. Rapt. Pros. III. 183. —

<sup>14)</sup> ib. 348. — <sup>15)</sup> Apoll. Sid. VI. 25. — <sup>16)</sup> l. c. 351. —

<sup>17)</sup> Od. II. 19. 21. sqq. — <sup>18)</sup> IV. 237. — <sup>19)</sup> v. 67. —

numerum deorum recipitur. Cæterorum deorum Vulcanus, Juno, Apollo ab Horatio<sup>1)</sup>, Mars a Lucilio<sup>2)</sup>, Neptunus a Valerio Flacco<sup>3)</sup>, Mars, Neptunus, Apollo a Lucano<sup>4)</sup>, Apollo et Mars a Statio<sup>5)</sup> commemorantur; in Gigantomachia Claudiani etiam fluviorum dii et manes, Pluto et Proserpina, ad arma vocantur. In narrationibus de Gigantum clade copiosioribus supra allatis Herculis mentio non fit. Neque tamen, quæ antiquiores de Gigantibus ab illo heroe victis tradunt, poetis Romanis ignota fuerunt; nam et ab Horatio<sup>6)</sup> Gigantum domitor appellatur et a Virgilio<sup>7)</sup> impavidus contra Typhoenum stetisse dicitur et apud Silium<sup>8)</sup> Gigantes prope Cumas ab Hercole prostrati esse narrantur. Gigas, quem Apollinaris Herculis labores ter enumerans<sup>9)</sup> nunquam omittit, sine dubio Antæus, celeberrimus Terrigena, est; de Aleyoneo, poetis Romanis pæne ignoto, minus recte cogitat Wieselerus<sup>10)</sup>. Gigantes victos sub montibus ignivomis jaceere, opinio est poetis Romanis cum Alexandrinis communis. Permulti Callimachum sequentes Ætnam vel Siciliam Eneeladum premere narrant<sup>11)</sup>. Ovidius<sup>12)</sup> tamen semper et Valerius Flaccus<sup>13)</sup> cum poetis antiquioribus consentiunt, Ætnæ ignem ab ardenti Typhoeo oriri; alii Pherecydem<sup>14)</sup> sequentes Inarimen (Pitheciussas) Typhoeo impositam esse tradunt<sup>15)</sup>. Silius, qui de Ætna sibi eo usque non constat, ut in eodem libro<sup>16)</sup> Catanen ardenti Ty-

<sup>1)</sup> Od. III. 4. 59 sqq. — <sup>2)</sup> v. 60. — <sup>3)</sup> II. 26. — <sup>4)</sup> VII. 146 sqq. — <sup>5)</sup> Theb. II. 597 sqq. Achill. I. 485 sqq. — <sup>6)</sup> Od. II. 12. 6. sqq. — <sup>7)</sup> Æn. VIII. 298. — <sup>8)</sup> XII. 143. (XVII. 649). — <sup>9)</sup> IX. 92. XIII. 11. XV. 141. — <sup>10)</sup> p. 153. — <sup>11)</sup> cfr. Wieseler p. 152; locis allatis addo Sen. Herc. Oet. 1157, Lueil. 70, Lucan. VI. 293. Stat. Theb. XI. 8. — <sup>12)</sup> Met. V. 346, Fast. I. 573, IV. 491. — <sup>13)</sup> II. 24. — <sup>14)</sup> cfr. Wieseler p. 152. — <sup>15)</sup> Virg. Æn. IX. 716. Sen. Herc. Oet. 1155, Lucan. V. 101, Sil. VIII. 541. — <sup>16)</sup> XIV. 196 et 579.

phoeo nimium vicinam esse dicat et paulo post Aetnam Enceladi spirantis rogum appellat, ubi agrum Cumanum describit, narrat<sup>1)</sup>, Gigantes ab Hercule victos illam terram sibi impositam quatere, Prochyten insulam Mimantis, Inarimen Iapeti cubile esse; paulo post addit<sup>2)</sup>, etiam Fregellas fumantem Gigantem texisse. Claudianus habet<sup>3)</sup>, Alcyoneum, cæteris poetis Romanis ignotum, sub Veseko monte jacere. Restat, ut commemoremus, Statium<sup>4)</sup> Asopum fluvium Giganteis favillis clarum dicere. Erant igitur, qui Gigantes in Sieyonia victos esse contulerent. Fabulæ alibi non commemoratae origo ab eo petenda est, quod Asopus carbones forebat; ad quam rem explicandam alii<sup>5)</sup> narraverunt, Asopum Jovem Aeginæ filiæ raptorem persequentem a deo fulmine in flumen suum repulsum esse. Quod Valerii Flacci proprium est, Gigantes victos a matre in scopulos et arbores mutatos esse, jam commemoravimus; etiam quod Claudianus solus tradit, arma eorum et pelles detractas a diis in silva Aetna suspensa esse, supra attigimus. Gigantes apud inferos vineulis ligati et tormentis puniti interdum<sup>6)</sup> commemorantur; apud Silium<sup>7)</sup> umbrae eorum inter Orci habitatores sunt. Convivium, quo dii victoriam celebrarunt, jocoso modo describit Martialis<sup>8)</sup>; Apollinem cantu convivas oblectasse, narrat Seneca<sup>9)</sup>. Genus humanum impium, quod diluvio Deucalioneo interiit, Terra Gigantum sanguine madefacta ortum esse, Ovidius<sup>10)</sup> narrat. Opinionem poetarum Alexandrinorum, Gallos Gigantum progeniem esse, ante oculos habuit

<sup>1)</sup> XII. 143 sqq. — <sup>2)</sup> ib. 529. — <sup>3)</sup> Rapt. Pros. III. 182.  
— <sup>4)</sup> Theb. VII. 731. — <sup>5)</sup> Apollod. III. 12. 6 cum nota Heynii. — <sup>6)</sup> Prop. IV. 4. 39, Stat. Theb. IV. 534. — <sup>7)</sup> XIII. 588. — <sup>8)</sup> VIII. 50. — <sup>9)</sup> Med. 335 sqq. — <sup>10)</sup> Met. I. 157 sqq.

Silius, ubi Flaminium de victoria sua Gallica dicentem facit<sup>1)</sup>:

Quas ego tunc animas dextra, quæ corpora fudi  
Irata Tellure sata,

et Gigantes Tarpeja pendentes rupe, quos Claudianus<sup>2)</sup>  
Romæ magnificentiam describens commemorat, sine dubio  
artis opus est Gallos Capitolium ascendentibus exhibens. Lo-  
cum ejus et genus definire difficile neque hujus disputa-  
tionis est.

## § 2.

Poetarum Græcorum temporis Romani Nonnus in Anthologia Palatina<sup>3)</sup> Gigantum cladis poeta eodem jure dicitur, quo ipse Spartos Thebanos<sup>4)</sup>, Orionem<sup>5)</sup>, Terrigenas Tyri conditores<sup>6)</sup> Gigantes appellat. Nam Indi ejus, Bacchi adversarii. sunt Terræ filii. Præterea Alpum, Gigantem Siculum, Pelori promontorii incolam, monstrum multis faucibus præditum, saxorum et arborum jaculatorem, qui sæpe equitem cum equo devoraverat. a Baccho victum, in ordinem rerum gestarum sibi describendarum ille quidem non recepit; sed libro quinquagesimo quinto<sup>7)</sup> Tiresiam Pentheo et Alpum et piratas Tyrrhenos a Baccho victos narrantem inducit et libro vicesimo quinto<sup>8)</sup>, ubi Bacchi et Herculis res gestas comparat, Geryoni Alpum opponit. Alpi figuram sic describit<sup>9)</sup>:

<sup>1)</sup> V. 110 sqq. — <sup>2)</sup> In sext. consul. Honorii v. 45. —

<sup>3)</sup> IX. 198. — <sup>4)</sup> IV. 427, 442, 453 etc. — <sup>5)</sup> XIII. 98. —

<sup>6)</sup> XL. 535. — <sup>7)</sup> v. 172 sqq. — <sup>8)</sup> v. 236 sqq. — <sup>9)</sup> ib. 239 sqq.

Ἄλπον ἔχιδναίσις ἐκατὸν κορόωντα καρήνοις,  
Ἡελίου φάνοντα καὶ αὖ ἐφύοντα Σελήνην,  
ἀστραῖγε πλοκάμοισι περιθλίβοντα χορεάν.

Simili et statura et figura sunt Gigantes Phlegræi, quibuscum Bacchus post pugnam cum Perseo conflixisse narratur<sup>1)</sup>. Juno enim, Bacchum implacabili odio persequens, Tellurem ad Indos Terrigenas ulciscendos incitaverat, et Tellus

*ἀντογόνων θώρηξεν δριδρομα φῦλα Γηάντων.*

Ut apud Claudianum, filios fratrum cæde commemoranda et dearum conubio promittendo accedit. Gigantum commemorantur Porphyrio, Chthonius, Peloreus, Alcyoneus, Enceladus, Typhoeus. Locus pugnæ est Thracia, arma Gigantum montes sunt, crines eorum serpentes. Bacchus thyrso et hedera et tædis pugnans omnes adversarios funditus delevisset, si non sponte e proelio exiisset

*δυσμενέας ζώντας ἐῷ γενετῆρι φυλάσσων<sup>2)</sup>.*

Alio loco<sup>3)</sup>, ubi plures Gigantes thyrso Bacchi quam fulmini Jovis occubuisse dicuntur, ducenæ manus eorum commemorantur. pedes anguini nusquam. Quod poetæ antiquiores tradiderant, Typhoeum solum contra Jovem pugnasse, et quod recentiores finxerant, eum Gigantum in proelio Phlegræo socium fuisse, ita componit Nonnus, ut duos Typhones fuisse statuat, alterum majorem, cuius cum Jove bellum libro primo et secundo narrat, alterum minorem Phlegræum<sup>4)</sup>. Verbi Gigantis ambitu ita dilatato, ut omnes Terrigenas complecteretur, consentaneum est, etiam illum Gigantem appellari<sup>5)</sup>. Eadem de causa Damasen, ingens Terrigena Lydus, cuius cum maxima serpente pugna in clipeo Bacchi adumbrata erat, Gigas dicitur<sup>6)</sup>.

<sup>1)</sup> XLVIII. 1–89. — <sup>2)</sup> v. 89. — <sup>3)</sup> XXV. 87 sqq. —  
<sup>4)</sup> XLVIII 77 sqq. — <sup>5)</sup> I. 176, 220 etc. — <sup>6)</sup> XXV. 486, 499, 512.

Fragmentum Gigantomachiae Claudiani nomine inscriptum primus edidit Iriartens, deinde, qui complures locos optime emendavit et lacunas aliquot demonstravit, Köchlyus<sup>1)</sup>. Quantum video, nihil obstat, quominus carmen Græcum a Claudio poeta Latino juvēne compositum esse statuamus. Post exordium non invenustum, quo poeta in medio populo Alexandriae tanquam in inquieto mari timidus virum quendam potentem ut deum marinum fluctibus imperantem invocat, ad Gigantum bellum narrandum transit; sed belli originem et initium ingens lacuna abstulit. Itaque in medias res rapimur. Gigas quidam saxum in Jovem torturus est; sed fulmen saxum in cinerem vertit. Sol Gigantes sibi obvios radiis occæcat. Duo Gigantes sitientes humi prostrati, alter flumen, alter mare sorbent. Minerva duos hostes, alterum hasta occidit, alterum capite Medusæ in lapidem vertit. Cypris inermis in prælium it freta pulchritudine sua, cuius solus aspectus Gigantibus mortifer est. Typhoeus tridenti Neptuni et fulmini Jovis occumbit. Tum Enceladus a matre incitatus insulam cum montibus, arboribus, feris contra Jovem tollit; sed crebris fulminibus pressus in medium mare aufugit. Tum Juppiter rupem a Lycaonia terra abscissam conjicit et Gigas sub insula, quam ipse sustulerat, concidit. Wieselerus<sup>2)</sup> dubitat, Lycaonia terra Arcadiam significet an Lycaoniam Asiæ minoris. E loco Argonauticorum Orphicorum<sup>3)</sup>, ubi insularum origo inde repetitur, quod Neptunus quondam Jovi iratus Αυχαονίην γαιῆς κρηπᾶδα tridente percusserit, fortasse colligi possit, universæ terræ illud cognomen fuisse. Reliqua narrationis desunt. — In iisdem Argonauticis Gigantes Cæli et Terræ filii appellantur et auctores

<sup>1)</sup> Progr. Turic. 1851. — <sup>2)</sup> p. 144 not. 14. — <sup>3)</sup> 1284 sqq.

generis humani<sup>1)</sup>; Callimachi verba supra citata de insula triquetra Enceladi onere imitando exprimuntur<sup>2)</sup>; denique Phlegra mons est. qui solis meridiani radios a Cimmeriorum terra intercludit<sup>3)</sup>. — Etiam apud Quintum, qui saepe heroas suos cum Titanibus, Gigantibus, Typhoeo comparat, Enceladus Siciliam sustinens commemoratur, sed ita, ut modo a Jove<sup>4)</sup>, modo a Minerva<sup>5)</sup> victus esse dicatur. — In Anthologia Græca Gigantum rarissime mentio fit. In epigrammate Phædimi<sup>6)</sup>, ubi Apollo Gigantem arcu occidisse dicitur, præstat cum Meinekio<sup>7)</sup> de Porphyrione quam cum Brunckio de Pythone cogitare; etiam Tityos Terrigena significatus esse potest. In epigrammate adespoto<sup>8)</sup> Apollo, in alio<sup>9)</sup> Bacchus *Γιγαντολέπτης* vocatur. Epigramma Antipatri<sup>10)</sup>:

Ταύρου βαθὺν τένοντα καὶ σιδαρέους  
Ἄτλαντος ὄμοις καὶ κόμαν Ἡρακλέους  
σεμνὰν δ' ὑπέρναν καὶ λέοντος ὄμματα  
Μελησίων Γήγαντος οὐδὲ Ὀλύμπιος  
Ζεὺς ἀτρόμητος εἰδὲν, ἀνδρας ἥμίκαι  
πυγμὰν ἐνίκα Νικοφῶν Ὀλύμπια.

Jacobsius recte de pugile Milesio, propter vires Gigante a poeta appellato, intellexit. Quæ Witteus<sup>11)</sup>, adhibitis ineptiis Ptolemæi Chenni<sup>12)</sup> et nummis Milesiis, in quibus leo expressus est, de Leonte Gigante Milesio excogitavit, vana sunt. Restant (nam de ænigmate [XIV 28] nondum, quantum scio, explicato tacebimus) tria epigrammata de operibus humanis ingentibus, quæ a poetis Gigantum manibus con-

<sup>1)</sup> 18 sqq. — <sup>2)</sup> 1257. — <sup>3)</sup> 1129 sqq. — <sup>4)</sup> V. 641 sqq.  
cfr. Opp. Cyn. I. 273 sqq. — <sup>5)</sup> XIV. 582. sqq. — <sup>6)</sup> Anthol. Pal. XIII. 22. — <sup>7)</sup> Delect. Anthol. Græc. p. 149. — <sup>8)</sup> Anthol. Pal. IX. 525. — <sup>9)</sup> IX. 524. — <sup>10)</sup> VI. 256. — <sup>11)</sup> An-  
nal. d. Inst. arch. VI. 345 sqq. — <sup>12)</sup> V. p. 192.

fecta esse dicuntur, unum Philippi<sup>1)</sup> de portu Julio ad Putteolos ab Agrippa constructo (Cyclopum opus dicitur ab Antiphilo<sup>2)</sup>), alterum Antipatri Sidonii<sup>3)</sup> de nescio qua mole exstructa, tertium, quod superiore capite afferendum fuit, Archimeli<sup>4)</sup> de ingenti nave Hieronis regis.

Carmina de Gigantibus nunc deperdita scripserunt Scopelianus sophistes a Philostrato<sup>5)</sup> commemoratus et Dionysius quidam, e cuius libris tribus Stephanus nonnulla de locis Graeciae septentrionalis hausit. Vixit ille Trajano imperatore, hujus tempus ignotum est.

### § 3.

Gigantum fabulæ formam a poetis Graeci Latinisque temporis Romani usurpatam ad Alexandrinam proxime accedere, abunde vidimus. At prosæ orationis scriptores multa nova præbent, præcipue quod non solum, quæ poetarum scriptis divulgata erant, securi sunt, sed etiam, quæ a patribus filiis tradita passim in Graecia et in terris barbaris a Graecis occupatis in ore hominum versabantur, receperunt. Quatuor hic scriptores maximi sunt momenti, Diodorus, Strabo, Pausanias, Philostratus.

Diodorus Herculis res gestas narrans scribit<sup>6)</sup>, eum diis contra Gigantes Pallenes incolas auxilium tulisse; Jovem, prælio confecto, deos, qui affuissent, et duos mortalium mulierum filios, Herculem et Bacchum, Olympiorum nomine ornasse. De tempore prælia Diodorus et Apollodorus discrepant, ille, taurō Cretensi domito et ludis Olympiis institutis, hic, Troja

---

<sup>1)</sup> IX. 708. — <sup>2)</sup> VII. 379. — <sup>3)</sup> VII. 748. — <sup>4)</sup> Athen. V. p. 209. — <sup>5)</sup> Vit. Soph. I. 21. — <sup>6)</sup> IV. 15.

et Co captis, Gigantes victos esse, tradentes. Paucis capitibus post<sup>1)</sup>) Diodorus Timaeum sequens scribit, Herculem a Geryonis insula revertentem in campo Phlegræo agri Cumani, diis adjuvantibus, Gigantes plerosque interfecisse. In libro quinto, qui de insulis est, Rhodi rebus antiquissimis narratis addit<sup>2)</sup>), famam esse, γενέσθαι κατὰ τὸν καιρὸν τοῦτον ἐν τοῖς πρὸς ἔω μέρεσι τῆς νήσου τοὺς κληθέντας Γύγαντας. οἵτε δὴ καὶ Ζεὺς λέγεται καταπεπολεμηκώς Τιτᾶνας ἐρασθῆναι μᾶς τῶν Νομφῶν Ἰμαλίας ὀνομαζομένης καὶ τρεῖς ἐξ αὐτῆς τεκνῶσαι παιδίας. In quibus verbis mendum inesse, satis apparet. Neque enim eosdem Gigantes et statim post Titanes appellare potuit, et rursus, si iidem non sunt, omnis nexus narrationis deest. Etiam fabulam Cretensem affert<sup>3)</sup>), Jovem totum fere orbem terrarum perlustrantem latrones et impios extinxisse, aequitatem et libertatem condidisse; οἵτε δὴ φυσιν αὐτὸν καὶ τοὺς Γύγαντας ἀνελεῖν, ἐν μὲν Κρήτῃ τοὺς περὶ Μήλενον, κατὰ δὲ τὴν Φρουγίαν τοὺς περὶ Τυφῶνα. Addit, ante pugnam Cretensem Jovem soli, cælo, terræ sacra fecisse; sacra victoriam et hostium defectionem portendisse, Musæum ad Jovem defecisse. Gigantes deletos esse; etiam alias Gigantes in Pallene Macedonica et in agro Cumano propter impietatem et violentiam a Jove interemptos esse. Quæ Diodorus, ut vult, e Libyum fabulis hausta. de Ægide ignem spiranti a Minerva occisa et de Gigantibus hac de causa contra deos a Terra emissis narrat<sup>4)</sup>), supra ad locum Ionis Euripideæ commemoravimus. — Strabo, ubi de Pallene Macedonica agit<sup>5)</sup>), Ephorum sequitur, ubi de agro Cumano<sup>6)</sup>, Polybium; scribit enim, deorum et Gigantum pug-

<sup>1)</sup> IV. 21. — <sup>2)</sup> V. 55. — <sup>3)</sup> V. 71. — <sup>4)</sup> III. 70. — <sup>5)</sup> Epit. Vat. I. VII. 25. — <sup>6)</sup> V. 243.

nam prope Cumas factam esse nulla alia de causa credi, quam quod propter fertilitatem multi eam terram armis pettiissent. Paulo post tamen addit<sup>1)</sup>), nonnullos credere, agrum Cumanum, quod igne et sulphure et aquis calidis plenus est, Phlegram appellari et aquam atque ignem e Gigantum vulneribus fulmine inflictis prorumpere. Fabulam Coam, Nisyrum insulam a Co revulsam Polybotae Giganti a Neptuno injectam esse, Strabo eodem, quo Apollodorus, modo narrat<sup>2)</sup>): addit tamen, nonnullos dicere, Gigantem sub ipsa Co jacere. Prorsus nova est fabula<sup>3)</sup>), Gigantes ultimos ab Hercule victos sub Mycono insula jacere; proverbium inde, ut vult Strabo, ortum: *πάνθ' ὑπὸ μίαν Μόχονον*, paræmiographi Graeci<sup>4)</sup> de iis, qui uno judicio damnati erant, interpretantur (*ἐπὶ τῶν μιᾷ δίκῃ καταδίκασθέντων*). Nova est etiam fabula Calabrica a Strabone allata<sup>5)</sup>), qui e pugna in Phlegra Campaniæ facta superessent. Leuternios appellatos ab Hercule pulsos in regionem Italæ Salentinorum promontorio vicinam confugisse; vestigia eorum ostendere et fontem graveolentem ad oppidum Leucam et Leuterniam nomine illi litori inditum. Maxime tamen a vulgari de Gigantum internecione fabula abhorrent, quæ litoris Bospori Cimmerii incolæ narrabant<sup>6)</sup>), Venerem, quæ Phanagoriæ colebatur, Apaturum appellatam esse, propterea quod, Gigantibus deæ vim parantibus, Terræ filios singulos recipiens Herculii, quem occulto loco posuisset, necandos dolose tradidisset. Veram illius nominis originem inde repetendam esse, quod Phanagoritæ cultum Veneris cum Apaturiis, quem diem festum gentilitatis, exceptis Ephesiis et Colophoniis, omnes Iones agebant<sup>7)</sup>), conjunxerint,

---

<sup>1)</sup> V. 245 — <sup>2)</sup> X. 489. — <sup>3)</sup> X. 487. — <sup>4)</sup> I. p. 445, II. p. 605 ed. Leutsch. — <sup>5)</sup> VI. 281, cfr. (Aristot.) De mirab. ausec. 97. — <sup>6)</sup> XI. 495. — <sup>7)</sup> Herod. I. 147.

demonstrat C. O. Müllerus in Prolegomenis Mythologiae<sup>1)</sup>.

Pausanias in Arcadieis scribit<sup>2)</sup>, prope Alpheum flumen et oppidum Trapezuntem, ubi Arcadum reges olim habitabant<sup>3)</sup>, esse locum Bathos appellatum, ubi ignis e terra exeat; Arcades illic fulminibus, procellis, tonitribus sacra facere dicentes, illum esse locum prælii deorum et Gigantum, non Pallienen Tbraciam. Affert deinde tres locos Odysseæ de Gigantibus, unde colligit, Homerum eos mortales habuisse; serpentes vero Gigantibus pro pedibus fuisse, stultam fabulam esse, et aliis locis apparnisse et præcipue in Syria, ubi, derivato Oronta fluvio, arcam plus undecim cubitorum cum cadavere humano ejusdem longitudinis repartam esse; de qua re Apollinem Clarium a Syris consultum respondisse, Orontem<sup>4)</sup> repertum esse, Indum genere. Addit Pausanias, mirum non esse, si terra humida sole calefacta primos homines ediderit, Indianum maximos homines genuisse. Egregie demonstrat hic locus Pausaniae, illius tempore verbum, quod est Gigas, jam de omnibus Terræ filiis usurpatum esse. Præterea narrat Pausanias<sup>5)</sup>, Methydriensium fabulam esse, Hoplodamum et alios Gigantes in monte Thaumasio Rheæ gravidæ contra Saturnum auxilium ferre paratos fuisse; quin etiam Megalopoli in templo Æsculapii ossa ingentia unius illorum Gigantum ostendi<sup>6)</sup>; denique in pago Manthurensium prope Tegeam Minervam equestrem appellatam esse, quod in prælio Gigantum equos suos in Enceladum immisisset<sup>7)</sup>. — Cum Pausania de Gigantibus optime consentit Philostratus. Nam Apollonium Tyanensem dicentem inducit<sup>8)</sup>, sibi persuau-

<sup>1)</sup> p. 401. — <sup>2)</sup> VIII. 29. — <sup>3)</sup> Paus. VIII. 5. 4. —

<sup>4)</sup> Orontes a Nonno sæpe commemoratur. — <sup>5)</sup> VIII. 32. 5, 36. 2. — <sup>6)</sup> VIII. 32. 5. — <sup>7)</sup> VIII. 47. 1. — <sup>8)</sup> Vit. Ap. Tyan. V. 16.

sum esse, Gigantes quondam fuisse; documento enim esse, quod in multis terris talia corpora, ruptis sepulchris, appareant. Eandem sententiam copiosius exponit Philostratus in Heroicis<sup>1)</sup>, ubi rusticum Chersonesi Thraciae incolam narrantem facit, suis temporibus, fissa Orontae ripa, Aryaden quendam aut Indum aut Aethiopem apparuisse; Sigenum promontorium corpus Gigantis duo et viginti cubitos longum ostendisse, de quo Apollinem respondisse, se ipsum Trojam defendantem eum occidisse; in Co insula reperto cadavere duodecim cubitorum, Protesilai oraculum peregrinum obtegere jussisse, esse eum Gigantem τῶν βεβλημένων; Lemni et Imbri alios Gigantes repertos esse; in insula Co Meropum Terrigenarum, in Thessalia Aloidalum, Neapoli, ubi multi Gigantes sub Vesuvio jacere dicantur, Alcyonei ossa ostendi; denique in Pallene, Phlegra poetarum, multa Gigantum corpora et imbribus et terrae motibus nudari et sub terra fremitum larvarum audiri; quin Herculem ipsum, ne quis de corporibus stataram humanam longe superantibus dubitaret, ossa Geryonis Olympiae in templo Jovis posuisse. Etiam heroas ingenti magnitudine, Orestem, Ajacem, alios, repertos esse, commemorat Philostratus. In Imaginibus<sup>2)</sup> tabulam describit, in qua pictus fuit Gigas insula obrutus et ignis fluvios ore emittens, Juppiter fulmina conjiciens, Neptunus insulam tridente concutiens. Addit, Typhoeum sub Sicilia, Enceladum sub Italia sic nondum mortuos, sed semper morientes jacere narrari. Alius locus<sup>3)</sup> ostendit, ei etiam fabulam de Encelado sub Aetna animam agente notam fuisse.

Cæterorum scriptorum Stephanus Byzantinus non paucas Gigantum sedes commemorat<sup>4)</sup>. De Pallene auctorita-

<sup>1)</sup> 668—71. — <sup>2)</sup> II. 17. — <sup>3)</sup> Vit. Ap. Tyan. V. 16. — <sup>4)</sup> s. v. Ηαλλήνη, Ἀλμωπία, Ἰσπανία, Ἀρκαδία, Βεσβύδιον, Δαμασκός.

tem sequitur Theagenis, qui in Macedonicis Ephori modo narraverat, Gigantes, populum superbum et inhumanum, illius pæninsulæ incolas, ab Hercule deletos esse. Theagenis proprium est, fabulam de diis Herculi opem ferentibus inde ortam esse, quod inter ipsum prælii tempus fulmina verit et tonuerit<sup>1)</sup>). De Almopia, Macedoniae parte, et de Hispania habet Stephanus, illam ab Almope, hanc ab Hispano Gigantibus nomen traxisse. Inter nomina Arcadiæ etiam Gigantida affert, quum Hesychius<sup>2)</sup> et Etymologici Magni auctor<sup>3)</sup> Lyciam Gigantium et incolas primos Gigantes appellant. E libro primo Agathoclis de Cyzico Stephanus affert, hanc urbem, a Proserpina conditam, Gigantis nomen habere; præterea, Gigantibus quondam Rhyndaci fluvii ostium saxis claudere conantibus, Proserpinam, Cyzico timentem, saxa illa medio mari fixisse; ita Besbicum insulam ortam esse, ubi postea deam una cum Hercule Gigantes reliquos (num, qui e pugna Phlegræa effugerant?) occidisse. Denique de Damasco narrat Stephanus, Ascum Gigantem una cum Lyurgo Bacchum vinctum in flumen conjecisse; Mercurium, liberato Baccho, Asco cutem detraxisse; urbem victi Gigantis nomen servare. Quocum comparari potest, quod Procopius Cæsareensis apud Tzetzem<sup>4)</sup> Damascum Δαμασκόποιον κατὰ Γιγάντων appellat, et quod Pausanias Damascenus<sup>5)</sup> prope vicinam Antiochiam Gigantes ab irato deo in lapides conversos monstrari et Pagram Gigantem in eadem regione fulmine ictum esse narrat. — Ad Hispaniam Gigantum prælium refertur etiam in Scholiis Iliadis<sup>6)</sup>, ubi Gi-

<sup>1)</sup> cfr. Eusth. ad Dionys. v. 327. — <sup>2)</sup> s. v. *Γιγαντία*. —

<sup>3)</sup> s. v. *Γιγαντία* et Bekker Anecd. I. p. 232. — <sup>4)</sup> ad Lycophr. v. 688. — <sup>5)</sup> Müller. Fragm. hist. Græc. IV. p. 469. — <sup>6)</sup> ad II. VIII. 479.

gantes propter Saturnum regno pulsum irati Tartessi magnum contra Jovem bellum movisse dicuntur; Jovem victis et in Tartarum conjectis Saturnum regem dedisse; Ophioni tamen, Gigantum maximo, Ophionium montem imposuisse. In qua narratione mira Titanes et Gigantes confusos esse, et aliis vestigiis apparet et eo, quod Justinus<sup>1)</sup> Tartessianorum saltus Titanum strage claros commemorat. Eadem Scholia<sup>2)</sup> narrationem non minus miram de Polydora, sorore Achillis, quæ in Iliade Sperchio fluvio Menesthium peperisse dicitur, afferunt. Scholiastes Homero doctior scit, non Sperchium, sed Pelorem Gigantem, qui se fluvio illo abdidisset, Menesthii patrem fuisse. Idem Gigas postea Neptunum fugiens in Sperchium insiluisse et vulnere, quod aversus accepisset, mortuus esse dicitur. — Mimantem promontorium Erythræum Scholiastes Odysseæ<sup>3)</sup> Gigantis nomine appellatum esse tradit. — De Pallene, Gigantum sede antiquissima, Solinus<sup>4)</sup> eadem fere atque Philostratus habet et præterea, ingentia saxa illic sparsa Gigantum belli vestigia esse. — Denique de Campania Dio Cassius tradit<sup>5)</sup>, Vesuvio Tito imperante incenso, multos credidisse, Gigantes contra deos arma movere; nam effigies eorum in fumo conspectas et tubas auditas esse et ante cladem illam multos ingenti statura homines et in monte et in regione vicina et in aere apparuisse.

Præter novas Gigantum sedes scriptores temporis Romani etiam alia nonnulla nova suppeditant. Quod apud Lucianum<sup>6)</sup> dii, Gigantum timore perculti, in Ægyptum fugiunt et animalium formas induunt, sumptum est e fabula Typhoei<sup>7)</sup> jam Gigantis. — Aristides, unus e paucis scriptoribus Græcis, qui

---

<sup>1)</sup> XLIV. 4. 1. — <sup>2)</sup> ad II. XVI. 174—76. — <sup>3)</sup> ad Od. III. 172. — <sup>4)</sup> IX. 6—7. — <sup>5)</sup> LXVI. 22. — <sup>6)</sup> Saer. 14. — <sup>7)</sup> Pind. fr. 68 (61).

Gigantum pedes anguinios commemorant, Minervæ pæne totam victoriae gloriam tribuit<sup>1)</sup>. — Apud Paroemiographos Græcos<sup>2)</sup> sextus dies faustus esse dicitur, propterea quod Gigantes illo die a diis victi esse dicantur. — In Scholiis Iliadis<sup>3)</sup> traditur, originem nominis Herculis inde rep̄etendam esse, quod novercæ clamore vocatus Porphyronem occiderit; quam rem jam Apollodorum in fontibus suis invenisse, suspicamur. — Servins tradit<sup>4)</sup>, Bacchum, victis Gigantibus, Naxi triumphasse. — Plutarchus<sup>5)</sup> animalia prorsus immania et prodigiosa, luna in Gigantum prælio a solito cursu deflectente, orta esse scribit. — At Dio Chrysostomus<sup>6)</sup> tanquam opinionem vulgo acceptam commemorat, genus humānum a Titanibus aut Gigantibus ortum esse. — Constat, grammaticos fabulas Græcas perscrutatos esse, ut animalia, quorum vocabulis astrologi in describendo cælo signa appellaverant, invenirent. Fabulas, quum bestias, quibus opus esset, non semper præberent, interdum, ut cælo accommodarentur, mutatas esse, admodum verisimile est. In libello, qui Eratosthenis *Καταστέρισμος*: falso inscribitur, Jupiter in Gigantum prælio capræ, quæ eum nutrisset, pelle tectus fuisse, capra postea inter sidera posita esse dicitur<sup>7)</sup>; præterea Bacchum, Vulcanum, Silenos, Satyros contra Gigantes asinis vectos esse, Gigantes asinorum voce perterritos fugisse, asinos victores esse sidus asellorum prope cancrum<sup>8)</sup>. Addit Hyginus<sup>9)</sup>, qui eadem affert, alias credere, Tritonis concham illius terroris lymphatici causam fuisse. Præterea Hyginus<sup>10)</sup> habet, serpentem ursorum vicinam a

<sup>1)</sup> Minerv. 10—11. — <sup>2)</sup> I. p. 401. ed Leutsch. — <sup>3)</sup> ad II. XIV. 323. — <sup>4)</sup> ad Aen. III. 125. — <sup>5)</sup> Quæst. conv. VIII. 9. — <sup>6)</sup> or. XXX. p. 556 R. — <sup>7)</sup> Catast. 13. — <sup>8)</sup> ibid. 11. — <sup>9)</sup> Poet. Astron. 23. — <sup>10)</sup> ibid. 3.

Gigantibus in Minervam, a Minerva ad polum cæli conjectam esse. — Nomina Gigantum a Tzetze<sup>1)</sup> triginta quatuor, ab Hygino<sup>2)</sup> viginti quatuor, a Scholiasta Hesiodi<sup>3)</sup> sex enumerantur. Quæ unde sumpta sint, dijudicari non potest; sed quum Otus, Ephialtes, Typhoeus, Ægæon in catalogo Tzetzæ, Otus, Ephialtes, Cœus, Astræus, Iapetus in catalogo Hygini inveniantur, sine dubio statuere licet, illos catalogos Alexandrino tempore antiquiores non esse. Sex nominum, quæ Scholiastes Hesiodi affert, quatuor ei cum Apollodoro communia, duo, Phruttus (Bentleius<sup>4)</sup>) Rhœtus vult) et Obrimus, nova sunt. — Scholiastas magis etiam quam poetas Titanes et Gigantes confudisse, mirum non est. Exempla præbent Servius<sup>5)</sup>), qui Bacchum a Gigantibus dilaceratum esse tradit, et Scholiastes Iliadis<sup>6)</sup>), qui Atlantem unum e Gigantibus appellat. — Ad ultimos inscientiae fines procedunt Mytographi Vaticani a Majo editi. qui non modo Atlantem caeterosque Titanes cum Gigantibus confundant<sup>7)</sup>), sed etiam reliquos deorum inimicos, Tantalum, Tityum, Ixionem Gigantes appellant<sup>8)</sup>), Enceladum et Briareum eundem habent<sup>9)</sup>), Terram, id est Cererem, ob sui et Tantali derisionem iratam Titanes et Gigantes ex se contra Saturnum et postea contra Jovem genuisse narrent<sup>10)</sup>). Reconditam doctrinam hic latenter Wieselerus sibi habeto. Ne Ptolemæi quidem Hephaestionis viro doctissimo fabellis invidemus. Videtur enim etiam qui Hercheri de hoc scriptore libellum<sup>11)</sup> non legerit, tamen suo Marte intelligere debere. Ptolemæum

<sup>1)</sup> Theogon. v. 87 sqq. — <sup>2)</sup> Fabul. (in stemmate deorum). — <sup>3)</sup> ad Theogon. 185. — <sup>4)</sup> ad Hor. Od. II. 19. 23. — <sup>5)</sup> ad Georg. I. 166. — <sup>6)</sup> ad II. XVIII. 486. — <sup>7)</sup> II. 53. — <sup>8)</sup> I. 12, 13, 14. — <sup>9)</sup> II. 53. — <sup>10)</sup> I. 11. — <sup>11)</sup> Ueber d. Glaubwürdigkeit d. Neuen Geschichte d. Ptolemæus Chennus. Leipz. 1856.

non grammaticum esse veras fabulas ex abditis fontibus colligentem, sed hominem aut jocosum aut potius improbe mendacem sua ipsius stulta inventa pro genuinis fabulis venditantem. Exempla duo, unde cætera cognoscantur, e narrationibus ejus de Gigantibus afferam: moly herbam in Odyssea commemoratam ortam esse e sanguine Gigantis, qui insulam Circes aggrediens a Sole Circæ opem ferenti interfecitus esset; nomen herbæ a pugna derivatum esse, album floris colorem Soli deberi<sup>1)</sup>. Altera narratio hæc est<sup>2)</sup>: Thetidem sex filios, quos peperisset, paulatim concremasse; Achillem, septimum, quum flamma dextrum talum ejus jam consumisset, a Peleo servatum esse; tum Chironem, cadavere Damysi, Gigantis celerrimi, in Pallene effosso, hujus talum in pedem Achillis inseruisse; quod postea Achilli mortis causam fuisse; nam quum Apollo eum ad Trojam insequeretur, fuggienti os suppositum excidisse.

Praeter interpretationem fabulæ nostræ a Theagene propositam afferenda est sententia Cornuti philosophi<sup>3)</sup>, victoriam deorum et cladem Gigantum de moribus rudibus et insociabilibus hominum primorum a diis in melius mutatis intelligendas esse. Quæ Varro<sup>4)</sup> excogitavit, tam mira sunt, ut ipsius verba afferam: „in diluvio aliquos in montes confusisse cum utensilibus, qui lacessiti postea bello ab his, qui de aliis veniebant montibus, facile ex locis superioribus vicerunt; unde factum est, ut dii superiores dicerentur, inferiores vero terrigenæ; et quia de humillimis reptabant ad summa, dicti sunt pro pedibus habuisse serpentes”. Etiam verba Macrobii<sup>5)</sup> integra appono: „Gigantas autem quid aliud fuisse,

---

<sup>1)</sup> IV. p. 190. Westermann. — <sup>2)</sup> VI. p. 195. — <sup>3)</sup> De nat. deor. XX. p. 115 Osann. — <sup>4)</sup> ap. Serv. ad Aen. III. 578. — <sup>5)</sup> Sat. I. 20. 8—9.

credendum est quam hominum quandam impiam gentem deos negantem et ideo aestimatam deos pellere de cælesti sede voluisse? Horum pedes in draconum volumina desinebant: quod significat, nihil eos rectum, nihil superum cogitasse, totius vitæ eorum gressu atque processu in inferna mergente.“

Monumenta artis temporis Romani, opus statuarium urum, cælata nonnulla, nummos aliquot, gemmas permultas, inter quas est opus admirabile Athenionis, quia ad fabulam cognoscendam nihil novi præbent, hic prætereunda esse, putamus. Accurata cognitio eorum optime adjuvatur iis, quæ Wieselerus collegit et disputavit<sup>1)</sup>.

---

<sup>1)</sup> p. 157--167.

## DE GIGANTIBUS FABULARUM TOPI- CARUM.

### § 1.

**L**oca, ubi Gigantes aut vixisse aut superati esse aut mortis vestigia reliquisse a scriptoribus narrantur, sunt Pallene, Pelagonia, Almopia, Athos, Sperchei ripa, Sicyonia, Arcadia, Lemnos, Imbros, Myconos, Creta, Rhodos, Cos, Lycia, Mimas, Sigeum, Phrygia, Lydia, Cyzicus, Syria, Phanagoria, Campania, Fregellæ, Leuternia, Pitheciæ, Sicilia, Hispania (Tartessus). Quorum in plerisque fabulas topicas, quas scriptores secuti sint, fuisse, etsi solus Pausanias, ubi de Gigantibus Arcadicis scribit, se Arcadum narrationes referre affrat, certum haberi potest. Nihilo minus si quis propter multitudinem locorum enumeratorum credat, jam antiquitus Gigantum fabulam in tot terris et insulis tamquam radices egisse, vehementer erret. Nam de sola Pallene testimonium Alexandri tempore antiquius exstat, Pelagonia, Athos, Cos, Campania, Sicilia, Pitheciæ Alexandrinis, cætera loca omnia Romanis demum temporibus commemorantur. Deinde, quod gravius est, in non paucis illorum locorum Gigantum fabula alii antiquiori aperte successit. Scimus, Pherecydem<sup>1)</sup> Typhoeum Pitheciæ oppressum esse scripsisse, et inter

---

<sup>1)</sup>) Fragm 14 ap. Müllerum.

omnes constat, apud *Æschylum*<sup>1)</sup> *Ætnam*, apud Pindarum modo<sup>2)</sup> *Ætnam* solam, modo<sup>3)</sup> *Ætnam* atque τὰς ὑπὲρ Κύμας ἀλεφέας ὄχθας, id est Campaniae colles, eundem deorum adversarium premere. Etiam in Phrygia Gigantum fabulam narrationem de Typhoeo antiquiore loco movisse, Diodori verba<sup>4)</sup> demonstrare nobis videntur. Apud Sicyonios quoque duas de carbonibus, quos Asopus ferebat, fabulas fuisse, supra<sup>5)</sup> vidimus; quarum, si ætatem testimoniorum sequaris, illa de Gigantibus a Statio tradita recentior est. Etiam de Cyzicenis Gigantibus, quos Rhyndaci ostium obstruere voluisse, Stephanus<sup>6)</sup> solus narrat, non nihil dubitamus. Nam Apollonius<sup>7)</sup>, qui similem fabulam tradit, quum Argonautæ ad Cyzicum appulissent, Terrigenas vicinæ pæninsulæ habitatores senis brachiis præditos, quum Cyzici portum obstruere conarentur, ab Hercule et Argonautis interemptos esse, Gigantum nomine non utitur, et Scholiastes ejus<sup>8)</sup> illa monstra θεσσαλοὺς Ἐγχειρογάστορας appellat. Verisimile est igitur, Gigantes apud Stephanum secundum usum loquendi recentiorem Terræ filios significare. Fabulas etymologicas, quibus Stephanus<sup>9)</sup> Almopiae et Hispaniae, Scholiastæ Homeri<sup>10)</sup> Sperchei fluminis et Mimantis montis nomina interpretantur, vix quisquam inter antiquas referet. Wieselerus<sup>11)</sup>, etsi fabulam de Pelore Gigante, quem Neptunus in Sperchei ripam persecutus sit, non novit, nihilo minus, propterea quod Thessali Jovem Pelorum colebant, de Pelore aliquo Gigante fabulam fuisse, recte colligit. Etiam fabula Sicula a Nonno tradita<sup>12)</sup>, in Poloro promontorio Gigantem olim habitasse.

<sup>1)</sup> Prometh. 363 sqq. — <sup>2)</sup> Ol. 4. 6. — <sup>3)</sup> Pyth. 1. 15. sqq. — <sup>4)</sup> supra p. 63. — <sup>5)</sup> p. 57. — <sup>6)</sup> supra p. 67. — <sup>7)</sup> Argon. I. 941 sqq. — <sup>8)</sup> ad I. 989 — <sup>9)</sup> supra p. 67. — <sup>10)</sup> supra p. 68. — <sup>11)</sup> p. 175. — <sup>12)</sup> supra p. 58.

sine dubio ad promontorii nomen explicandum facta est. Fabulæ Syriacæ<sup>1)</sup> aut barbaræ originis, aut, si Græcæ, recentioris ætatis sunt. Fabulæ Fregellana<sup>2)</sup> et Calabrica<sup>3)</sup> sine dubio tum demum, quum de Gigantibus in Campania victis narrari cœptum esset, ortæ sunt. Quæ Philostratus<sup>4)</sup> de ingentibus ossibus in Sigeo, Imbri, Lemni repertis tradit, etiam secundo post Christum sæculo tales narrationes existisse, ostendunt. Quibus omnibus consideratis, apparet, e magno illo numero locorum pauca restare, in quibus jam antiquitus fabulas topicas de Gigantibus fuisse, cum aliqua veri similitudine suspicari possimus. Restant præter Pallenæ Pelagonia, Athos, Arcadia, Myconos, Creta, Rhodos, Cos, Lycia, Lydia, Phanagoria.

Ut Gigantum fabulam alias fabulas loco movisse vidi-  
mus, sic ipsam interdum victam cessisse, per se verisimile  
est, et landandus est Wieselerus, qnod mythologiam Græcam  
ad vestigia Gigantum latentia invenienda perscrutatus est.  
Sed doctrina, quæ ei maxima est, abutens tanta audacia et  
temeritate disptavit, ut, quæ vera vel probabilia invenit,  
inter aliena, dubia, perversa, quæ collegit et excogitavit, pæne  
delitescant. Exemplo sint, quæ de Gigantibus Argolicis dis-  
putavit<sup>5)</sup>. Eurymedonem illum, quem Homerus Gigantum  
regem appellat, in fabula Argolica deprehendisse sibi vide-  
tur; Perseum enim, Danaæ filium, ipsum illum Eurymedon-  
tem esse. Miram profecto et inauditam et gravissimis argu-  
mentis firmandam sententiam! Wieselerus sic ratiocinatur:  
Eurymedonem, quem Euphorio Junonem virginem compres-  
sisse narrat, non diversum esse a Porphyrione illo in pugna  
Gigantum Junoni vim inferenti; Perseum porro a poetis

<sup>1)</sup> supra p. 67. — <sup>2)</sup> supra p. 57. — <sup>3)</sup> supra p. 64. —

<sup>4)</sup> supra p. 66. — <sup>5)</sup> p. 168—69 et 171.

Alexandrinis<sup>1)</sup> Eurymedontem appellari, et Cyclopes Lyrios, quorum patria olim Gigantia appellata sit, ministros ejus fuisse<sup>2)</sup>; ergo Perseum, Eurymedontem, Porphyronem tria nomina ejusdem personæ esse; præterea C. O. Müllerum<sup>3)</sup> recte suspicatum esse, Perseum Argolicum, Persen Titanem, Hecatæ patrem, Persen Solis filium, Æletæ et Circes fratrem, eundem esse. Denique, ne nominibus solis res conficiatur, addit, Perseum cum Cyclopibus solem et fulmen, Porphyronem, unde nomen acceperit, flammarum et fulmen significare. Quæ interpretationes quam perversæ sint, vix opus est monere. Neque enim Gigas, Terræ filius, fulmine occisus, cælesti fulmen significare ullo modo potest, neque Cyclopibus quidquam cum sole est; nam, ut hoc solum virum doctissimum admoneam, solem unum esse, constat, Cyclopes plures. Perseus num sol sit, valde dubium est. Sed sit sane. Igitur Porphyrio quoque sol est. Igitur sol in pugna Phlegræa in Tartarum conjectus est. Absurdiora vix cogitari possunt. Deinde quid audacius est quam Eurymedontem, deorum hostem, Junonis violatorem, cum Perseo confundere, qui, diis adjuvantibus, res maximas gesserit, et de quo hoc solum impium narretur<sup>4)</sup>, eum Junonis amicitia commotum contra Bacchum arma movisse? — Præterea Wieselerus fabulam Argolicam de Danaidibus ad Gigantum fabulam proxime accedere putat; nam et Ægypti filios a Danaidibus eum Minerva arte conjunctis necatos cum Gigantibus a Minerva occisis apte comparari posse, et in catalogis Ægyptidarum apud Apollodorum<sup>5)</sup> et Hyginum<sup>6)</sup> com-

<sup>1)</sup> Appollon. Argon. IV 1512, Euphor. fr. 16 et 67 Meineke.

— <sup>2)</sup> Pherecyd. fr. 26 Müller. — <sup>3)</sup> in Gerhard. Hyperb-Röm. Studien. I. p. 287. — <sup>4)</sup> Paus. II. 20. 4, 22. 1, 23. 7, Nonn. XLVII. 475 sqq. — <sup>5)</sup> II. 1. 5. — <sup>6)</sup> Fab. 170.

plura nomina, quæ alibi Gigantibus tribuantur, occurrere. Verum illa fabularum similitudo perexigua est, neque hæc nominum convenientia ullius momenti esse potest. Nam ex Ægyptidarum nominibus uno et quinquaginta ab Apollo-doro allatis septem tantum, e septem et quadraginta apud Hyginum quinque tantum nomina Gigantum inveniuntur, et, quod animadvertisendum est, ex his undecim nominibus (unum enim apud utrumque scriptorem invenitur) quatror tantum, Enceladus, Hippolytus, Ephialtes, Clytus (Clytius), ad nobiliora Gigantum nomina pertinent, reliquorum Asterius in fragmento Pepli Aristotelici, Chthonius apud Nonnum, Obri-nus apud Scholiasten Hesiodi, Alcis (Aleeus), Ægius (Ægeus), Argius, Bromius (Bremes) apud Tzetzen demum occurrunt. Talem nominum consensum, non est, cur miremur; mirum esset potius, si in tanto Ægyptidarum violentorum nominum numero nulla reperirentur, quæ de Gigantibus quoque usurpata essent. — Quod inter Gigantes Tzetzæ Panoptes quidam est, quem ab Argo Ionis custode diversum non esse, Wieselero facile concedimus, nihil aliud ostendit quam, quod jam supra vidimus, scriptores temporum recentiorum omnes Terræ filios Gigantes appellasse. Quod propter lacum Alcyoneum prope Lernam situm Wieselerus Alcyoneum Gi-gantem in fabulis Argolieis fuisse suspicatur, vix dignum est, quod commemoretur.

Atticam suos Gigantes habuisse, C. O. Müllerus ostendere conatus est in docta et eleganti dissertatione, quæ inscribitur „Die erhobenen Arbeiten am Friese des Pronaos vom Theseustempel zu Athen, erklärt aus dem Mythus von den Pallantiden“<sup>1)</sup>), ubi Pallantidarum fabulæ duas for-

---

<sup>1)</sup> Gerhard. Hyperb.-Röm. Studien. I. p 276—96.

mas fuisse, suspicatur, alteram recentiorem et historicam a Plutarcho<sup>1)</sup> servatam: quum Theseus Trœzene Athenas venisset, Pallantis, Ægei fratri, filios spe regni dejectos bellum parasse; Theseum, cui præco consilia eorum prodidisset, partem eorum in insidiis, ubi se occultassent, oppressisse; cæteros, quorum dux ipse Pallas esset, diffugisse; alteram antiquiorem et mythicam, quæ ex Attica in Pallenæ Thraciam immigrasset, de Gigantibus a Minerva viciis. Antiquioris fabulæ vestigium Müllerus in fragmento Ægei Sophoclis servatum esse putat, ubi Pallas ὁ σκληρὸς καὶ Γίγαντας ἐκτρέψων ab Ægeo dicitur. Sed verbum ἐκτρέψων ostendit, Gigantes illos filios Pallantis esse, et Pallas etiam apud Sophoclem Ægei frater est. Apparet, Ægeum fratri filios metaphorice tantum ad violentiam eorum significandam Gigantes appellare potuisse; cuius usus exempla Æschylea et Lycophronea supra vidimus. Itaque apud Sophoclem eadem fabulæ forma atque apud Plutarchum invenitur. Vix majorem probandi vim habent, quæ Müllerus de opere cælato disputat, quod prælium virorum partim solitis armis, partim lapidibus pugnantium exprimens in parte orientali zophori est, qui Thesei templi cellam ornat<sup>2)</sup>). Quamvis enim, qui hic superantur, Pallantidæ sint, quod perdubium esse, demonstravit Ulrichsius<sup>3)</sup>, qui prælium Atheniensium cum Eurystheo agnoscit, etiam artifex formam fabulæ recentiorem expressisse dicendus est. Neque enim antiquioris neque recentioris artis Gigantibus similes sunt, qui a Mültero Pallantidæ habentur, neque deorum spectantium tres Gigantibus faventes ab artifice expressi essent. Tertium Mülleri argumentum est ratio, quæ in compluribus aliis fabulis Minervæ

<sup>1)</sup> Thes. 13. — <sup>2)</sup> C. O. Müller Denkmäler. d. a. K. I. tab. 21—22. — <sup>3)</sup> Reisen II. p. 135 sqq.

cum Pallante aliquo vel Pallade intercedit. Nam et in Gigantum prælio apud Apollodorum Minerva Pallantem occidit, occisum eute spoliat, et quintam Minervam Pallantem patrem virginitatem suam violare conantem interemisse, Cicero<sup>1)</sup> scribit, et Pallas Titan apud Hesiodum<sup>2)</sup> Victoriam, quam a Minerva separari posse, Müllerus negat, e Styge procreat, et Pallas, Pallantii Arcadici conditor, a Dionysio Halicarnassensi<sup>3)</sup> Chrysæ, quæ a Minerva non diversa esse videtur<sup>4)</sup>, pater dicitur, et apud Apollodorum<sup>5)</sup> Palladem, Tritonis filiam, quacum educabatur, Minerva invita interficit. Colligit igitur Müllerus, Pallantem et Pallantidas Atticos, quos incolæ Pallenes pagi, ubi inclytum Minervæ templum erat, sibi vindicabant, in antiquiore fabula artius cum dea conjunctos fuisse. Admodum verisimilia haec esse, non negabimus; sed cum Müllero longius progredi et de Pallantidis Gigantibus Atticis et de Gigantum fabula ex Attica in Pallenen Thraciam ab Eretriensibus portata conjecturas facere audacissimum videtur.

## § 2.

Admodum memorabile est, quod a Pausania discimus, Arcades affirmasse, prælium deorum et Gigantum non in Pallene Thracia, sed in loco agri Megalopolitani, ubi flamma e terra exiret, factum esse. Qui locus. Bathos appellatus, quoniam Trapezunti, ubi Lycaon et filii fulmine interempti esse dicebantur, proximus erat, et quoniam Lycaon e san-

<sup>1)</sup> De nat. deor. III. 23. 59. — <sup>2)</sup> Theog. 383 sqq. —

<sup>3)</sup> Antiq. Rom. I. 68, cfr. 61, 62, 33. — <sup>4)</sup> Welcker Gr. Götterlehre I. p. 308. — <sup>5)</sup> III. 12. 3.

guine cæsorum Gigantum natus esse ab Ovidio dicitur, suspicio oriatur necesse est, fabulas Gigantum et Lycaonis artiore quodam vinculo conjunctos esse. Quæ conjunctio a Wieselero solo animadversa <sup>1)</sup> ut cognoscatur, narrationes de Lycaone accuratius considerandæ sunt. Ipse Pausanias <sup>2)</sup> tradit, Lycaonem, Pelasgi filium, patris exemplo rudem vitam primorum hominum cultiorem reddidisse; nam et Lycosuram, oppidum omnium antiquissimum, eum condidisse et Jovem Lycaeum appellasse et ludos Lycaeos instituisse; sed quum puerum immolasset et aram Jovis sanguine humano conspersisset, regem statim in lupum couversum esse. Quod summam fabulæ attinet, non multum a Pausania dissidet Ovidius <sup>3)</sup> narrans, Lycaonem crudelem et impium regem fuisse; Jovem ad animum ejus explorandum tectum regis subiisse; tum Lycaonem, ut experimento disceret, utrum deus an homo esset hospes, obsidis Molossi trucidati membra partim cocta, partim tosta ei apposuisse; Jovem fulmine in regiam conjecto Lycaonem in lupum mutasse, deinde omnem gentem humanam praeter Deucalionem et Pyrrham inundatione delevisse. Pausaniam et Ovidium complures scriptores recentissimi <sup>4)</sup> sequuntur, quorum nonnulli <sup>5)</sup> puerum mactatum Nyctimum filium, alii <sup>6)</sup> Arcadem nepotem Lycaonis fuisse scribunt. Non magnam hucusque inter fabulas, quas comparamus, convenientiam esse, satis appetet; verum etiam hoc facile perspicitur, Lycaonis fabulæ formam, quam adhuc vidimus, sibi ipse et iis, quæ de cultu Jovis Lycae scimus, vehementer repugnare. Neque enim, qui mores populi sui

---

<sup>1)</sup> p. 172—173. — <sup>2)</sup> Paus. VIII. 2. — <sup>3)</sup> Met. I. 210 sqq.  
— <sup>4)</sup> cfr. H. D. Müller. Mythologie der griechischen Stämme II. p. 83 sqq, ubi omnia accurate collecta sunt. — <sup>5)</sup> Serv, Arnob, Clem. Alex, Nonn. — <sup>6)</sup> Hygin, Erat. Catast.

mitigaverit et cultum provexerit, impio facto deorum iram excitare convenit, neque Arcades, si a majoribus accepissent, Jovem a Lycaonis mensa abhorruisse, Lycaonis nefarium facinus non modo Platonis et Theophrasti, verum, ut videtur, etiam Pausaniae temporibus tenere<sup>1)</sup> ausi essent. Eo magis igitur necesse est formam fabulæ antiquiore ab Apollodoro<sup>2)</sup> servatam considerare. Qui narrat, Lycaonem quinquaginta filios superbos et impios genuisse; quorum ad impietatem cognoscendam quum Jupiter pauperis hominis forma simulata advenisset, illos Mænalo fratribus maximo auctore filium Arcadis hominis mac-tasse et exta humana sacris dapibus (*τοῖς ἵποῖς*) admixta hospiti proposuisse; Jovem, mensa eversa et Lycaone cum cæteris filiis occiso, Nyctimo natu minimo pepercisse; Terram enim sublatis manibus et dextra Jovis prehensa iram ejus sedasse; Nyctimo regnante diluvium Deucalionis evenisse, ut nonnulli crederent, propter Lycaonidarum impietatem. Cum Apollodoro congruunt fere Nicolaus Damascenus<sup>3)</sup>, Hyginus<sup>4)</sup>, Tzetzes<sup>5)</sup>, quorum hic quoque Nyctimum mac-tatum esse narrat. Apparet igitur, antiquiores Lycaonem innocentem ruina filiorum sceleratorum in perniciem tractum esse ereditasse; præterea illa de Lycaone in lupum converso recentioris originis esse. Quo magis verba *λύκαων* et *λύκαος* cum Curtio<sup>6)</sup> et Welckero<sup>7)</sup> a radice *ΛΥΚ* in „lux“ Latinorum et in nonnullis vocabulis Græcis servata derivanda est. Jovem Lyceum lucis deum fuisse, etiam eo confirmatur, quod ara ejus in summo monte Lyceo erat, quod ad hanc aram ad orientem solem versus duæ columnæ erant

<sup>1)</sup> K. F. Hermann Gottesdienst. Alterth. § 27 2 et 5. —

<sup>2)</sup> III. 8. 1. — <sup>3)</sup> fr. 43 ap. C. Müllerum; cfr. Suidas v.

*λύκαων*. — <sup>4)</sup> Fab. 176. — <sup>5)</sup> ad Lycophr. v. 481. — <sup>6)</sup> Gr.

Etym. I. p. 130. — <sup>7)</sup> Gr. Götterlehre I. p. 476.

aureas aquilas sustinentes, quod denique, qui ἀβατον ejus intrasset, umbram amittere putabatur<sup>1)</sup>. Sed restat etiam in Apollodori narratione difficultas sacrificii humani in cultu sollemnis, in fabula a deo severissime puniti. Quae difficultas vix tolli posse videtur, nisi statuimus, genuinam et Arcadicam fabulæ formam eam esse, quam Pausanias sine dubio in ipso fabulæ loco audivit, Jovem ad Trapezuntē Gigantes superasse. Cæteræ narrationes extra Arcadiæ fines apud alios Græcos, qui Lycaeæ sacrificia inhumana et detestabilia habuerint, ortæ esse videntur. Neque difficile est intelligere, qua de causa Lycaon et sacrificia illa crudelia in fabulam de Gigantibus inserti sint. Nam sicut nomen Lycaonis prave derivatum narrationis de rege in lupum converso origo fuit, sic omnia illa, quæ de mensa humana carne foedata narrantur, e cærimonīis vicini montis sumpta esse videntur ad nomen Trapezuntis explicandum. Nam Græcos sine dubio fugerat, illud nomen ea de causa oppido inditum esse, quod, ut Trapezus Pontica<sup>2)</sup>, in monte situm erat mense formam ostendenti<sup>3)</sup>. Quod Pausanias in ipsa Arcadia de Lycaone in lupum converso audivit, opinioni nostræ non obest; neque enim mirum est, si novæ fabulæ formæ, a poetis celebratæ et toti Græciæ traditæ, etiam in abditam patriam ejus penetraverunt.

Quæ H. D. Müllerus<sup>4)</sup> de Lycaone et Lycaonis filiis scripsit, etsi perversissima sunt, tamen quia Müllerus solus illam fabulam diligentius tractavit, omnino præterire non possumus. Statuit hic mythologus neque doctrina neque

---

<sup>1)</sup> Paus. VIII. 38. — <sup>2)</sup> Ritter Erdkunde. VIII. 879, Barth Reise von Trapezunt nach Skutari p. 5. — <sup>3)</sup> Curtius Peloponnesos. I. p. 305. — <sup>4)</sup> Mythol. d. gr. Stämme II. p. 83—123.

sagacitate neque sermonis elegantia destitutus, sed in opinionibus præjudicatis tenendis et excolendis obstinatissimus et in deos et heroas Græcos Procrustæ more sæviens, fabulæ illius veram et genuinam formam sic constitnendam esse: Lycaonem, filio mactato et Jovi apposito, ea pena affici, ut in lupum mutetur. Sumit præterea, Jovem Lycaeum et Lycaonem eandem personam esse; Jovem igitur ipsum in lupum mutatum filium suum devorare. Ad quam rem satis miram interpretandam affert, lupum imaginem esse ethioniam; igitur fabulam de Jove Lyæo filium comedente idem significare atque similem fabulam de Saturno Jovem infantem devorante: fertili anni tempore Jovem deum cælestem, Olympium, salutarem esse; ut vero calor aestivus segetes adurere cœperit, Jovem in deum chthonium, perniciosum, ea, quibus ipse vitam dederit, perdentem mutari. De fabula, qualis ab Apollodoro servata est, statuit, quinquaginta Lycaonis filios, ut quinquaginta Actæonis canes, de diebus canicularibus intelligendos esse; quod non mutantur, sed fulmine deleantur, fabulæ rationi alienum esse et fortasse interpolatori deberi; verum tamen sensum ejus eo apparere, quod Nyctimus fratribus superstes sit; nomen enim ipsum naturam ejus chthoniam satis ostendere; præterea inundationem Dencalioneam, quæ illo regnante evenisse dicatur, imbræ hiemales significare; quæ vero perniciosa sint, omnia ad deos chthonios pertinere. Percommode accidit, ut Müllerus ipsam de Lycaone fabulam perversissimo modo constituerit. Nam si fundamentum, quo conjecturæ ejus audacissimæ nituntur, corruit, ipsæ conjecturæ corruant meeesse est, neque nobis opus est singula vitia argumentationis ejus, manifesta præterea neque quemquam facile decipientia, ostendere. Atqui regulis artis criticæ vehementissime repugnat, quum

scriptores antiquiores non modo nesciant, Lycaonis filium immolatum esse. sed etiam aut ἐνα τῶν ἐπιχωρίων παῖδα aut obsidem Molossum Jovi appositum esse, tradant, nihilo minus ab ultimae aetatis scriptoribus sumere, Lycaonem filium jugulasse. Quasi Apollodorus et Ovidius scelus commissum minuere voluerint. Immo, quod Servius, Hyginus, Tzetzes atque similes de Lycaonis filio occiso tradunt, e fabula Tantali et Pelopis irrepsisse, admodum verisimile est.

### § 3.

Wieselerus<sup>1)</sup> operam dedit, ut in fabulis Bœoticis Gigantum vestigia ostenderet: sed quæ de Typhoeo, Sphinge, Aloidis, Orione, Tityo, Martis serpente, Spartis collegit, omnia aliena sunt. Nihilo minus jam abhinc annos quadraginta tres Buttmannus in disputatione de Minyis temporis antiquissimi<sup>2)</sup> nullo modo digna, quæ propter librum C. O. Müller ejusdem argumenti e memoria doctorum excideret, recte, ut videtur, statuit, fabulam Orchomeniam de Phlegyis fabulæ de Gigantibus Phlegræis artissime conjunctam esse<sup>3)</sup>. Nam et nomina Φλέγρα et Φλεγύα (Phlegyarum oppidum) tam similia sunt, ut duæ formæ ejusdem nominis dici possint (neque enim Φλεγύα a Φλέγρα longius abest quam νέκυς a νεκρός, μικός a μικρός), et fabulis, quæ de utrisque narrantur, magna convenientia est. Phlegyæ Orchomenii primum commemorantur in hymno Homericō in Apollinem Pythium, ubi poeta deum sic illoquitur<sup>4)</sup>:

ἴξεις δ' ἐς Φλεγύων ἀνδρῶν πόλιν οὐρανοῖσι τάνων,  
οἵ Διὸς οὐκ ἀλέγοντες ἐπὶ χθονὶ ναιετάσσουν  
ἐν καλῇ βήσοῃ ἱηφισίδος ἐγγύθι λέμνης.

<sup>1)</sup> p. 175. — <sup>2)</sup> Mythol. II. p. 194—245. — <sup>3)</sup> l. c. p. 225. — <sup>4)</sup> v. 100 sqq.

Deinde Pherecydes<sup>1)</sup> narraverat, Amphionem et Zethum, propterea quod Phlegyæ finitimos latrociniis vexarent, Thebas muris cinxisse; sed post mortem fratrum Eurymachum Phlegyarum regem urbem expugnasse; quum vero plura injuste fecissent, eos Jovis consilio ab Apolline deletos esse (*κατεταρταρώθησαν* unus codex habet). Ephorus<sup>2)</sup> Daulida sedem eorum fuisse, et Phocenses pro *ὑβρίζειν φλεγυᾶν* dicere affirmaverat. Pausanias in antiquitatibus Orchomeniis<sup>3)</sup> scribit, mortuo Eteocle, Orchomeni rege secundo, dominationem Phlegyæ, Martis et Chrysæ, Sisyphi neptidis, filio contigisse; tum omnem terram Phlegyantida et novum oppidum, quod Phlegyas condidisset, et in quod Græcorum bellicosissimos collegisset, Phlegyam appellatam esse; paulatim vero Phlegyas (sic enim illos appellatos esse) dementia et audacia incitatos a cæteris Orchomeniis defecisse et finitimos populatos esse, quin ipsum templum Delphicum a Philamimone et Argivis frustra defensum adortos esse; tandem deum gentem impiam continuis fulminibus et terræ motibus delevisse; qui superessent, peste mortuos esse, paucos tantum in Phocida configuisse. Quos Panopeum occupasse et Panopensium gentis auctores habitos esse, ex alio loco Pausaniæ<sup>4)</sup> apparent. Alibi<sup>5)</sup> commemorat, in bello septem ducum contra Thebas Phlegyas e terra Minyade Thebanis auxilio venisse. Restat fabula ab Ovidio<sup>6)</sup>, Philostrato<sup>7)</sup>, Scholiasta Iliadis<sup>8)</sup> tradita, Phorbantem, ingentem pugilem, Phlegyarum ducem, quum vias Delphos ferentes infestissimas reddidisset, ab Apolline victum et occisum

<sup>1)</sup> fr. 102 ap. C. Müllerum. — <sup>2)</sup> Schol. II. XIII. 301. — <sup>3)</sup> IX. 6. — <sup>4)</sup> X. 4. 1. — <sup>5)</sup> IX. 9. 2. — <sup>6)</sup> Met. XI. 413 sqq. — <sup>7)</sup> Imagg. II. 19. — <sup>8)</sup> ad XXIII. 660.

esse. Constat, C. O. Müllerum Minyarum Orchomeniorum historiam et reipublicæ descriptionem antiquissimam e fabulis eruere conatum esse. In qua descriptione Phlegyis ordinis bellici partes tribuuntur. qui se sensim a patria disjunxerit; nam Phlegyam et Minyam consobrinos esse in stemmate Orchomeniorum regum a Pausania tradito; igitur ambos populos consanguineos fuisse; neque de bellis, quæ post Phlegyarum secessionem inter se gesserint, quidquam narrari; igitur Phlegyas non coactos a Minyis se disjunxisse<sup>1)</sup>). Quam interpretationem ferri non posse, neminem fugiet. Nam in civitate florenti et opulenta, qualis Orchomenos Minyarnm fuisse dicitur, bellatores, id est nobiles, non sponte a patria se disjungunt, ut latronum modo vivant, et, si vi expelluntur, plebei in urbe remanenti infestiores quam ulli populo externo sunt. Deinde, qui meminerit. quanta fingendi licentia stemmata regum Græciæ mythicorum composita sint, hoc solum e genealogia a Pausania tradita conjicere audebit, fabulas de Phlegyis Orchomeuiam terram habitantibus fuisse. Multo potius ad rem veram et historicam spectat, quod idem Pausanias narrat. Phlegyas templum Delphicum populatos esse; versimile est enim, jam antiquissimis temporibus avaros finitimos divitias Apollinis concipiisse, et verarum populationum memoriam in fabulis servatam esse. Sed cum fabula de Phlegyis ab Apolline deletis aliam fabulam de eodem populo a Jove exterminato coaluisse, ex omnibus de Phlegyarum interitu narrationibus apparere nobis videtur. Nam apud Pherecydem. ubi ab Apolline interempti esse dicuntur, prorsus otiosum est, quod additur. κατὰ Διὸς προαιρέσεων. In narratione Pausaniae, deum

---

<sup>1)</sup> Orchomenos p. 179 ed. secund.

Phlegyas continuis fulminibus et terræ motibus delevisse, qui superessent, morbo periisse, arma Jovis et Apollinis facile agnoscuntur. Ne in pictura quidem Philostratea, ubi Apollo Phlegyarum ducem occidit, Juppiter prorsus abest; nam quercus, e cuius ramis Phorbas cæsorum viatorum capita suspenderat, fulmine percutitur. Huc accedit, quod in hymno Homericō Phlegyæ Jovis contemptores dicuntur. Quæ quum ita sint, suspicamur. fabulæ formam primam hanc fuisse, Phlegyarum populum impium et bellicosum in finibus Orchomeniorum, apud quos Juppiter Laphystius, ut in Arcadia Juppiter Lycaeus, humanis sacrificiis placabatur, a Jove deletos esse; deinde impetus a populis vicinis in templum Delphicum factos effecisse, ut Phlegyæ jam antiquissimis temporibus talia ausi ab Apolline interempti esse dicerentur; denique ambas fabulas coaluisse; præterea, qui postea fabulis et antiquis nominibus abutentes Orchomeni historiam primam composuerunt, propterea quod Phlegyæ olim illam regionem habitasse dicebantur, Phlegyam in numerum regum Orchomeniorum recepisse.

Quæ suspicio magnopere confirmatur loco Servii<sup>1)</sup> a Buttmanno citato, ubi e scriptis Euphorionis affert, Phlegyas populum insulanum impium et sacrilegum fuisse; qua de causa Neptunum, ea parte insulæ, quam Phlegyæ tenerent, tridente percussa, omnes obruiisse. Sed obstare videntur hi versus Iliadis<sup>2)</sup>:

οῖος δὲ βροτολογήσ "Αρης πόλεμόνδε μέτεισιν,  
τῷ δὲ Φόβος φίλος νῦν ἄμα κρατερὸς καὶ ἀπαρβήσ  
ζεπετο. ὅς τ' ἐφύβησε ταλάφρουνά περ πολεμιστήν.  
τῷ μὲν ἄρο' ἐκ θρῆνος Ἐφύρους μέτα θωρήσσεσθον

<sup>1)</sup> ad AEn. VI. 618. — <sup>2)</sup> XIII. 298 sqq.

*ἢ ε μετὰ Φλεγύας μεγαλήπορας· οὐδὲ ἄρα τώγε  
ἔκλινον ἀμφοτέρων. ἐτέροισι δὲ κῆδος ἔδωκαν.*

In quibus versibus Apollodorus<sup>1)</sup>, quem Strabo<sup>2)</sup> sequitur, Ephyros Crannonios, Phlegyas Gyrtonios interpretatus est, quæ sententia eo confirmatur, quod in fabulis illarum regionum Phlegyas Coronidis pater et Phlegyas Ixionis vel pater vel frater saepius commemoratur. Sed sive Apollodori interpretatio vera est sive falsa, Homerus populum non fabulosum, sed sui temporis significare videtur. Itaque statuere cogimur, Homeri tempore populum, ut videtur, Thessaliae a Phlegyis fabulosis originem ducere creditum et ideo interdum majorum nomine appellatum esse.

---

<sup>1)</sup> ap. Schol. Il. XIII. 301. — <sup>2)</sup> VII. fr. 14 et 16, IX. 442.

## DE GIGANTUM FABULA UNIVERSA ET DE SIGNIFICATIONE EJUS.

### § 1.

**A**ntequam ad ea, quæ nostrorum temporum doctis de universa Gigantum fabula placuerunt, accedimus, quæ, testimoniis antiquis consideratis et comparatis, aut certa aut verisimilia nobis videntur, paucis repetere utile erit. Certum igitur habemus, Gigantum nomen non a γίγη derivandum esse, sed ab ea radice, unde γαίω, γάρος, γαῖρος orta sunt, ut Gigantes aut superbi aut (armis) fulgentes verti possint. Quod ad ipsam fabulam attinet, si, minoribus omissis, majora tantum spectamus, duæ formæ ejus distinguendæ sunt, antiquior et recentior. Illa, ad quam omnia testimonia servata, quæ Alexandri tempore antiquiora sunt, pertinent, populum ostendit superbum et bellicosum, Terra genitum, forma humana, statura ingenti, a diis et Hercule in campo Phlegræ extinctum. In fabula recentiore Gigantes ad Typhoeum proxime accedunt. Nam ut apud Hesiodum Typhoeus, sic apud recentiores Gigantes ad Titanes fratres ulciscendos cælum oppugnant, ut hic, serpentipedes sunt, denique a diis montibus ignivomis oppressi Typhoei supplicium patiuntur; quin ipsum illud monstrum inter Gigantes contra deos pugnasse, recentior fabula narrat. Cujus vestigia certa jam apud scriptores temporis Alexandrini inveniuntur, sed præ-

cipue floret apud scriptores ætatis Romanae, ubi etiam Aloidae, Centimani, Titanum nunnuli in Gigantum numerum recipiuntur, et forma eorum cum maximis exaggerationibus describitur. Interea etiam nominis Gigantum significatio ita amplificatur, ut omnes Terrigenas complectatur. Apollodori narratio a recentiori fabulæ forma non multum distat; nam Gigantes ejus Titanum ultiors et serpentipedes sunt, et Enceladus Sicilia obruitur. Ex altera parte Typhoeus Gigantum socius non est, sed post Gigantes cæsos in tertium contra deos bellum a Terra irata emittitur. Quæ antiqua cum novis conjungendi ratio nescio an ipsi Apollodoro debeatur. Vidimus enim supra, quam callide difficultatem fabulæ antiquioris de Typhoeo et recentioris de Encelado sub Aëtna jacenti conjungendæ vicerit. E compluribus terris et insulis Graecis, quæ ab incolis Gigantum patria et belli eorum sedes fuisse dicebantur, sola Pallene pæninsula testimonia antiquiora habet. Nihilo minus, considerata fabula Arcadica de Lycaone et filiis ejus, verisimile fit, antiquiorem fabulam de Gigantibus a Jove in Arcadia victis ab illa obscuratam esse. Præterea Gigantibus et Phlegyis Boeotiae atque Phocidis tanta similitudo est, ut Phlegræ nomen hinc in Gigantum fabulam illatum esse, recte conjici posse videatur.

Welckerus<sup>1)</sup> omnia, quæ de Phlegra et de pugna deorum et Gigantum narrantur, ad recentiorem fabulæ formam refert; Porphyronem enim, Aleyoneum, Ephialten, Enceladum nomina esse Typhoei ad vim ejus igneam significandam inventa; quæ nomina paulatim effecisse, ut plures Typhones fuisse crederentur; deinde poetæ Titanum fabulam imitando renovantes Typhonum contra deos bellum finxisse; Gigantes

---

<sup>1)</sup> Gr. Götterlehre. I. p. 787—94

eos appellatos esse, non Typhones, tum quod Terræ filii essent, tum quod corporibus ingentibus et viribus prodigiosis ad Gigantes antiquiores, quales in Odyssea, Theogonia. fabulis topicis sunt, generis humani auctores, proxime accederent. Apparet, Welckerum præcipue eo, quod Gigantomachia in Theogonia Hesiodea deest, commotum esse, ut talia statueret. Sed difficultas illa multo facilius tollitur, si statuimus, deorum poetam pugnam sibi quidem non ignotam, sed inter res gestas deorum et heroum medium quandam locum tenentem Heracleidum poetis aptiorem quam sibi credidisse. Deinde. si Gigantes Phlegræi Typhones sunt, cur Typhoeus ipse ante tempora Alexandrina et Romana nusquam neque apud scriptores neque in monumentis artis inter Gigantes pugnat? cur Gigantibus Phlegræis Typhoei serpentipedis forma non est? Præterea nomina illa, quæ Welckerus ad Typhoei naturam significandam facta esse vult, omnia ejusmodi sunt, ut cuilibet viro vel daemoni bellicoso convenient; neque enim vir doctus multis persuadebit, Enceladum esse, qui intus (in Ætna) strepat<sup>1)</sup>. Denique ipsum nomen *Gigas* a γίγης derivari non posse, supra vidimus, ut haec quoque suspicio Welckeri, Gigantes antiquioris fabulae et Terrigenas quarundam fabularum topicarum eosdem esse, concidat necesse sit.

Welckeri errores refutare conans Wieselerus ipse in errores maximos incidit. Nam primum nullo idoneo arguento fatus statuit, Gigantum contra deos pugnam e Theogonia Hesiodi excidisse<sup>2)</sup>. Deinde versu Theogoniæ Tzezæ maxima audacia et levitate abutens contendit, Titanum φάλαργας apud Hesiodum Gigantes esse<sup>3)</sup>. Postremo Gi-

---

<sup>1)</sup> l. c. p. 792. — <sup>2)</sup> v. supra p. 13. — <sup>3)</sup> ibid.

gantes antiquissimæ fabulæ a Titanibus prorsus non diversos fuisse, etsi a poetis obscuratum sit, e fabulis topicis apparere scribit<sup>1)</sup>). Cujus opinionis novæ et, si vera est, gravissimæ argumenta quærens ea, quæ Wieselerus de fabulis topicis colligit et disputavit, saepius perlegi; sed pro argumentis leves tantum conjecturas e nominum paucorum similitudine pendentes inveni. Quæ de Eurymedonte Gigantum rege et Perseo Eurymedonte Argivo et Persa Titane non diversis disputavit, jam supra<sup>2)</sup> in fabulis Argolicis commemoravimus. Præterea Pallantem Pandionis filium<sup>3)</sup> et Pallantem Lycaonis filium<sup>4)</sup>, ambo, ut vult, Gigantes, cum Pallante Titane et Asterium, qui in Peplo Aristotelico a Minerva interemptus esse dicitur et a Wieselero ad fabulas Creticas<sup>5)</sup> et Atticas<sup>6)</sup> refertur, cum Astræo Titane propter nomina conjungit.

## § 2.

Propterea quod Homerus Gigantes λαὸν ἀτάσθαλον appellat, jam Pausanias colligit, eum Gigantes mortales habuisse. Idem ostendit, quod Eurymedontis filiam γυναικῶν εἰδός ἀρίστην appellat. Ne Hesiodus quidem aliter credidisse statuendus est, etsi Furias et Nymphas eodem atque Gigantes partu editas esse narrat; nam etiam e Gorgonibus sororibus una mortalis, reliquæ immortales credebantur<sup>7)</sup>, et in proœmio Theogoniae Gigantes et hominum geniū artius conjungividentur. Batrachomyomachiæ quoque auctor Gigantes viros terrigenas appellat, et mors Gigantum ab eodem et Pindaro

<sup>1)</sup> p. 168. — <sup>2)</sup> p. 75 sqq. — <sup>3)</sup> p. 173. — <sup>4)</sup> p. 172—73. — <sup>5)</sup> p. 171. — <sup>6)</sup> p. 173. — <sup>7)</sup> Apollod. II. 4. 2. 7.

et Euripide commemoratur. Constat igitur, Gigantes fabulae antiquioris homines esse. Apud recentiores autem inde a Callimacho immortales sunt, si quidem montibus obruti et ardentes vivunt. Attamen, qui ossa ingentia reperta ad Gigantes retulerunt, eos mortales credidisse necesse est.

Ipsum genus humanum a Gigantibus ortum esse, ad recentiorem fabulam pertinere videtur. Nam Ovidius primus hoc tradidit narrans, homines, qui diluvio Deucalioneo interierint, e sanguine cæsorum Gigantum ortos esse. Quod Ovidium e disciplina Orphica sumpsisse, Prellerus<sup>1)</sup> recte, ut videtur, contendit. Nam etsi Orphica doctrina haec erat<sup>2)</sup>, homines e Titanum fulmine combustorum cineribus ortos esse, Ovidii tempore jam multa a Titanibus ad Gigantes translata erant; et in ipsis Argonauticis Orphicis<sup>3)</sup> Gigantes λυγρὸν σπέρμα dicuntur, ὅθεν γένος ἐξεγένοντο θυγατῶν, οἱ κατὰ γαῖαν ἀπείριτον αἰὲν ἔσσων, quem locum Schœmannus<sup>4)</sup> contra G. Hermannum optime vindicavit. Commemoravimus supra, Dionem Chrysostomum tamquam opinionem vulgarem afferre, hominum originem aut Titanibus aut Gigantibus deberi; item apud Homerum Eurymedontis filiam esse matrem Nausithoi Phæacum regis, et Gallos a Lycophrone et aliis Gigantum posteros appellari.

Wieselerus<sup>5)</sup>, quippe qui Gigantes et Titanes eosdem olim fuisse, statuerit, illis, ut his, naturam divinam vel dæmonicam vindicare studens quum ad analogiam Gigantum, qui in fabulis populorum septentrionalium sunt, tum ad conjunctionem, quam quibusdam Gigantibus cum quibusdam diis intercedere vult, configuit. De illa analogia incertissima,

<sup>1)</sup> Gr. Mythol. I. p. 57 annot. 2. — <sup>2)</sup> Lobeck. Aglaoph. p. 565 sqq. — <sup>3)</sup> v. 18. — <sup>4)</sup> Opuse II. p. 139. — <sup>5)</sup> p. 179—80.

quia ab initio dissertationem nostram antiquitatis Græcæ et Romanæ finibus circumscripsimus, nihil dicemus. Argumentum, quod in conjunctione quorundam deorum et Gigantum positum est, C. O. Müllero debetur, qui in dissertatione de zophoro Thesei statuit, Pallantem, qui in fabulis nonnullis, quas supra <sup>1)</sup> enumeravimus, a Minerva vincitur, esse natu-ram hostilem et perniciosa ipsius deæ, quæ a miti et be-nefica vincatur. Verum omnes illi Pallantes num inter Gi-gantes referuntur? Nullo modo. Neque enim Pallas Mi-nervæ pater, qui apud Ciceronem et Tzetzen a filia virgi-nitatem defendantem interemptus esse dicitur, Gigas appellatur, et Pallas Stygis maritus Victoriae pater apud Hesiodum Ti-tan est, non Gigas. Pallantem Pandionis filium Gigantem esse, mera conjectura est. Ne ille quidem Pallas Arcadius, Pallantii oppidi conditor, qui Chrysæ et Victoriae pater fu-isce et Minervam educasse a Dionysio Halicarnassensi dici-tur, Gigas nominatur, neque, quod unus e filiis Lycaonis est, ullius momenti esse debet. Nam etsi Lycaonis filii in fabula recentiore locum, quem in antiquiore Gigantes tenuerint, occupasse videntur, nomina tamen Lycaonidarum, quæ ab Apollodoro <sup>2)</sup> et Pausania <sup>3)</sup> servata sunt, jam Gigantibus fa-bulæ antiquioris fuisse, verisimile non est. Restat Pallas, qui solus Gigas appellatur, quem in pugna Phlegræa a Mi-nerva occisum et cute spoliatum esse, Apollodorus tradit. Quæ igitur fabulæ forma prima et genuina sit, quæritur. Hæc, quæ ab Apollodoro traditur, nullo modo. Neque enim ab ullo scriptore antiquiori Pallas Gigas commemoratur, ne-que in ullo vase picto Pallas Minervæ adversarius est, ve-rum semper Enceladus, neque facile intelligitur, quomodo a

---

<sup>1)</sup> p. 79. — <sup>2)</sup> III. 8. 1. — <sup>3)</sup> VIII. 3.

narratione Apollodori cæteræ fabulæ ortæ esse possint. Immo cum Müllero statuere cogimur, inter varias de origine Minervæ fabulas etiam cam fuisse, deam Pallantis cuiusdam, quem ipsa occidisset, filiam esse; præterea Hesiodum, alia de Minervæ ortu narratione in Theogoniam recepta, fabula illa sic tantum uti potuisse, ut Pallantem illum Victoriae patrem diceret. Alius postea poeta vel mythologus de Gigantum bello scribens Minervæ cum Pallante pugnam recepisse, quod autem ad Gigantum fabulam accommodari non potuit, Minervæ patrem illum Pallantem esse, omisso videtur. E verbis Hesychii: Ἐγκέλαδος ἡ Αργυρᾶ nihil aliud collendum esse puto nisi hoc: quum jam opinio vulgaris esset, Minervam propter Pallantem in Phlegra occisum Pallada nominari, poetam aliquem ad rem variandam alterius quoque Gigantis, quem in Phlegra viciisse dicebatur, nomen deæ dare ausum esse. — Ut Pallas et Eneeladus eum Minerva, ita Asterius, Lycaon, Almops, Pelorus cum Jove artissime conjuncti esse, et partem tristem et perniciosem naturæ ejus significare Wieselero videntur. Verum Lycaon ad Gigantes omnino non pertinet, et quamquam Asterius et Pelorus Jovis cognomina sunt — Juppiter Asterius Cretæ<sup>1)</sup>, Pelorus in Thessalia<sup>2)</sup> colebatur — tamen quia Asterius et Pelor Gigantes non a Jove, sed ille a Minerva<sup>3)</sup>, hic a Neptuno<sup>4)</sup> vieti esse narrantur, illa nomum convenientia non magni momenti est. Ahnopem Gigantem ab Almo Sisyphi filio<sup>5)</sup>, Alnum porro a Salmoneo non diversum esse, Salmoneum autem Jovem infernum (chthonium) esse, centendit Wieselerus programma Rempenii cuiusdam<sup>6)</sup> citans. Quem librum quia adire non

<sup>1)</sup> Preller, Gr. Mythol. II. p. 117. ann. 4. ed. 2. — <sup>2)</sup> Athen. XIV. 45. — <sup>3)</sup> supra p. 32. — <sup>4)</sup> supra p. 68. — <sup>5)</sup> Paus. IX. 34. 10. 36. 1. — <sup>6)</sup> Salmoneus. Clausthal. 1847.

potui, donec melius doctus ero, opinionem de Jove Salmo-neo inter conjecturas de diis infernis, quas mythologi agri Gottingensis multas et inanes protulerunt, referam. — Quæ de Gigantibus cum Neptuno artius conjunctis excogitavit Wieselerns, omni specie veri carent. Primum Aloidas com-memorat, Neptuni filios, quorum alterum illum Ephialten esse vult, qui in vase picto a Neptuno, apud Apollodorum ab Apolline vincitur. Graviter eum hic errare, satis appetet; nam Aloidae divelli non potuerunt: si Ephialtes jam tum in Gigantum numerum receptus esset. Otus frater ejus non abesset. Deinde Polyboten a Neptuno Co insula obrutum a Buta, quem Pausanias<sup>1)</sup> Athenis juxta Neptunum aram ha-buisse narrat, diversam non esse, suspicatur. Hic ne no-mina quidem congruunt. Præterea Enceladum cum Neptuno conjungit. Cui opinioni vehementer obest, quod apud nul-lum neque poetam neque grammaticum Enceladus a Ne-ptuno victus esse narratur. Sed Wieselerus non deterretur; nam equus Neptuni alicubi<sup>2)</sup> Enceladus nominatur, et Mi-nerva, Enceladi victrix, est dea Neptunia! Similiter de Al-mope, Jove illo inferno, disputat; nam quod Almops Nep-tuni filius dicitur, eo explicari putat. quod Juppiter et Nep-tunus natura conjuncti sunt. et quod Ζηνοποσειδῶν in Asia colebatur, Θαλάσσιος Ζεύς ab Hesychio commemoratur. Perditam causam, quæ talibus susidiis egeat!

### § 3.

Vidimus supra, scriptorum antiquorum nonnullos, Epho-rum, Theagenem, Diodorum, Varronem, Macrobius, Gigan-tum fabulam de vero populo impio aut ab Hercule aut a

---

<sup>1)</sup> I. 26. 6. — <sup>2)</sup> ap. Eustath.

diis delecto interpretatos esse; alios cum Xenophane Gigantum bellum ad *πλάσματα τῶν προτέρων* retulisse. Nostro tempore, postquam scientia fabulas ab historia distinguere didicit, omnes Xenophanis sententiam probant. Sed de hoc dissentunt, utrum fabula primorum hominum rudes mores et incultam vitam significet, an Gigantes de omnibus, quae in rerum natura immoderate sœviant et mundi tranquillum ordinem turbare videantur, intelligendi sint. Illam sententiam, præeunte Cornuto philosopho, et alii secuti sunt et Welckerus<sup>1)</sup>. Sed vehementer obest, quod in fabula antiquiore ne verbo quidem significatur, Gigantes homines primos et generis humani auctores fuisse, et quod illa opinio tum demum, quum et Gigantes cum Titanibus confundi et omnes Terræ filii, igitur *ἀβτόχθονες* quoque humani, Gigantes appellari cœpti essent, orta esse videtur. Alteri sententiæ, quae Gigantum fabulæ interpretationem non e vita generis humani, sed e rebus ad physicam, meteorologiam, geologiam pertinentibus petit, ea maxima est difficultas, quod Gigantes apud antiquiores non dæmones sunt, sed populus mortalium jam pridem extinctus; nam illæ res naturales, quae manent, dum rerum natura manet, tali imagine significari vix posse videntur. Hæc de re universa. Nunc ad singula huc pertinentia, quæ viri docti, præcipue Wieselerus<sup>2)</sup>, excogitaverunt, transeamus.

Opinio est late pervulgata, Gigantes ignem subterraneum, qui per montes, quos nunc Vulcani nomine appellamus, exit, significare. Cui opinioni si opponeremus, ante ætatem Alexandrinam neminem scriptorem Gigantem sub monte ignivomo jacentem commemorare, responderetur, illam fabulæ signifi-

<sup>1)</sup> Gr. Götterlehre I. p. 787—90. — <sup>2)</sup> p. 180—83.

cationem Phlegræ nomine, quod jam Pindarus novit, confirmari. Quod tamen incertissimum est. Nam Pallenen pæninsulam, quam antiquam Phlegram esse, et Herodotus et fortasse Pindarus testantur, vestigium ignis subterranei ostendere, nemo tradidit, et Phlegyæ, quorum nomen ab eadem radice derivandum est et Hesiodi verbis de Gigantibus „τεύχεσθαι λαμπομένους“ explicari posse videtur, jam in hymno Homericō ad viciniam Copaidis, ubi illa vestigia simili modo desunt, referuntur. Igitur supra suspicati sumus, Phlegræ nomen e fabula Phlegyarum impiorum et fulmine interemptorum in Gigantum fabulam illatum esse. Nihilo minus, etsi Gigantes ad ignis subterranei causam afferendam facti et inventi esse nullo modo videntur, tamen postea illam interpretandi rationem adhibitam esse, negari non potest. Neque enim solum a poetis Alexandrinis et Romanis Gigantes sub Ætna, Pitheciensis, Vesuvio, agro Cumano jacentes commemorantur, sed in fabula Arcadia, quam antiquam credimus, Gigantes in loco, ubi terra et antiquis et recentioribus temporibus interdum arsisse dicitur, superati esse narrantur, et prope Phanagoriam, aliud de Gigantibus cæsis fabulæ patriam, colles quosdam modo limum fluentem, modo ingentes flamas emittere, satis constat<sup>1)</sup>). Si queritur, cur Pallene antiqua Phlegra habita sit, verba Solini de ingentibns ossibus illic repertis et de saxis immanibus illic jacentibus veram fortasse causam continent, quum et alibi ossa reperta Gigantum reliquiae habitæ sint, et montes Myconi insulæ, cui suam de Gigantibus fabulam fuisse, Strabo scribit, ingentibus saxis obsiti esse dicantur<sup>2)</sup>). Facile tamen appareat, inde colligi

---

<sup>1)</sup> Neumann, Die Hellenen im Skythenlande p. 553. —

<sup>2)</sup> Ross Inselreisen II. p. 29.

non posse, fabulam ossibus illis et saxis originem debere, ut, si illa non fuissent, ne fabula quidem futura fuerit. — Gigantibus cum fulmine conjunctionem quandam esse, si quidem aut fulmine interempti esse aut sub montibus ignivomis viventes fulminis flamma ardere narrantur, negari non potest. Verum Gigantes fulminis dæmones esse, Wieselerus frustra probare conatus est<sup>1)</sup>). Nam quod apud Apollodorum querens incensas in cælum jaculantur, nihil omnino demonstrat, et. quod in illo loco Arcadiæ, ubi Gigantes victi esse credebantur, fulminibus, tonitribus, procellis sacra fiebant<sup>2)</sup>), Klau-senius, quem Wieselerus citat, recte explicavit, statuens illis ut instrumentis victoriæ Jovis honorem habitum esse. Wieselerus sacrificia illa piacula, quibus dæmones victi illi quidem, sed semper tamen timendi placarentur, fuisse contenden-s, quærerit, si instrumentis victoriæ, cur non et ipsi victori honos habitus sit. Quasi Juppiter ipse non in propinquo monte Lycaeō, non Megalopoli summo studio cultus sit. Procellarum dæmones Gigantes esse, e loco Æschyleo colligit Wieselerus<sup>3)</sup>), ubi Zephyrus Gigas appellatur. Verum Capaneus quoque et Tydeus apud eundem Gigantes appellantur. Quod deinde affert, in cista Cypseli Boream serpentipedem fuisse<sup>4)</sup>), contra ipsius de Gigantibus opinionem est; neque enim Gigantes fabulæ antiquioris illa forma fuerunt. Sus-picio denique, quam profert. Pagram Gigantem Antiochenum a Borea, quem Mallotæ Pagreum appellabant<sup>5)</sup>), diversum non esse, si vera est, tamen a mythologia Græca aliena est. — Gigantes caliginem quoque significare, infelicissima

<sup>1)</sup> p. 182. — <sup>2)</sup> Paus. VIII. 29. 1. — <sup>3)</sup> p. 183. — <sup>4)</sup> Paus. V. 19. 1. — <sup>5)</sup> Aristot. Vent. p. 973 a 1. Bekker.

conjectura est ejusdem viri docti<sup>1)</sup> inde orta, quod Gigantes apud Lucilium et Claudianum sidera aggrediuntur. Cælum aggredientes sideribus parcere nimis profecto ardua res esset. Lucretii locum<sup>2)</sup> de nubium variis formis si totum perlegisset Wieselerus, non contendisset<sup>3)</sup>, illius poetæ æquales nubes solem obscurantes Gigantum ora credidisse; nam hoc solum dicit, nubes solem prætervolantes modo Gigantum figuris, modo montibus, modo beluis similes esse. — Ex interpretationibus Wieseleri, quarum rationem hadendam esse duximus, una restat, Gigantes etiam fluvios significare<sup>4)</sup>. Ad quam probandam quæ afferuntur, sane exigua sunt. Nam quæ de Oronta fluvio apud Strabonem<sup>5)</sup> narrantur, Typhonem serpentem fulmine ictum terram spiris suis sulcantem alveum fluvii effecisse, in terram se immergentem fontem ejus aperuisse, et ad Syrorum barbarorum fabulas sine dubio pertinet, et, quia Typhoeus recentioribus demum temporibus in Gigantum numerum receptus est, ad Gigantum significationem cognoscendam nihil valet. Non majoris momenti est, quod Brychon fluvius Pallenes a Lycophrone<sup>6)</sup> γῆγενῶν ὑπηρέτης dicitur. Nam eo ipso, quod Gigantum minister appellatur, a Gigantibus distinguitur. Denique auctor Etymologiei Magni<sup>7)</sup> Giganta fluvium in confiniis Pallenes et Macedoniae, ubi etiam Gigonis promontorium et oppidum Gigonus<sup>8)</sup> fuerunt, commemorat. A quo nomine fortasse barbaro, fortasse a Græcis corrupto tota illa conjectura pendet. — Prellerus<sup>9)</sup>, qui Gigantes Gigantomachiæ plerosque ignos esse vult, Gigantes Odysseæ, quia cum Neptuno et Phœaci-

<sup>1)</sup> p. 181. — <sup>2)</sup> IV. 136 sqq. — <sup>3)</sup> p. 182. — <sup>4)</sup> p. 182. — <sup>5)</sup> XVI. 751. — <sup>6)</sup> v. 1408. — <sup>7)</sup> s. v. Γεγωνίς — <sup>8)</sup> Herod. VII. 123. — <sup>9)</sup> Gr. Mythol. I. p. 487.

bus conjuncti sunt et Eurymedon nomen regis eorum apud Pindarum<sup>1)</sup> Neptuni cognomen est, de fluctibus marinis interpretatur. Quod tamen valde dubium esse, ipsi Prellero libenter concedimus. — Interpretatio, quam postremam commemorabimus, a Schoemann<sup>2)</sup> inventa, a Prellero<sup>3)</sup> et Wieslero<sup>4)</sup> probata est, Alcyoneum Gigantem hiemem significare. Ad quam suspicionem probandam complura argumenta excogitata sunt, quae tamen omnia satis dubia sunt. Primum ipsum nomen Alcyonei alcedinum, hibernarum avium, nomini propinquum esse volunt Wieselerus et Prellerus, et erat re vera fabula<sup>5)</sup>, illins Gigantis filias post mortem patris in alcedines mutatas esse. Sed constat, alcedines aves tranquilli maris habitas esse, neque inde derivatum nomen terribili hiemis Giganti aptum esset; neque Prellerus Latinum „algeo“ hic afferre debuit. Aliud argumentum ipsa fabula suppeditavit narrans, Alcyoneum Solis boves Erythia abegisse, quos boves abactos vires Solis hieme fractas significare, scribit Schoemannus. Sed etiam Odyssea de Solis bubus mactatis narrat<sup>6)</sup>, ubi de hiemis victoria ne cogitari quidem potest, et quod in nonnullis vasis pictis Alcyoneus somno sepultus ab Hercule opprimitur, Prellerus ingeniose ille quidem de hiemis torpore interpretatus est, sed probandi vim, ubi cætera argumenta tam incerta sunt, hoc non habere, satis appareat. Denique comparatio Alcyonei et Geryonis, quem hiemem esse, et Schoemann<sup>7)</sup> et Prellero<sup>8)</sup> persuasum est, minus apta esse videtur. Nam Geryon cum suis armatis Erythiae habitasse, Alcyoneus Solis boves Erythia abegisse

---

<sup>1)</sup> Ol. VIII. 31. — <sup>2)</sup> Op. acad. II. p. 201. — <sup>3)</sup> I. c. I. p. 206. — <sup>4)</sup> p. 180. — <sup>5)</sup> Bekkeri Anekd. Gr. p. 377. — <sup>6)</sup> XII. 128. sqq., 352 sqq. — <sup>7)</sup> I. c. p. 200 sqq. — <sup>8)</sup> I. c. p. 203 sqq.

narratur. Huc accedit, quod Alcyoneus, etsi in fabula antiquiore belli contra deos particeps non est, tamen Phlegræ incola est; quam sive ardentem, sive lucentem terram vertimus, hiemi aptum domicilium non est. Ne hoc quidem Schoemanni conjecturam commendat, quod Herculem vernum calorem putare cogitur.

Quibus difficultatibus commoti, neque Alcyoneum neque cæteros Gigantes imagines rerum naturalium habemus, neque omnino fabulae illi sensum reconditum tribuere audemus.

---

## Bekjendtgjørelse.

---

Ministeriet for Kirke- og Undervisningsvæsenet har under 12te d. M. bifaldet følgende af Consistorium i Henhold til § 2 d i den allerhøieste Resolution af 10de Mai f. A. (Bekjendtgjørelse af 19de s. M.) angaaende Erhvervelsen af de academiske Grader ved Kjøbenhavns Universitet foreslaaede Bestemmelser til Ordens Opretholdelse ved det offentlige Forsvar af Afhandlinger for Erhvervelsen af bemeldte Grader, nemlig:

1. Forvarshandlingen styres af Facultetets Decanus eller af en anden dertil af Facultetet udnævnt Professor. Styreren giver Ordet og paaseer, at Handlingen foregaaer paa en værdig Maade; han kan paalægge en Opponent at ophøre og i fornødent Fald afbryde Handlingen. Styreren deeltager ikke selv i Disputationen.
2. Berettiget til at optræde som Opponenter ere ordentligviis kun academiske Borgere, uden Hensyn til Livsstilling, samt Candidaterne fra det polytechniske Institut og det forrige chirurgiske Academie. Andre, som ønske at opponere, maae derom forud henvende sig til vedkommende Facultet.
3. De, som ville opponere, have at melde sig hos Facultetets Decanus *inden* Begyndelsen af Handlingen; dog kan Styreren ogsaa give Tilladelse under selve Handlingen, men uden at betage dem, som tidligere have meldt sig, Forretten.
4. Der tilstaaes ordentligviis hver Opponent ex auditorio  $\frac{3}{4}$  Time; dog kan Styreren, forsaavidt som Antallet af de anmeldte Opponenter tillader det, tilstaae en længere Tid. Hele Handlingen maa ikke vare over 6 Timer.
5. Foranførte Bestemmelser skulle indtil videre trykte medfølge enhver Disputats.

Dette bekjendtgøres herved til Efterretning for alle Vedkommende.

Consistorium, den 26de April 1855.

J. E. Larsen.

J. Gram.

F. C. Petersen.

(L. S.)





MDCCCLXIV.